

讀對山康先生集

今方內徃徃雄伯武功康先生蓋以其天  
才縱逸夫口成文世所稱瑰瑋代不數出  
者而二三么麼顧以為早早亡竒此何以  
稱也嘗諦思其故無乃以先集駁襍而躬  
小之與不佞受戎任道出聞喜得校定本  
於其子長吏榜所一縱目而知先生非常  
人也乃其人品政事亦畧可睹矣故吾里





韓恭簡公嘗稱先生為國器惜其無以自見斬於文章見之審然哉若夫先生氣節見於處巨奄援李獻吉譚者以為行權余亦以為然設一引嫌獻吉關三木出乎願先生用權全友犁巨奄收而卒無以自解於當時之只君子曰後世微獨用權難即識權者亦鮮蓋重閔先生之不幸也昔呂文簡公及第峻却其餽遺為巨奄所與尾

於旅次幾不免虎口先生委曲於艱難之中全身全交而官不振於乎此經權之辨成敗之際未易論也而世所苛論於先生非其質矣即不其然彼奄人也收安定也逮方其時游媚尊顯者獨若人也與哉先生以一史官父之不調此尤彰明較著者由茲以譚世之所共重兩先生此其繇與人言士定於蓋棺迹暴於異世余采之與



論得以具列於先生者如此也

萬曆癸未陽月初吉廣居子王學謨書於

縣之代舍

刊劉山康先生全集叙

康德涵先生以文章名海內不佞自束髮談藝心竊嚮往之于今數十年而始得從關中讀其集既讀之則又心竊有疑也乃以訊之李太史本寧氏太史曰集固非全也曩先生沒其遺文散逸無次友人張孟獨氏彙而刻之譬之寶玉瑜瑕並矣又多珉珉燕石間列而錯陳



殊弗類也余從先生嗣子孝廉子秀訪之蓋得十之四又從其外孫張明府維訓訪之得十之六集庶幾哉稱全矣第無有能為先生忠臣者嚴覈而慎選之請以屬子於是以全集畀不佞旣辭弗敏則又私念曰曩見先生集恨不得其全也旣全矣辭弗竟業則嚮往之謂何不佞即弗敏孰若為太史前驅剛其訛

謬其當與否姑就太史評定焉其奚而不可乃取先生集伏讀數過輒僭為甲乙之以上之太史太史復覽而加評定謂不佞曰是庶幾稱完璧矣雖然余二又者奚足以盡先生余取其甲以付孝廉其乙者後將或有取也余從諸體之後虛其白以待焉其可矣刻旣成則以孝廉之請叙之末簡曰嗟乎文自司馬



氏以來作者代起蓋千有餘年而無能  
得其似先生崛起弘正間逸才天授不  
假人力遂升子長之堂而入其室與李  
何王馬彬彬然朋炳交映斯不亦間世  
之傑哉先生素絕閹瑾之交乃以微權  
緩頰而解北地之厄至琵琶擊客一事  
海內士大夫類能言之此其直氣雄萬  
夫與文力相負願語云又從心生又云

文類其為人不佞蓋以口必信先生故辭  
弱而踏者非先生之真曲亦取也語雜而  
諛者非先生之真弗取也遊言枝蔓雕  
刻藻繪非先生之真弗取也先生之文  
慷慨激發有觸於感不顧忌諱其甚者  
間傷於直弗恤也然非此不足以見先  
生其於詩也亦然至直寫胸臆琅然蒼  
然中於金石或比於簞其色黠然其聲



樸樸斯瑜瑕之謂矣不佞間取擇焉蓋  
有子長氏之風而氣節勝之先生之集  
斯其槩矣不佞又私竊觀之往者寧夏  
之變震動河華至

當宁旰食先生移書曹帥謂當謀之仇鉞  
乃後咸寧竟收擒逆之功乙酉之歲妖  
人煽逆三輔盜賊蠭起先生徒薪之論  
發之二十年之前乃其究也較計索情

言賊出沒合歎之狀如指諸掌卒如其  
度不爽毫髮今丁集中與馮乾州姜武功  
書可按而知也先生之經綸不獲盡試  
乃微見於此世談者謂先生為文章之  
士知先生者或又以氣節掩之嗟乎先  
生之經綸不見於世獨歸其氣節訛訛  
之論或成貝錦猶謂先生與瑾有密并  
氣節少之世所僅知者獨文章耳而散



逸之久真贗並行悲夫先生全集行而  
覽者囚得其氣節經綸之槩自于今以  
往先生為不亡矣非太史氏博求而精  
擇誰其任之哉誰其任之哉

萬曆九年正月上元日豫章後學郁水

山人朱孟震書

山先生集叙

吳郡王世懋撰

王子曰夫文至弘正間盛矣於時關中  
稱十才子而康先生德涵為最然獨最  
偃蹇至削籍以死余在土關中首索先生  
集讀之恠其盛名之下所著僅此而時  
亦有曼衍亡當於情實者馬伯循傳先  
生首舉其張氏族譜乃集亦不載以為



疑亡何先生之子鄉進士柁來盡以先生遺集見付乃稍卒業而歎其鉅麗然其為曼衍亡當於情實者亦益以衆則何也先生當長沙柄文時天下文孱弱矣關中故多秦聲而先生又以太史公質直之氣倡之一時學士風移先生卒用此得罪廢而使先秦兩漢之風至於今復振明先生力也既已放廢無聊稍

托之聲伎以自耗其瑰磊之氣不能作下帷腐毫生活而家居父名益重海內丐文者無虛日先生間以絲竹麴蘖之暇應之而門生子弟亦時有為代筆者以故不無蕪譌至其為詩樂府蔚健故是風雅所寄而五七言古律間多率意之作又慕少陵直摠胸臆或用時人名號爵里或韻至便押不必麗於雅故此



自先生志雄一世由我作則或以為不當併削然余謂粹也爾其為康氏志也者則可留為千載之下重康先生也者則不可留夫使利膺後生執一瑕以廢先生之瑜毋寧使獲罪於先生之子孫謂廢其家志哉凡二集中鋪叙亡關係者必削率直亡蘊藉風者必削削命意就特離於大雅者必削總之舊集之削者十之二三而遺集之入者十之三四彬彬乎足成一家言矣於戲獸畏網羅人惡僞異命不諧俗死猶煩人先生少負僞聲為

廷對第一人意將兼舉經濟潤色之鴻業不幸被讒譖以廢其志事既無所表見而放浪形骸之外又為禮法之士所繩獨所可不磨者有斯集在乃又以武夫



溷良璧壘取篠穢羨箭是先生之窮且併  
其文為異趣者愉擲此寧獨康氏子孫  
之羞亦斯文後死者之責也是編也出  
即不敢謂明盡得先生之心抑或風雅備  
焉覽者循明是以求先生未白之心庶幾  
哉千載人豪思過半矣

萬曆九年八月旦日

刻對山康子集序

嗚呼朋友之道缺絕久矣昔人有言一死一生乃見  
交情對山康子德涵之卒也遺集若干卷與之友者  
亦衆矣或取其小善而詳著其短或口稱其才而心  
則嫉妬之况望其注意於斯集者乎太微張子孟獨  
友於對山子者蓋有年矣義氣之相投交愛之深切  
即古之稱知己者幾以過焉於是編搜斯集而得其  
全乃罄心力乃剛繁蕪乃正舛訛謀於郡守六泉吳  
公而刻之梓當是時泣撫臺者東涯翁公也乃以請  
焉翁公忻然從之甫踰數月刻以告成六泉公蜀予



為之序夫荆山之瑛豐城之寶天下之至奇理固不容於終匿也向非卞和氏之神識張華氏之博物亦孰從而知孰從而得之也是故於斯集之刻見三君子之德焉其在東厓公則為善聽在六泉公則為憐才然未嘗識對山子也嗚呼推是心也寧使海內有遺賢乎在太微子則為死生不負其友對山子之目亦瞑於地下矣嗚呼推是心也寧不厚報君父乎予故於是為天下後世道之益曰所以勸俗也乃若對山子之用舍公論在人文章之品藻太微子有序固茲不容贅云漢陳山人王九思撰

對山先生集序

翰林修撰對山康先生集凡若干篇編次甫成嘗托其友比部張太微重加校讎且序之先生逝矣言猶在耳於是太微方謀校行適中丞翁東厓訪得其集既已撫卷太息遂檄西安吳守六泉錫梓召傳併屬予識之竊推對山諸公製作馳驅屈宋陵轅班馬已具見於太微序中夫復何言但緬懷平生而感慨益切何則昔宋學士王梅溪共稱儒宗匪特掄魁而已沒幾十餘年其文集尚藏於家後劉貢父帥建康因其子聞詩在府每請序諸簡端猶未敢當轉求梅翁代



筆焉至聞詩守浮光時始刻諸江陵夷考其顛末蓋不知幾歲月矣今對山沒世未久即遇二三知己相與樂成其事如此回視龜齡不為不幸矣然梅溪生雖末季猶遇孝宗諸君特賜及第充館職擢侍御史召權吏部侍郎不拜出守四郡復入為太子詹事進直龍圖閣學士方致仕焉故功業文章烜赫一時其奏議數十篇尤為人所傳誦云對山生逢  
明世且當我

孝廟右文之時擢冠多士詞林允服然自修撰以來十年不調及居憂回  
借衣綬踰禮是誠恪守官箴鮮見其儔者也言官弗知亦已矣及呂為逆瑾同鄉遂論罷終身公論在人固不待辯向使復起圖報尤力侍帷幄則緝熙

聖學知制誥則黻黻皇猷功業文章將與梅溪媲美矣顧垂老山林無由表見縉紳贈答之餘非嘯傲乾坤則平章風月彼筆墨蹊徑恐未能拘耳所謂成一家之言者觀此益信其他樂府傳奇亦皆可錄然各有別乘已傳於世云

嘉靖乙巳夏六月癸未西陂山人劉儲秀序



對山先生集序

夫詩病於六朝綺麗之辭矣子昂變之而雅興文衰  
於八代萎弱之習矣昌黎振之而古作蓋中人承學  
大人虎變苟非其責其道何從此雖人情之習尚而  
實運會之所關也自五胡亂華中原板蕩斯文元氣  
凋喪弗存及於元宋迭代作者繼出詩非不興而皆  
祿成習文雖有作而氣岸弗振迨至我明

神祖闡教

列聖興文文人才士戶牖爭開國初作者尚復渾厚  
及於弘治氣漸紛靡闖巧爭能蕪沒先進競一韻之



讎爭一字之巧上倡下和一語百隨待人後行誰當  
作者天厭其弊篤生濬哲既弘詩規又開文運三唐  
不能限其踪兩漢不能窺其匹馳驅屈宋陵轢班馬  
洗近代之陋成一家之言非才識高邁鍾氣通靈者  
能如此哉故  
孝宗臨御推髀求賢策士得公公列置第一朝野快覩  
如鳥歸鳳  
皇上喜其得人宰執疾其盛已賈董升堂絳灌瞋目  
是時信陽何仲默關中李獻吉王敬夫號為海內三  
才而公尤獨步雖三君亦讓其雄也當時語曰李倡

其詩康振其文文章賴以公司命學士尊為標的前尖  
作者後啓英明非橫制似波筆參造化者歟此特公  
之文章耳若夫經綸之子參贊之才上追伊周下陋  
管晏使少自括囊不為同論功業烜赫文辭掩矣然  
德不遇時害能成謗石王捐為逐鳳舉兩君既逝  
何李阨塞造化忌才人世何尤或者曰文王囚而大  
易演子輿藏而七篇著入欲公立言表世垂訓作則  
故屈其身俾不大耀焉公歿之六年值中丞東厓翁  
公撫臨關中搜其集付四安守六泉吳公刻之以傳  
前此洪洋趙公嘗欲板一行而屬余為序移文藩司隨



而弗舉今東陸公之刊  
亦與六泉君之欣承是亦在  
數也嗟呼余與先生交  
好將二十餘年矣其遨遊  
水討論文藝未始一月  
無者間嘗語余為訂其集  
序之今果序其集如此  
嗚呼悲哉  
嘉靖二十四年乙巳春  
止月乙巳太微山人張治  
序

對山先生全集序

余聞寓內學士家稱說  
國朝狀元  
轅關中康先生謂其文章  
氣節有古  
之風云顧舊刻真贋錯雜  
而見瑾全友  
又或以迹疑先生乃其心  
幾不白於世  
乎此其故余難言之矣夫  
文藝於氣者  
不直不豪氣充於養者也  
不邃不毅世  
文章氣節繁先生而未窺  
其所養余嘗



然慨歎者久之及讀先生家乘見栢齋  
公所為墓表稱先生才高性直言行不  
切於規矩其取重於當世以此見謗於尚  
世亦以此且擬以孔子所謂狂許以學聖  
人之權而未至則又憇然喜嘆曰公其知  
先生者深乎夫孔子所謂狂曾點其儔也  
今觀其氣象非規規於功名者埒彼詎無  
所重乃徒濶畧為耶若然則孔子何以與

焉余聞之鄉先達曰楊文襄公秉政時款  
大用先生先生固辭竟弗能致此其器識  
卓越信足與曾點相伯仲顧其事不傳而  
見瑾全友事詳在谿田馬公所撰志中固  
一時義氣所激而抗禮緩頰揆之孔子見  
陽貨若無大相遠焉謂為學權者非邪假  
令退而得聖人為依以裁其過即所詣寧  
在顏魯下進而得際明時以大其用即所



策樹諒又凌駕臯夔無難者顧竟落落不  
遇日且俯仰笑傲寄興聲樂間蓋誠有當  
於中無亦托而逸邪嗟予先生之所養良  
邃矣獨柰何識之者尠也先生未究之蘊  
具在全集中裒益成集則朱秉器李本寧  
王敬美三君也三君精於文余奚容贅顧  
以先生冢嗣孝廉子秀之請不得辭廼據  
栢齋公所著先生人品敘而歸之蓋異世

之觀者每但以文章氣節際先生

萬曆壬午仲冬望日涇上後學陽谷山人



康對山先生集目錄

卷之一

制策一篇

卷之二

賦七篇

夢遊太白山賦

憫志賦

別知賦

止酒賦

卷之三

嘆潦水賦

觀新漲賦

後別知賦



古詩十篇

迎神歌

奉侍御點鵝圖

貽鳳鸞子

贈楊東衡

宮歌建鼓

雜調十五篇

能掌行

寧郭尉

古倚歌

初雨歌

悔過詩

送閻公甫

太白採

淫手歌

大河戰

門太守行

鳴曲

送楊用之還武功

涇野子與余居既數日

二美具集百情咸

宮風雨忽作因秉

筑長歌悲婉激壯

能或先也因倚而

野子之所陳矣

與呂子發許西

相逢行

楊白花

陔降原隰臨眺川

物辛丑之夜宴端學

燭相對慨然興懷擊

之聲古之志人未之

和之如此固已媿涇

回仲水往許西別

歎息歌

百別離

對山集



古邊城曲

卷之四

五言古詩五十六首

觀史

三年

投壺聯句

病中示婦

病已二日又作皆視舊

作增劇醒後再成

贈萬斛

謁綠野書院

長寧留別餞送親友

咸陽谷濟元家宴集

華州書懷

華州對少華山

華州寧山寺

潼關早發

峽石逢正夫武選

馮三丈於懷慶晏子

劉安陽克紹晝錦堂宴集同敬夫翰長聯句

鄴城同諸公於趙王府宴集

朝退避雨沈澄甫逆旅就酌

夢故鄉親友

即事

樓上曲

同段德光夜酌

雜興二首

觀漁梁

辛未元日

觀刈麥

窮居

懷呂仲木胡孝思兩君子



離詩二首答東岡先生

聞王敬夫消息

有所思

暮春與張朝聘雨中夜坐

歸自長寧道中懷子衡

在濟西別業聞呂子仲木見訪

同仲木謁后稷祠

同仲木謁橫渠先生祠

二月二十八日同呂子過武水聯句

雨中獨坐三首

扶風道中

新泰佛堂柬楊子

過馬援廟

扶風詠懷古蹟

苦寒行

至終南

望神林寺

西巖村

風

泛舟至終南

東原瞻眺

同諸君於良壁園亭集谷時濟

壬辰元日

十月一日書懷

卷之五

五言古詩五十二首

同承詔升之過濟西別業



元日同諸弟宴東序 朱弁之祖德詩

四月七日雨中同文浮山坐酌

子卿送別圖 贈用昭

近山尚書莊上 哀王朝列

哀王中憲 悲哉行

短歌行 思歌行

易歌行 寄伯循

示昭胤 有感

讀史二首 寄溫茂宗

用昭胤歸華山率然有懷二蘇西門

首山行

贈彭尚書濟物北上三十韻

閒居詠懷 德克弟至

清溪老人歌 長寧望先塋示諸弟

得弟德克書 往盤屋訪王子明叔

燕明叔泚東亭子 盤屋喜太微至

馬融洞 石上小酌

泚西古明叔孟獨二君子過訪

泚川西泚別張子太微

發車 下經臺書土地祠柱



於土...祠迴...太微峯

上善...碑陰...走筆...寄題高德章微齋

同楊...示文張用昭南齋小酌

遊觀...口園...於高陵壽明叔初度

長安...病...病起

晴...答仲木

送承...十四夜見月

初雪...懷...贈石泉中尉

送袁...夫還盤屋

卷之六

五言古詩七十一首

與仲木夜坐...二首...世爵堂燕仲木

同仲木園林...瞻眺二首

湯泉道中...一首...謁橫渠先生祠

雨中懷仲木...楊子實穡堂

有懷于鵬

張甥之槩...白華西來省予與之開尊夜坐辭

以碎...酒數月之槩...少年英妙勵志若此

誠已...干矣因...詩贈焉

答都人

送羅山人



詠懷二首

同馬公順渡渭

從象峯北望下望普緣

許西同明上小酌二首

送灤江中丞西勘 戲呈明叔

喜姜君錫仕過

予治生乏理三遺歲弗調積雨滂溢墻柵畢隕

曦光不臨潭淖如故板杵未謝傾圯應

手雖時澤使然而覽事增情懷抱彌惡

間有欲吟吟旨不稱律當楮長息而已乙

夜與記 桌靜若歎子長之博遊傷仲實

之選眺復占一章錄付存壁

匪直省玩

與稽堂二首

與駱生談玄

用昭用昭喪內予與同戚賦此寬之

用昭自華州南郭往西谿

夜發 洪川柳浦斜眺

往彭麓德充携酒餞之許西

示王劉二君 彭麓夜酌

觀禾 中夜二首

悼張之樂三首 宿渭源里



郭廟答希宋諸公二首

靈寶縣北渡解州訓餞送諸君子

行至曲里見杏花 登山

於條山絕頂下澗解梁

解梁書院四首 贈寒泉中尉

贈灤江公十首 秋夜宴符園十四首

卷之七

五言古詩五十三首

飲酒二首

東原晚歸

答德克

臨潼逢孟舉人

長安病瘍答郭侍御

白石樓

送呂幼通入京師

飲酒

整藉

正月二日謁唐山堂

謁長寧先塋和德克

植樹

望拜掃者效宣城

同諸公過澆西

九日澆西集

澆西贈別明叔三首

步過澆西與諸弟宴

澆西遊覽

與孟獨承之飲世爵堂

再宴世爵堂



對山草堂宴張太微胡蒙溪徐洞仙諸君子  
泝東眺望

登巖翠樓眺望川原  
經漆村覽有郤古蹟  
渭河泛舟

同蒙溪眺仙遊潭  
宴彭麓山房

丁亥春與王孟桑三君子同德充晏集

贈唐明府二首  
雷雨

十月十日

五月二十二日桌死踰旬童子以其所為詩

三卷及雜集回文稿呈覽悲悼之餘令

之繕寫成帙用寄漢陂先生為桌較定

將圖入梓漫成二詩以寫予懷

寄胡承之  
行年

寄太微  
示孫逸人

再浴郤塘

和六甥石室納涼二首

石室漫興示六甥  
巖汲小酌

贈羅員外  
贈任主事少海

尹之先畫竹

長安別熊侍御史子修

送尹員外之先  
夢中麓子



聞涇野先生轉茶酒

之八

七言古詩四十六首

丈夫行贈谷濟元令巴蜀

送孫鏜

相思行

送馬天瑞還京

元夜見晉歌者辛寶賈謚賈騰

秋風詞

贈王顯之

寄劉朝宗氏

邯鄲美人歌

秋雨吟

送劉伯序

送吳慎之令銅梁

寄張士元

王仁瑞梅花詩

喜王郎再過

從軍行

驄馬行

秋雨嘆三首

寄滕子冲

李節婦歌

聶孝婦歌

雲將軍畫水歌

丹廬篇三首

十九日即事

十六日聞張甥之槩訃

四月三十日雨示德充

有所思

西谿醉歌



東山圖

聽韓景文彈琵琶

蜀山峨峨

傷軼軼可久之子族之子姓莫強焉讀書習

禮鬻為成人條爾告亡涕泗交頤哭之

以詩志予傷也

瑞州太守行

送席給事彖判夷陵

席侍御過予言乃兄方

伯公少時夢涪江漲

落得碑刻曰三仲

聯芳未幾方伯公登

第又二年季弟給

事君與侍御君相繼

亦第位既顯願名

復芳烈夢之足徵有

若是者因群公之賦倚而賦之

青門歌

世爵堂宴歌湖子

憶昔行

玉女泉

卷之九

七言古詩四十二首

將錢明叔值公垂至不果先寄明叔

華山篇

岐東宅聽歌

疆場村

題王秀才牡丹圖

夜宴孝夫宅

南谿泉池歌

閩家渡同呂工二君作



南墅草堂

陌底

王總制維綱凱還歌

春莫嘆

答太微許西行

汴東藝圃

九月十九日步過濟西

古人慎恒節行

答趙翁

雨晴

費時懋竹屏歌

送尹員外還四

效賦長安美人歌

短歌行

送符上玉

別客

晚行灞水

華陰逢朱孔明劉世長二子還武功

順德別表弔拱辰

真定王中丞院中有感

擬短歌行

催荷詩

燕歌行

朱門

符上玉携酒過濟西

聞故人楊用之有言付鄉縣親友責望賤子

因成小詩自况

雜詩

與仲木涉武水登平原入韓店道中

新寨佛堂奉謝錢廷諸公



扶風西原逢張丞  
邦彥馮秀才  
顯庸携酒相

遲因與痛飲  
樹下

聽歌

周公廟古楸行

出周公廟觀望終南山

別湯逸人

夢遊天柱峯歌

華州贈王二

觀輿菜

卷之十

五言律詩八十三首

盤屋白龍廟明叔宴集

即事

送劉天澤官荆門

八月初十日仲修見過

釀酒

答明叔孟獨二子之贈

懷太微

雨中懷德充

西原眺望

渭南道中

病中喜德一德清兩弟來問

答伯循

有懷金可卿

喜仲默至

歲暮

懷明叔

六月十六日醫士湯貢之來訪持粹夫二月



六月十六日書問訊委曲未云關中諸友猶  
得時會此中知己甘少氣氣獨處懷抱  
可想也感而賦此以寄王六敬夫

彭麓山房和白坡提學與八諸公見過之作

中秋喜明叔見過

八月十三日得北山楊宗文書言于此月十

一日生子志喜

再次客夜一首明日因事示明叔

寄明叔

夜坐三首

有所思

瞻几鏡

寄北山一日同對古山茶耳隴次韻杏林因共

后稷廟詩步高緜曲六史綠野書院

聞行

聞思

邀客對登對麻購山對菊

九月六日六五志也館行酌

客至

次笛

清秋二首

漫成二首

對客二首

對月

九月

得漢陂子書

次張闡夫見過之作同胡世威坐話



白丁多雨累月不一王許西今忽晴霽得遂所

懷偶成

雪後至許西別業以懷明叔

送翟鍊師入蜀

坐五楸亭

十日夜喜南川至

答孟獨兼問明叔

小齋圍爐次孟浩然韻贈太微

同太微登稷廟觀祀

十七日夜內宴

夜酌

送陳伯行赴高縣曲六史

二月十一日同德玄九弟憇許西觀杏花因共

小酌

經符函

贈應章方伯赴山西巡撫

曉過汝言宅

扶風訪張邦彥下

龍尾坂

夜坐聞歌

道中見洛陽女子戲馬

鳴岐宅同岐東宴集

薛陸鎮望昭陵

張村西原

安陽屯徐家少憇

渡渭

十六日南川月臺集

望渭南

過劉水部故宅



望驪山懷孫天佑

華清宮

涇陽道中懷樊君

望歌湖城東別業

澣西夜歸

陌底別徐伯傳

卷之十一

五言律詩八十四首

鹿苑懷太微

望龍池懷汝濟吏部

至薦福寺

均工鄴

春雨亭與漢陂子閒坐二首

水北山房二首

山寺二首

過伊殿

經暖泉宅

十四夜白閣宅宴集雨霽月

午霽發彭麓

過去雨亭

夜坐

夢與

寄蔡承之二首

禹士携酒過訪

陂頭

十一日早

答太微贈予遊華山之作

寄孫成夫成夫有書予聶州東之言欲寄

問於我恐以險夷見忘故寄此詩

華陰道中

贈平田

與太微夜坐



臨川寺與鄜令王念覺夜坐

至張氏庄

再用羨陂韻答希大

是日將哺東谷方致問於予尋得延孫來報

病且亟矣亟趨於視則東谷已矣追惟

初戲變成瞬息九歲孤孫萬年長計舉

目痛心路人不堪况此骨肉口占短章

以識孤痛

靈寶逢劉養和

靈寶哭楊象先

同徐文華南汝澄夜集

秉為許邀萬柳庄集夜坐率爾有懷

靈寶客邸逢慎之

柳溪

贈德章

同仲木重至汴東二首

盤屋別仲木

元日奉天謁遂菴先生

二日醴泉道中於二首于醴泉再別遂翁

自王官谷晚至延祚寺呈謝劉二君子

同方山龍谷於延祚寺晚望五老峯

五星湖同謝劉二公汎舟

寄題中尉南溪



靜林寺別張秋官康甫張侍御運夫

微雨獨坐陪德充

春莫同舍弟德充德一邀邦憲通州季醇朕

吉季隣三進士及齊人天爵同遊何秀

才凝之園林二首

德充邀諸君泊予宴集北園三首

再過何園

聞德充在此作詩以問之

贈李鍊師

聞望之來

江景

三月七日邀諸公賞花呈姜明府

濟東亭子閒坐二首 贈惠逸入子新

三月四日自家抵湯泉宿山亭

湯泉亭子小坐 真空寺

石上獨歸 步月

寄彭將軍 簡閻華州

壬辰三月一日步過許西看花

贈相士戴鵠兼訊承之

寄熊子修 贈陳際豐

壬季隣瀕行阻雨喜而賦此



寄汝和之

寄翟石門相國

送陳益瑞

元月二十一日德清祭唐山先塋

奉天別漁石司寇 九日

侯湘崖過草堂 出門

西呂子同步泝東望雍原次呂子韻

許西別業同耿秀才儒叔弟河與呂子

卷之十一

五言律詩八十四首

效斌觀妓

三月十日書懷 送人從軍

六月三日聞太行皇帝訃二首

三原道中望秦世觀莊

沔池逢友人 益津樓子看河

鄴城逢敬夫 趙州道中 九任敬之

樂城逆旅 丞郎早發

良鄉望 勸段王二子飲酒

贈王水部 九日

送別 雨中簡王獻可

六月五日乘雨出泝西因邀用之觀山



課耕

立冬

飲酒

寄德克

懷李獻吉二首

見霜

中夜獨坐有懷王大敬夫四首

有懷楊三北山

喜聞何大粹夫抗疏論事因感述鄙懷

夜宴觀妓

將入城訪呂子

和呂子韓店道中之作

孟夏十六日符上王吳慎之朱君樹三君子

見過因置酒坐亭上

晚坐有懷王大敬夫

有懷胡嘉定季思二首

逢楊咸陽云過郡曾見王敬夫已至

將至岐山逢田父指城隅子別業

揚子席上

自岐山還至扶風十四里亭子為顯庸所邀

夜夢王大敬夫

再和東岡子席上二首

送謝以中

慎之宅同諸公集

詠松



同慎之季醇及德清  
不過故人陳三宅集

爾感懷二首

雪中二首

徐夕

送牛允升訓導黔江

寄朱升之

送何子奇

仁夫至得升之書率

然興感二首

贈少華隱者

晴

間箏

此夜

東渠

八月十二日夜見月

十四日夜奉長州公

月懷德克

十五夜不見月

寄李宗易六首

午坐對雨

得德克書有感四首

八月二十二日明叔至訪予與舍弟德克東

堂宴集

送慎之

送曹二慎之赴寧夏二首

四月八日雷雨大作蓋自正月到此始聞雷

聲

心之十三

五言律詩八十七首



普緣寺夜坐待月

同諸君塔下看吳道子畫

答汝溫中丞承之大叅虞佐憲副三君子經

予彭麓山房見懷之作

贈聶東之

寓書 寄介夫

郭以方鳳谷別業 雲

聞警夜者 二日 夢伯循 合深對

聞用昭消息 夢用昭 書

邀虞卿 不長民 月 書 卷六首

初用昭見訪東齋小集同賦

答張子 再夢用昭

雨中 有懷呂大仲木

是夜 對月遲明叔不至

十八 與長州叔宴後還內有感步月仍疊前

韻

文彦 彬過予 命妓

明叔 晚至許西適大雨如注予無雨具不得

奉陪寄此二首

二十 三日夜同明叔東齋小酌二首



問程卿

八月二十四日雪東明叔二首

別明叔三首  
夜坐憶南川五首

喜履任過二首  
寄伯循

醉書示樂等二首  
採藥

送客  
哭劉漢英

却行  
暮歸

聽歌  
寄敬夫

鳴岐  
夜坐聞歌

山于三首  
望乾陵

經秦莊襄王墓  
過愛松宅看老

到家示南川  
渡渭

懷李二獻吉  
再讀漢陂之作

夜入旅次  
別女

贈無涯子二首

兩齋望少華山簡公望

贈歌湖子  
說經臺

普緣寺塔下

華陰道中望嶽見南岡使

嶺底鋪

對山集目錄



桃花洞同呂子暨解州三王上舍丘舉入集

二月二十五日也

靜林寺同呂子及王丘四子集

王官谷簡王丘四子答客

平生

南川自盤屋歸以詩問之

再經德充園林

園亭夜歸聞諸君吟與不已漫成

送侯應乾還山居

贈別德敷參戎往肅州

贈惟裕二首

八月三日雨至初六猶雨因緘南川首

八月五日夜坐贈甘公才還內江

送呂九川

寄題西軒

卷之十四

五言律詩六十七首

元宵與德一夜話

十九南川携酒見過

三日遇雨

符氏崖洞小酌

及符氏泮園觀

送許廷美方伯赴浙

贈趙惟誠二首

出東原



答德元

送丁原德往河南二首

寄李仲南

贈端侍御還京二首

答熊子修侍御

宿聖壽寺有懷子種

九日懷王大敬士

賞花遇雨

二十五日時濟士

曹明叔整屋二公見訪雖

賦既極周一

三解携悵惘何限因賦小

詩見懷

許西山房同東

夜坐七首

九日同長洲叔

八諸弟許西登高二首

國王等師過許

醉後

亭上作至容

八月十八日雨後過

答太微夜坐之作

許西賞花杏花亭小坐

謁后稷祠

謁唐太宗皇帝祠堂

次韻襄陽澗南即事

谷口亂石小坐

呈北山

立春日臨鏡戲成三首

八月十四日往許西遊覽

馬嵬道中逢許由之



渭南邸舍夢亡妻二首

樽兒豆痊

十三日同雲夢南里  
漳川及二甥於汧東集

送尹長史  
贈馮文旭秀才

積雨  
李臨洮祠

西岩石室與李侍御飲

戎戎除夕  
春日贈劉嵩陽二首

送鳴岐  
別南溪

送周愚齋  
臨潼逢芹山笑齋

送呂幼誠  
夜坐

十四日夜谿田涇野至對月有感二首

五言排律十一首

送馮二時宜丈還鄉  
送澄甫

送蘇明府天秀赴榆次

秋興

得涇野書兼聞君錫云留都士類尊承之盛

感而賦此

送謝給事左遷雲南典史

十四日得舍弟德充消息

奉壽東原老先生  
寄仲木



寄佩玉

送王伯聲

卷之十五

六言律詩五首

與歆湖子過龍潭小坐西望見東谷子方從

坡道馳下

北山庭內望月二首

靈口西堡望驪山

普緣觀眺次仲默

七言律詩七十二首

寄李承裕二首

寄李孟弼

獨坐

秋意

聞天敬夫將至

行次渭源里遇雨

九口哺聞禹學將至

玉女洞

從仙遊行入黑水谷五里草房凹

華州張子梅花亭小酌二首

留別太微

送馬公濟

荅用昭德光

悼于鵬亡妻

雨中東王二拱之二首

十六夜次韻

憶昔

破悶

二月十二日喜雨

涇西村見野老邀食

過渭川草堂



看山草堂同輯別駕東之小集

薦福寺峇隆吉汝公孟獨二君子宴集

薦福寺將發值歌湖太微二子來餞

駝峯絕頂眺望在岐山

第一關次聯句韻上邃菴先生

望希夷峽

華州臥病贈東四侍御二首

夜抵鄜杜

趙使君後堂同東谷太微大華諸君子集

峇希宋侍御雨中見懷

樓觀二首

九日同東侍御閣華州支倅於石橋郵亭集

郭侍御於移山潭宴王侍御同東侍御集

靈寶渡河峇餞送諸公

雨中獨坐邀南川過東堂小酌

贈上玉北上入選除夜

送王郎中還三河寄幸恭

寄壽李南庄尚書庄上獨坐

三月初九日過濟西看牡丹二首

西園眺望



初八日候諸公不至同岐東去川於澚西賞  
花各賦七言律二首

泝東宴集值風雷大作

彭麓山房答太微見候

奉天逢錦夫望之汝公三君子

中秋 十月二日

訓郡丞羅子 山居

寄孫岐山

許西道中見落花示同遊三子

試筆 卯事

三原拜馬處士丈 華州夜坐長日此

華州逢焦視遠還整屋

華陰同李侍御望嶽 陝州望平陸

謝宗易雨中之作 李宗易亭子

二十一日與吳二小集

寄蔡承之

卷之十六

七言律詩七十五首

送空同子還山 聞仇將軍進伯

醫官家兄回太學舍姪携酒過澚西山房



日暮登唐山

西城雪霽

荅王子衡

和仲木底張道中之作

荅朱升之

月懷凌谿子

醉後與符上玉坐許西別業

荅何仲默見寄

榜子別業洞中

夜同李給事覽眺楊子別業巖谷

徵酒隣翁兼呈隱居諸士

寄張汝林

送王士英

四月十七日予在解梁夢北山子是日北山

陳文相憲伯

除夜與德充陪王中丞惟忠宴東堂聞事有感

感

二日同德充德一拜東原先生

游西宴二首

符園對月

王明叔東谷草堂

贈王念覺

壽張舍人父封君

莊上獨坐

三月三日獨步許西寄北山

登山

甲午元日

送于坐中都憲

送崔懋言參政



醉贈劉遼州新成都吳新鄉

寄西河易中丞 送石門行邊北還

次荅石門相國二首

九日風雨予亦抱病奮然有作

卷之十七

五言絕句一百一十首

丁丑歲十月一日得伯循書將以是月見訪

得五首

荅太微浙東之作四首

題畫

普緣道中戲太微三首

與宗文夜坐 贈湯貢之

渡渭南望二首 吳歌

古曲二首寄羨陂子

北山亭前竹石各賦一首

用昭宅看牡丹二首 山中夜歸二首

嘲希宋出妓二首 畫二首

別公望三首 雜賦符園景物七首

驪山次壁 韻留寄於騰遠

少年 送別



奉迎長洲叔洵諸昆弟賞花值雨不果

杏花亭小坐 柳下觀棋

渡漆 鳳麓宴集二首

聞笛二首 歸牧首

別兩山 昔往

鳳泉夜歸二首 自鄆冒雨抵家

王典簿畫魚

孫方伯青芥白芥画二首

贈李獻吉往寧夏餉軍十首

一初起集詩十首 長寧留別秦太守

東侍御宅小樓看山三首

渭南道中二首

長安郭門留別餞送諸公二首

華巖宅亭子宴集四首

華巖小樓對月

靈寶 晁王汝隣見過二首

心遠亭集二首 別汝隣

別德充

示德充

送徐主

二月九日同德充德一於杏花亭集六首



去年二月九日與德充德一二弟泊子栗過

此各賦小詩數首今日杏花開二弟復

云語省舊作有待得函關公事了年年

沉醉杏花天及年年花發年年醉更乞

天公六萬場之句因再賦六首

和岐東游西夜歸之作

觀瀾亭同太微小酌

宴東侍御園亭醉中走筆二首

答東侍御

游東小酌二首

許廷臣亭子觀假山

山麓鋪呂子與蘇守設酒待予呂子出

所賦桃花詩因謾成五首

醉別廷楷二首

李戶部克中畢賑北還寄別

送虞北山伯俊公甫二首

西溪亭子登高二首 送李封君

漫興八首

酬強長史

白京師下至洛陽有感

艸詞

春未有懷世觀伯循仲木三君子二首



秋以天澤

長安留別親友

益十清亭子同任倅宴集二首

兼平州贈東大

邯鄲贈客

榴樹

扇面

習者歡

栽竹喜吳慎之見過

浪店鋪郵亭子觀巖谷三首示扶風諸君子

望一隋陵

讀中山狼傳

谷陳生

呂子北泉精舍集五首

贈涇陽張明府

澣西遲舜臣戲成

卷之十九

族譜二篇

張氏族譜

康氏族譜

卷之二十

論六篇

史論

述秦論

友論

詰客論

釋客論

風俗論

雜著六篇



說山

文說

說事

操解

述宴

序鄭蔭事

贊六篇

南嶠子陰德贊

魯齋先生像贊

楊宗文像贊四首

卷之二十一

擬狀議六篇

擬臺諫奏免校尉刺舉臣下

擬論近臣大重狀

擬廷臣論寧夏事狀

擬廷臣因寧夏事計今所宜事狀

鑄錢議

論易置狀夫事宜與王秉衡

卷之二十二

書十六篇

與彭濟物

與王子衡

與藍文秀

與何粹夫

與寇子惇

與楊用之

上邃庵先生

與張邯鄲

與王敬夫

與唐漁石



與李伯華

為鄉人論銀禁

答王汝言

與姜武功計處樊伸等賊攻犯事宜

與乾州太守趙君

答德克上書

卷之二十三

書十五篇

與常侍御

與良弼

與歐陽明府

與秦總制

與劉祥

與馬宗大

與邃庵先生論寧夏糧餉

與仲與立

示昭胤

與藍文秀

與朱升之

上邃菴先生

與張用昭

答省城諸公

答蔡承之

卷之二十四

書十二篇

答蔣文暉

與鎮西將軍曹公

與馬伯循

與何粹夫

答陳崇實

答栢齋

與賈鳴和

與羨陂子



與王秉衡

與楊用之絕交書

與劉學諭二首

與陳元吉論寧夏不運

卷之二十五

記十二篇

秦州畫卦臺新建伏羲廟記

岐山縣周太師廟

拜將壇記

心遠亭記

涇州重修儒學記

春雨亭記

尚友山堂記

藍氏世慶樓記

光訓堂記

巡撫都御史松石劉公事

劍州再建重陽學記

卷之二十六

記十六篇

固原鎮鼓樓記

固原重脩鼓樓記

蒲汀記

淡軒記

無倦堂記

繁庵記

武邑縣儒學記

邢臺儒學記

閔鄉儒學記

五幸亭記



瞻雲樓記

固原南郭迎詔亭記

西寧衛重脩儒學記

固原州重脩廟學記

膚施縣釋奠孔廟記

徽山書院記

卷之二十七

記十六篇

河津祠堂記

巡撫陝西右副都御史藍公生祠記

寧夏巡撫遺愛祠記

知衛輝府王公靴刻記

隴右分守道題名記

關山石嘴鎮新建察院行署記

冰蘖堂記

華州節愛堂記

四樂堂記

主一齋記

扶風縣新建鼓樓記

綏德月宮山晉溪洞記

遊鳳麓記

河東運城敦行鄉約記

莒州李安人朱氏厝堂記

鳳鳴橋記



序二十四篇

韓汝慶集序

陝西壬午鄉舉同年會錄序

何仲默集序  
沂東靈藥記序

贈漁石子序  
送文谷先生序

王舜夫集序  
雍錄序

長安志序  
羨陂先生集序

王氏家譜序

送別少司徒張公督餉北還圖詩序

送趙世忠序  
送東原先生序

沂東樂府後錄序  
東泉序

贈蘇體健序  
代發酉邨試錄序

呂母太孺人王氏壽詩序

送白貞夫序  
楊氏族譜序

奉壽孟母太夫人孫氏八十有四序

姜武功使臺旌勸開序

送楊克承序

卷之二十九

序十七篇

送東谷子序



壽劉母太夫人董氏七十序

存筭集序

浚川文集序

送桑華州序

贈石門相國巡邊北還序

送遠庵先生序

送兩河子北上序

渭橋餞別詩序

贈車御史序

送西麓大夫序

送劉克柔序

送李汝周序

賀大方伯孫公序

送李先生序

送劉兗州序

送劉岳州序

卷之三十

序十七篇

送安平涼序

送太守孫君序

送王宗堯序

送單生序

送侯湯陰序

送王閔樂序

送明府張君序

送薛藩卿序

送李蓋厓序

終南別意詩序

送東陳留序

送歐陽明府序

贈武功丞李君還高平序

送邵銓序

送陳學禹序



送武功丞王君序

贈巡撫陝西右都御史藍公序

卷之三十一

序十八篇

送劉正夫序

送王大道序

送王瑤序

送黎尹吉序

送尚子序

送陳茂之序

送施諫序

壽石渠先生序

賀朝列大夫同知常州鄧公序

壽封君陳北洋八十序

壽趙母太安人本氏七十又六序

吏部楊大夫母夫人壽歌詞序

壽馬丈人序

送薛藩卿將歸河東序

壽劉母大孺人旼氏膺受恩祉序

壽馮孺人序

謝玄暉集序

孝思倡和詩序

卷之三十二

序十四篇

橫渠先生經學理窟序



送東谷序

東谷子草堂詩序

太子少保右都御

彭公平蜀詩序

送東岡子序

張舜卿東征詩序

贈楊秉衡序

送張閻夫序

奉贈太子太保兼

都察院左都御史彭公選

朝序

贈都察院右副都

御史李公往治甘肅序

送瀟川子序

送沈仁夫序

都察院右副都御

又馬公平蜀詩序

送王克承序

卷之三十三

序十四篇

王荆山奏議序

安武功平賊序

奉壽邃庵先生序

奉壽毅庵寇先生八十六序

送朱升之序

送大復先生還信陽序

送陳禹學序

送參陳君平涼遺惠序

翟母大夫人王氏身後

表詩序

太微山人張孟獨詩集序

樊氏族譜序

邠州志序



史記序

又山王氏族譜序

卷之三十四

序十三篇

兄德瞻先生集序

丑燕游錄序

北上集序

秀才板屋詩序

彭處士輓詩序

胡邑縣志序

送劉思武序

送扶風楊侯北上序

送蘇掄次序

贈谷侯序

贈吳涇陽序

賀少傅兵部尚書晉溪王公序

送王侍郎序

跋三篇

唐虞石雲南兩疏跋

明妃寫召圖跋

書朱子卷後

卷之三十五

碑十五篇

大明嘉靖平虜之碑

嘉靖甲午平虜之碑

野田先生碑

平山先生墓碑

明封承德郎吏部文選清吏司主事馬公墓

碑



封儒林郎翰林脩撰呂公墓碑

明奉政大夫南京吏部清吏司署郎中雙流縣

學教諭胡公墓碑 先公墓碑

明故康氏第四府君義官墓碑

大明故康氏第一子德瞻墓碑

大明故迪功郎蕙城縣丞康府君墓碑

邵母陳夫人墓碑

王處士妻侯氏合葬碑

明奉訓大夫霸州知州劉君碑

卷之三十六

墓表八篇

明進階光祿大夫南京工部尚書李公墓表

明故文林郎大寧縣知縣許君墓表

義官谷君墓表

南京國子監典簿李君墓表

奉政大夫光祿寺少卿孫君墓表

處士許公墓表

文林郎定邊知縣馮公墓表

封文林郎吳縣知縣李公墓表

卷之三十七



墓志十一篇

資善大夫都察院右都御史鄒公墓志銘

承德郎戶部貴州司主事閻君墓志銘

封承德郎刑部主事張公墓志銘

登仕郎永壽王教授張君墓志銘

承德郎刑部主事東希孟墓志銘

亞中大夫陝西葭州馬寺卿趙君墓志銘

誥封太恭人王冊劉氏墓志銘

故文林郎知吳縣縣王君墓志銘

亡妻安人尚氏墓志銘

文林郎湯陰縣知縣侯君墓志銘

郭處士墓志銘

卷之三十八

墓志九篇

通議大夫兵部左侍郎陳公墓志銘

通議大夫四川按察使馬君墓志銘

贈刑部郎中尹君且人盧氏合葬墓志銘

中順大夫知永平府劉公墓志銘

承德郎東昌府通判何君墓志銘

嘉定州吏目張君墓志銘



南城兵馬司指揮馬公墓志銘

先兄德瞻墓志銘

通議大夫右都御史入范恭惠公墓志銘

卷之三十九

墓志七篇

奉政大夫戶部雲南司郎中南公太宜人焦

氏合葬墓志銘

楊于敬墓志銘

平山先生墓志銘

靈寶學生楊象先墓志銘

扶風耆宿樊君墓志銘

張母淑人劉氏墓志銘

叔祖醫學訓科墓志銘

卷之四十

墓志九篇

文林郎知湯陰縣薛君墓志銘

迪功郎濬縣丞李君墓志銘

叔父第四府君墓志銘

霈化儒學教諭趙公墓志銘

王育之墓志銘

陵川秀才王君谷葬墓志銘



秦安王處士墓志銘

亞中大夫四川布政司左叅議石君墓志銘

迪功郎伊陽縣丞康可及墓志銘

卷之四十一

墓志十一篇

封文郎雲南道監察御史楊公墓志銘

登仕佐郎鴻臚寺序英閭公孺人趙氏合葬

卷之四十二墓志銘

懷遠將軍西安右護衛指揮陳公淑人曹氏

合葬墓志銘

王夫人魏氏墓志銘

贈文林郎監察御史王公合葬墓志銘

嘉議大夫刑部右侍郎郝公墓志銘

封中憲大夫彰德府知府劉公墓志銘

奉直大夫通州知州張君墓志銘

迪功郎承天府經歷周君墓志銘

守順大夫知岳州府劉君墓志銘

承事郎輝縣知縣李君墓志銘

卷之四十二

墓志十一篇



信校尉太原右衛百戶霍君墓志銘

洪縣儒學教諭泔阿文先生墓志銘

午鮮元吉原靜墓志銘

子君宗之配毛氏合葬墓志銘

處士張公墓志銘

官李公改葬墓志銘

如處士墓志銘

咸寧李處士墓志銘

附羽墓志銘

婦楊氏墓志銘

氏妹墓志銘

卷之十三

墓志十一篇

將仕郎泌陽縣主簿張君墓志銘

高年爵耆賓党公墓志銘

甘節吳先生墓志銘

處士張公配趙氏合葬墓志銘

鳳翔處士毅庵毛君墓志銘

房母太淑人种氏墓志銘

楊母孺人王氏合葬墓志銘

皇明宗室鎮國夫人許氏墓志銘

楊母太宜人王氏墓志銘



壽官楊君墓志銘

咸寧郭處士墓志銘

卷之四十四

墓志七篇

劉母恭人高氏墓志銘

將仕郎河南南陽府學教授封翰林院檢討

徵仕郎王先生墓志銘

有明詩人邵晉夫墓志銘

奉議大夫工部虞衡清吏司郎中致仕劉君

墓志銘

陝西庚午舉人東墅王君墓志銘

中憲大夫四川按察司副使東公封太恭人

薛氏合葬墓志銘

中憲大夫河南開封府知府王公配宜人張

氏合葬墓志銘

卷之四十五

行狀三篇

先平陽府君夫人張氏行狀

文林郎順天府推官中城兵馬指揮司指揮

尚公行狀

孝行舉人張子行狀



卷之四十六

祭文十四篇

祭粟

告太白神

再告太白神

祭粟與婦

祭侯良弼

祭東原先生

祭康可久

祭張鏞

祭北山

祭城隍神

許西謝土文

祭焦延壽先生

祭虞部張大夫

祭李太恭人

康榕曰先君集嘉靖間蓋嘗刊之矣裁訂者為

長安張太微先生彼時不肖孤榕生始七齡耳  
中間抄謄磨對之人皆不甚通文理字或難辨  
則錄其半而逸其半意或難參則取其知而舍  
其不知甚至門生之代筆一槩甄收名公之贈  
章却皆棄擲是以先集之出頗失人望榕日夜  
拊心痛焉庚辰夏落第歸關中謁京山李先生  
首以為問欣然欲任刊定之事抵家乃取先藁  
自謄之四閱月而工畢上之先生先生隨與新  
塗朱先生商確選校俾為完書將刊矣而先生  
以憂去既而太倉王先生來視學關輔榕又請



焉先生取先集再選之跡前益嚴未幾先生亦  
在告而上海潘先生來代過邵山梓以諸生祇  
謁且述三先生之所以加惠于先君者乃先生  
慨然以剗劔自任今始入梓矣夫先君仕宦於  
弘治正德之間當時見忌於讒口而其文又為  
友人所忌使不遇四先生者則先君之心又何  
以自白耶夫四先生於先君恩至溼也梓為人  
子宜何如報哉惟有效啣結而已刊成四敬識  
於此抑亦使來者有可攷也

萬曆壬午中秋日不肖男椿謹識

康對山先生集卷之一

明狀元武功康海德涵甫著

廷對策一道

弘治十五年制曰朕膺天命承祖宗列聖之統以臨  
天下于茲十有五年夙夜兢兢思弘化理非法諸古  
而不可然嘗考之前代繼統之君守成稱賢莫盛於  
夏之啓商之中宗高宗周之成康之數君者治績之  
美具在方策果何道以致之近世儒者之論謂聖王  
以求任輔相為先又謂君之聖者以辨君子與小人



數君之致治也其亦有待於是邪且輔相之賢否君子小人之情狀未易知也茲欲簡賢為輔用君子不惑於小人將安所據邪天下之務固非一端以今日之所急者言之若禮樂若教化若選才課績征賦之法兵刑之令皆斟酌于古然行之既久不能無弊焉祛其弊而救之欲化行政舉如祖宗創制之初比隆前代何施何為而得其道邪子諸生積學明經通於古今之宜其實以對毋隱言毋泛論朕將采而行之

臣康海對曰聞天下有不可易之道而常獲於人主有不敢易之心蓋天下之事未有舍道而能集者而道固不可易也心之所向道之弘否所關一有所勿則所以脩乎身者必不能實用其力而道之在 我知之不明守之不固甫遷於此或復於彼雖欲勤勵以求治而弛張予奪一無所據窺伺媒孽之輩共起而乘之雖有賢人君子立於其朝漫不相信甚者或斥譴罷去不為之所天下之治將焉所賴而成乎惟有以真



知道之不可易其心常憂勤惕厲而不敢以一毫苟且輕率之意雜之於中擇之必精執之必固使用人取善各有定則賢否莫吾亂而君子小人不相尤既得其人而任之以事則政無不舉而法無不振天下之治宜無有不成者矣古之人君未有不達於是而能致其治者也亦未有徒達於是其心終有易焉而能以無弊者也

洪惟

皇帝陛下以至聖之德撫盈成之運十五年來民安

物阜雖堯舜禹湯文武之業亦不過此而策士之詔乃猶惓惓焉以化之不弘治之不洽為念陛下豈誠有未達於是而猶待於問哉臣有以仰窺聖心之於道固有不自易焉者也臣嘗謂古今豪傑之士不得所遇雖子思孟軻之流亦且徒爾而臣之庸昧乃際遇若此臣敢有所諱而不言哉臣惟天下之深患在於久安極治而機括所不見者莫為之虞

陛下夙夜兢兢思弘化理此固宜也然用於已不若資於人求諸今莫若法乎古古之君心純乎道



未嘗敢以為易故其用人行政有非後世之所  
能及如啓當禪授之後繼禹之業守之以敬而  
猶益之用終始無間故道之得於禹者無廢墜  
不舉者矣中宗高宗一切信任陟扈傳說之屬  
而又本以嚴恭寅畏恭默思道之心成商之治  
夫豈無所據邪殷之頑民雜於管蔡武庚之手  
武王之澤未洽也使非悔悟於周公篤信於君  
奭借有成康繼序不忘之思旌別淑慝之意而  
禮樂之化豈能如詩書所道哉程頤曰聖王以  
求任補相為先歐陽修曰君之聖者以辨君子

與小人蓋政以人而舉人既存則政自無偏弊  
不舉之患而治之在天下者可成也

陛下欲求數君致治之績獨可舍此而他務邪亦惟  
有不敢易之心而已天下之政孰有出於人主  
之心者况用人之際又其本原所自之地哉

聖制所謂簡賢為輔用君子不惑於小人誠灼見其  
必然而憂勤之心有不能自己者也蓋大君為  
天地之宗子必有大臣以為宗子之家相相之  
職所以輔養君德而贊成政化天子不可一日  
無者豈惟夏商周為然皋夔稷契之流雖堯舜



之世亦不可無也若其賢與否則必辨之於先而後可任之於後苟辨之不明用之不當則天下之禍反有不可言者矣何者以匹夫之賤而上與天子共事其所為操縱予奪者無一不為天下之所稟受使心術或不正而學識或不醇則其所壞非如有司之一節一端而已故必先有不敢易之心然後修之身者無往不實修之身者既實則出乎我者無乎不正而人之邪正自無所匿於是擇其賢者而用之則輔相得矣

至於

今日豈以不得為憂哉特恐所以待之者不至爾

臣在草野間問

朝廷用一大臣必極聳動以為諮謀親信將必有出於恒品之外今上於

京師乃或有未然者臣願

陛下為之禮下務得其心而使盡其職凡遠猷大略不為群議所詘一政一令必與之深言極論而後布則小人雖欲肆其無所忌憚之私以惑吾聽而其情已先覺矣蓋小人之情不過趨利避害去其所惡而求其所喜者而已然亦必掩之



而不甚露故利之來或遜且謝之害之至或以  
為所分且蹈之夫辭之不力則得之不固受之  
不力則去之不決及利害至於必不可已則亟  
去與取之恐後也方其有所勉而為之也其卒  
不可掩者已躍然於其言悅色之間即此試之  
小人之情可復遁乎既得其情則宜亟去之去  
之不亟則或為他巧所中而猶未免於有惑隨  
有即覺隨覺即去如是而已如是則君子小人  
不相尤君子小人不相尤則動無所妨而天下  
之務自無疑滯不舉之患矣臣請以

聖制所及數者言之禮樂不可以一日無此萬古不  
易之論然其興也雖尊重其實而亦未嘗遂弃  
其文臣竊見近之所為禮者踈簡縱逸雖所謂  
儀文之末亦未之有所為樂者殘缺廢壞雖所  
謂聲容之細亦未之備蓋不得其本而安於苟  
且將就之習固如是也苟學校之教有以振作  
而興起之則人心自無不止之欲而其情自無  
不和之發凡見之宗廟朝廷鄉黨之際自有以  
去其踈簡縱逸之習而補其殘缺廢壞之弊將  
不俟於進退升降而節鐘鼓羽籥而和矣禮樂



有不與者乎至夫教化之所在其機係於人主之心而其應屬之天下之廣萃英俊之士使之群遊於學讀書窮理且或莫為之變而欲毆天下之愚民使悉歸於禮讓和樂之域固已難矣莫若先以恭儉忠厚躬行於上不為聲色土木貨利玩好之所移易而後徐以示於天下天下方以前日之侈縱相安而一旦之所聞見乃如此其心亦必悚然以思冷然以省苟一二大家巨族頓悟而倡改之則人之樂從者衆矣選課之法則臣於此有所深惜

祖宗之於士養之以道義而信之以賞罰其用也不為之拘而其課之也幽明殿最各為之等故人皆勉於其官而優於其事比者稍有兵荒而納粟買官之人已滿吏部之簿矣雖有才德滯於所用之期用未及而顛毛已號種種能以壯節自勵者曾幾人哉又况黜陟之施一惟流品是視苟不本於科甲之選高官重秩未肯輕予則彼無所慕於中者又安有所忌於外哉臣願嚴其僥倖覬覦之禁使兀懦不職之徒一一謝去選惟其才而不盡拘流品試之以官而課之以



實如蘇洵所謂某人廉吏也有某事以知其廉  
某人能吏也有某事以知其能然後因其最否  
以加賞罰天下之人望以其才自見者亦將知  
所變矣征賦之病大抵冗耗過多而司會莫為  
之省非司會之不省勢不得也自京師言之食  
之仰於江南歲數百萬而權勢所畜無藉之輩  
不為國家分寸之益者乃至百千借其空名以  
耗實費至有水旱饑饉之變則又加倍以取於  
江南之民臣聞土日窟則陷繼之江南之民貧  
甚則江北可晏然以不顧乎况今邊境之擾未

甚安帖前日榆林大同之役馬死食醫所費不  
知幾千萬而無用之兵又坐食於邊山陝之民  
丁運之法無不備舉老幼婦孺子流離移柩外患  
未除而內地已困寧不為可懼邪臣欲去冗耗  
無用之費而革權門招集之弊息江南之民以  
固根本邊境之擾但以付之良將不用統制之  
屬帶其僥倖之徒以耗軍食而又復屯田之實  
省丁運之苦用固無不足者也兵則先於生養  
安息之需為之深計使不受役於私門而得給  
其備御奮迅矯烈之氣又必常振勵之使之無



所沮喪今有一級之勞而大家右族訶譴奪去不敢仰視將何所養以自奮乎况夫新舊逃死之兵方以官法逼之復任釜爨之用俱無可克又其居無親戚往來之接其心之欲去已甚矣衛所之官又以嚴刑深計鉤取其有彼方有欲去之心而此又逐之使去逐矣而不去豈人情哉欲兵之強而二者特不之詳臣所以深慮也用刑之際洞照物情而不為所誑明者皆是為之而法之輕重則有一定之制既得其情必為之斷使貧賤無異施豪右寡弱無異決則令

所出無不從天下之奸當必隨禁而革蓋天下皆天子之民刑期於必戮賞期於必得不待命而後知者也豪右之徒有所倚仗得以自脫而寡弱之人駢首就死人之情孰不畏死而不求所以自脫哉此尤

陛下之所宜置念者也夫數者之務酌之於古而行之於今宜有不可易者而其弊猶若此

聖制所謂祛其弊而林之欲化行政舉如

祖宗創業之初比隆前代者豈有他哉亦取諸人而已孔子曰為政在人啓以下數君不過中才之



主一得其人且足以為治而况

陛下神聖天縱出於尋常萬萬者哉然臣於此竊有說焉蓋政雖舉於有人而身則所以取人之本故孔子又曰取人以身欲得人而不先修乎身是其心之所存輕忽率易不能不累於愛憎之私而用所不當用舍所不當舍者有矣臣願

陛下急於修身以端取人之則然所以脩身者又非勉強矯拂之所能致必自君臣父子夫婦昆弟之間以至於動靜語默一事一為之際常加儆畏內省于中果當於理而不悖乎果非其當然

之則而徇於外誘乎使天理純明私欲淨盡則身無有不修而道無有不盡酌酢斟酌自不誤於天下之是非苟用乎人其用必當苟發於政其發必精治功之隆必能追配

祖宗卓越古昔而有詩書之所不及載者矣彼漢唐宋區區小補之治又惡足論哉然臣又聞治不患於始之不得而難於終之有繼伏惟

陛下常存不敢易之心以守此不可易之道則

國家天下之幸非獨臣之幸也臣無任惓惓忠愛之至臣謹對



太微先生曰對山論文以理為主以氣為輔出於身心措諸事業加諸百姓有益於人國乃為可貴觀此策切於事務曲盡情理不止一世可行雖百世可也其論君子小人尤人之所不能言而不用統制之說尤為安邊至要其論財賦兵政二者之弊與救弊之策真鑿鑿可行哉

武功縣知縣曹崇朴督工騰藁

對山集卷之一

康對山先生集卷之二

賦七篇

夢遊太白山賦

余歷覽載籍所志古人之辭由屈原宋玉以來不可勝計而浮靡侈放之辭益托諷寓興者之所共趨上林之後益蕪益漫亡能爾雅志士之所賤也余感風人之義因夢遊太白山歷見竒瑰駭異之狀予于人言退而作賦凡若干言雖極假借要皆自喻其迹少有虛謬諛駕凌絕之病示諸同志皆曰可錄弘治閏逢攝提格終相之月康子夢遊太白與金子



可卿乘馬領僕各執糧糗飫飼之物浮漈渭跨郿塢  
環博物逾武功去約萬里四望塞蔽恐怖得突惶惑  
震厲若將遂為虎豹之嚙有老人者雪髯鶴髮電目  
龍顏自西而來若愛若識請以前路則笑而不言少  
頃復去金子曰若非山川之精耶豈將疑我以迷晦  
顧我以虛誼也乃躡以其後則豁然四開巒回徑折  
泉下雲散予曰是未可止也夫八統之廣獨有太白  
盤礴崑嶷瑰嶂崎嶇神靈秀明磅礴業辟夫是但謂  
未麓近壑然未邃也乃與虬涎亥石轉附垂藤升矚  
巉壁靜嘯絕岸忽萬里之瞬側何溟渤之未窮雜卉

菁葱石泉沸騰嘉樹驟乎九御神風颯乎太統駉駉  
散乎銖粒蛟螭視乎細繩電光恍乎山足雷聲浩乎  
廣聽零露凝其在衣松濤悠乎啓轂金子曰快哉遊  
乎夫造物者假我以聖智崇我以令德我弗用觀柰  
此膚景遂直詣而不回何茫迷之勿騁乃爾若神物  
之可憑歷千岩之邃嶺山石儼乎華嵩細流浩乎滄  
溟蓬蒿翳乎峰壑墜葉震乎雷霆老人跨鶴從雲前  
下笑曰異乎子之善勇也夫太白始峯炎暑冰互萬  
夫之勇亡有敢及况迨於是夫是泉脉應乎坤軸遮  
飾極乎越區天高適乎可嚴神祇恍乎可呼至循崖



之前重谷之裡百鳥不宿神獸亦避雖至人亦蔑有  
入也越此百里西下陰壑復關峻岳則金屋龍棟控  
亢聳搏異花雜乎瓊瑤僊風冷乎清綽靈芝馥乎滿  
郊麒麟馴乎盈郭龍蹇屈於平池鳳翮聯於長漠此  
則上帝之秘區而太白之關鑰也其東百里瑤宮蓋  
殿萬戶齊啓蒼光青氛四田周起函丹書於億笈紛  
朱絃於兆徵散靈繭之如斗歷綺較之竒靡總百綵  
而具存奚瓊桃之如累此又太乙之宅合陽之宮至  
其南也朱雲陸離丹閣霧霧神桂宿日南極奉塵羽  
翰極乎麗暉珠貝極乎雕飾鵬鷲駕而鳳軒鯨鯢御

而兕履是謂朱明之宮天帝之闕北則至幽號曰玄  
府紫微之所宿萬象之所聚玉臺瑩光冰柱炫色珊  
瑚如林水晶四徹雲沆瀣而守默氣鬱森而馳起靈  
龜玄龍參錯其下松檜接乎帝閣金碧曳乎泉石翼  
八獸以守衢役百神而司臬夫皆五天之至精萬化  
之樞紐能有至者皆必具靈負秘與抱圖膺錄之士  
有天人之德者也已而風柔香墜路豁視空若雙龍  
之負引倏靈宇之就中僊妹麗乎兩間洞簫錯乎萬  
笙皓歌凝乎飛泉朱絃颯乎翠空座列煥乎雲端境  
象委乎穹橢環珮鏘乎旖旎禮數儀乎動容予乃攝



衣升堂長揖就位悟人世之囂紛歎靈寤之皇闕乃  
與金子終身同丈人居之不去

嘆潦水賦

甲寅秋九月余南望綠野書院時秋序已闌微  
雨新霽丹楓載塗青岑彌望同遊諸生各論往  
哲務極鋪叙然而渺茫無實不能近道康子憂  
之感時序之不回即潦水之將逝作潦水賦  
嗟昊天之孔明何人生之斯佃渺歲月以延佇迎塵  
靡而不回務談諛之相軋汨理道之遺類昧明德之  
輝耀弗崇高之自媒粵山木之葱蒨亦直遂而上推

儀宇之修潔實上帝之所開非枯槁之矯偽何景  
景而就痛願自托之修固捐往迹之虛詆嗟蘭茝之  
微細乃托迹於崔嵬何斯人之靈秘願放蕩而無核  
羗撫景而長息望聖哲而取裁用者揚於同志願中  
孚而不猜嘆滂水之弗久嗟狂瀾之易摧倘實際之  
未悟終事業之未恆也

憫志賦

嗟嗟余窮兮孰余之厄余行欲脩兮予處之索一裘  
弗完兮糠粃曷擇冬長寒冽兮暑亦奚絀上帝孔惠  
兮既昭予宅曠而弗居兮實予之責嗟彼高人兮胡



有不獲予曷獨難兮有行必盡歲月不留兮憂心如  
劃嗟彼朋友兮各謀爾擇吁嗟奈何兮孰予之格達  
人不逢兮自彼古昔匪予一人兮烏敢不措

觀漲水賦

嗟秋霖之久注何逝者之感懷漲支川而椽拆浮寰  
宇而移推走阜石於原陸泡大厦於危杯殼號徹乎  
九閩勢摧倒於八垓細渭波於帶縷夷海水於塵埃  
但奔雷之奮迅奮轉山而傾頽方馳邁於澎湃寧委  
頓於滌洄傷人謀之不穀詎鬼物之相駭或漸殺以  
微細將長托以竒侈美質委而不陳芳辰隔而空哀

別知賦

楊子將北上京師其友王子贈之以詩情素舒矣又  
以書請澣西子賦焉澣西子曰噫嘻子大夫西仕  
輔展采宣猷振綱肅紀遇既盛矣遊亦麗矣比其別  
也迺其心依然其聲嗚嗚然予竊隘之夫以子大  
夫嶷嶷高尚之志不相規以道義期望以賢聖乃若  
鬼女子之歔歔嗶啗道是非子大夫所聞于天下之豪  
俊也王子日子之見細矣聖人不違情以立化智士  
不詘顯以廢幽夫楊子者天下之士也予承交于楊  
子由關輔所紀幾三禩矣所以益其不能勉其脩勵



者不可勝道今楊子去我將占臚仕于

天子之庭而予孤處於是過則孰規業則罔勗吾是以傷之悲知音之遠嗚遭值之難也子何以是為細乎孟子之所未喻也澣西子客愧色請稱謝既久於是掇王子之意于篇著別知賦焉辭曰

若有人兮居玉京覽德輝兮振長纓下天閭兮睨滄海集昌朝兮辟明刑申皇度兮肇修服試群難兮見攸躅歲悠悠以三改仁熙熙而四覆穀炯炯以延被誦洋洋而表暴歎始遇之咸怡矧又要之云穀居依依以劇切動戀戀而追逐若鄒萍之沈礪若楹垣之

待築肆笑言之敦合乃情性之相伏何斷金之足  
奚如蘭之可衡繫睽違之殆及心耿耿而怍怍觀道  
景之難追傷歎曲之莫乘驂命駕以並往悵官度之  
有程中惶惶而沾濡志靡靡而弗寧於是抽鬱陶之  
幽思兮冀以道乎情悃曾切怛而罔暢兮顧多憂之  
予沴倘積憤之未宣兮雖有言亦奚盡乃濡筆而申  
悵兮曰載卜于詹尹借他詞以命意兮亮余度亦丕  
近於是走下吏布肝膈陳分誼寫紛結托予知以載  
歌倡鬻翳而為別魂怵怵而長引情懊懷而靡悅辟  
蕪詞以長跼要中行而敷說愛何為而有先憎安繇



而妬愜抑嘉會之鮮常斯有聞於先哲苟畢志以自  
強雖燕秦而豈隔亂曰煌煌鳳飛將安底兮悠悠周  
道顧余履兮昔胡以同今胡此兮君子之義慎自矢  
兮亢旣靡揚污終俛兮敬爾威儀民將軌兮言執子  
手且相歧兮端履炯逝惟汝惠兮懷以好音神用燬  
兮

後別知賦

劉使君來京師復領西安太守將行余為賦贈之命  
曰別知辭曰

陟崇阿之蕭爽覽遠道之渺茫睨黃落之委壤驚時

序之有常何人生之會晤乃歎歡而弗長思白首之  
迤邐曾忽散而靡諒覩行李之畢戒慘絃索之具張  
彼夫人之遠遊固帝命之攸行徒徘徊以却顧寧名  
實之奮揚苟皇輿之既定雖睽阻以曷傷况匏瓜之  
在俎奚丈夫之可忘駕四牡以馳邁願萬姓之允康

止酒賦

嗟日月之昭晰兮從古而然五緯錯陳以建象兮秩  
三靈而畢宣曰人惟當其精粹兮云操約而履寬姚  
姒知命而盡性兮繇世萬以稱賢繫余胡舛以無良  
兮忱特罔於天年飲汎濫以忘迈兮殊莫知來者之



艱難也借曼顏艷舞之魯竒兮亦已久迷而可還也  
彼衆人嗤嗤以罔覺兮尚切有憂乎瀰漫矧伊修靈  
之是稟兮羗則靡對於前言亂曰行自我趾其尤誰  
兮往者弗諫今已非兮春甕浮蛆良可懷兮從德而  
安欲則危兮沉湎忘反惡奚宜兮古訓昭昭我則違  
兮二毛種種此其垂兮逝光不回寧無悲兮

對山集卷之二



對山集



明詩莫京弘治對

山之什輝朴磊何

為商顏者秀

為岳陵之劇豪

雖車與柳毫

華率不免值

其合作即李月

之類以能堅壁

哉援李于霖

千古多倫做賴

為清論所傳而

寧和錫美山者

必清論也姑

原對山先生集卷之三

古詩十篇

迎神湫歌

神湫來雲油油降甘雨沃田疇荷靈貺  
倏有秋稽首拜迎神休

神湫來雲田田降甘雨洽原川荷靈貺  
倏有年拜稽首謝皇天

祈雨歌

日曛曛雲渺渺秋不登夏亦槁  
皇天不吊民為孳乞甘霖拜靈昊





不  
已來仲冬  
屬三商識

屬三商識



天降雨倏滂沱沃我田嘉我禾民不飢否帝惠多感  
稽首望靈歌

秦侍御鸚鵡圖

朱光聿起百物言滋被此文羽千禽之儀我依在木  
灼灼其華我鳴弗長朱光柰何

悔過詩

徂齡不來謝景詎待覆杯莫收燼灰罔再青春隆隆  
白日杲杲自飭弗勤如彼蔓草或潤而達或暘而衰  
緝而熙之非予則誰予自謝黜益驕以倨心騫志翔  
視萬世哲人則敦愚人則疚匪愚之夜予惟斯謬

眷令知風鳴雁知冽賢則惠昏既安有竭往或弗知  
今已甚明逝茲靡創將大且橫武公戒抑夏祖畏口  
緊彼詰人胡寧不守班班虎皮言設之儿交交繁言  
道則何理尼父惡邠誅以司寇舜憎四兇位在元后  
孰云齊民乃怨乃慝若彼水木既發必克皇運廣  
大布德商周閱予置予祖考之休日月方長德輒云  
坦伐柯視柯其則豈遠季春壬申日在辛酉式歌不  
支可以永久吾言罔反爾行孔棘君子攸崇是戒是  
力

貽鳳麓子



我友鳳麓於今念年衆口鑠石惟我知賢方履曠日  
若凌九天蛆視萬物驚志占先閉門著述刻意太玄  
暇則執耜躬耕漳川時藥執木沮溺比肩知予避世  
厭居市廛時過潞西究此群編敦德敏學守方智圓  
今日壬子燕爾東田博觀古蹟載濯長淵情熙意暢  
蔚若遊仙我詩贈子興以言宣世萬弗斁清廟朱絃  
送閻公肅

表弟公甫刑部以公事便道省墓於馬嵬就過訪  
予潞西別業居五日情誼洽矣倏焉將別公甫曰  
弟不敏願有以承兄之教得寡過焉予往與公甫

語高不抗卑不汚意遠而弗荒指近而不淺奚俟  
於予言而後能寡過者然公甫之意則歆然若無  
也於是為之說曰於乎今之所謂士大夫者於古  
人之道莫不誦習愛慕以佩之於終身至其見之  
行事則與古人不啻秦越不相及此無他不得其  
旨趣臨時倉皇不覺自眩故遠則驚於荒近則詘  
於室蓋徒欲以抗為高以汚為卑又惡能與古人  
似也公甫勉哉中庸曰脩身則道立親賢則不惑  
夫欲自立其道非親賢則理不得而道晦晦則惑  
惑則無所往而不窒予重恨世之士大夫竊古人



之迹肆危峻之論不能近不厥旨以自窒也是以  
重與公甫發明此意凡以欲公甫努力於是而已  
聞公甫在京師所與交皆長厚敦樸之士今之所  
論已槩見矣公甫勉哉孟子曰君子之言也不下  
帶而道存焉道固未遠夫人也欲遠人以為道斯  
子思子所不取矣士大夫何憚而為危峻之論以  
至離道之遠哉公甫曰溥不敏請若兄之言於終  
身今而後或得以寡過矣於是又係之以詩曰

昔余戎祖嘉爾大父迪德履仁克循厥武文定其祥  
妻我太姑允翼允嚴自求多祜耀德昌朝埒名伊傳

墮羽中行談笑靡顧若珠在淵光燭彌驚冰風茹休  
良士如赴遺文在編厥聲載路凡我後生畢遵其步  
其遵伊何匪直其文信道罔飭雖和不群大雅既亡  
光範式存眷予小子爰視前聞契肖雖忝影響必敦  
肆當弱冠其從如雲嘉惟吾弟其學克勤總角於變  
靡有不臻馬公善鑒於弟猶云少宜加養必配古人  
凡余話言必信且珍放弗謂免顯詎肯因我閩中躋  
予憂寔懃仄時績祖聿大厥門赫赫燁燁卓有令孫  
分署西曹執平靡眩靖恭是脩堅白必辨武旣不吐  
柔亦奚先道立譽長君子是羨奉 詔西邁事無弗



練予駕言東肅承清旌折旋孔佳紛糾斯剗回思馬  
公言豈無見 天子明聖方事安冀欲匡厥猷微  
汝孰彥我思古人溫恭允塞惟弟其念往焉若畫繫  
彼哲士前軌孔赫克念則然罔念則刻藹藹碩人莫  
不是則發言不程逸軌棄轍恒悝未融惟隱之願卒  
底顛覆奚益安宅子返舊曹為 天子使祛爾繁  
細允欽厥位勿覲狂斐篤操秉義用光爾祖以畢初  
志滸西峩峩漆沮湯湯握手載歌其風肆長酌以大  
斗佑以兕觥子不予醜尚繹勿忘

贈楊秉衡

正德九年二月一日吏部以浙江按察司缺副使  
聞 上命知漢中府楊侯往漢中府同知何子奇  
自朝覲歸屬余為詩表之文旃以贈其行夫蒸民  
之作自彼古甫由來既久祖述遂繁楊侯恢德博  
才嘉政實德漢民懷之如厥慈母宜不可忘遂為  
之辭曰

皇明丕興八表咸一已已以來萬民罔謐由蜀底冀  
至於鄒密焚蕩猖獗處無完室六載番番其劇惟漢  
川陝荆襄師旅巨萬民旣化離盜益滋蔓士無宿糧  
將徒永嘆時哉惟侯其德孔惠桓桓發發何有弗濟



簡我民役咸平靡矣息我民苦巨細必計賦已悉定  
侯乃云遷繫侯之恩漢民是天老幼婦子祝侯萬年  
侯往雖亟侯心則懸漢民誰庇漢土安澤小大成想  
侯車已策板轍留侯帝命孔赫民為侯泣侯為民咋  
其泣匪他感侯如天在昔兵燹流散顛連影以形弔  
情與事煎杯水瘳渴盂飯理餓大惠若此民將焉那  
懷侯豈諛歌德罔過侯惟保哉下民之賀侯才甚明  
侯請孔直學非遜辭心豈雕斲至孝隆隆斯民是式  
彰善殫惡侯度允得漢水湯湯四月維夏百姓送侯  
于彼江下何君率祖典禮攸攸風微氣和觀者盈疇

帝德日新侯乘當重霸既登樞懷尤資用公德不  
民心所共欲知休美第觀茲頌

太白操

太白兮何為日中兮揚輝昊天兮孔明我陳兮誰聽  
徘徊兮路窮自顧兮傷衷

當歌絕絃

余懷佳人兮山川間之當歌絕絃兮余心孔悲芳年  
不再兮容華易衰咄嗟時命兮噫將尤誰

握手歌

春日遲兮景芳鳥鳴啾啾兮孔陽與君握手兮相將



前度飛坂兮後岡同心之音兮自長矢中夜兮未央  
雜調十五篇

能官行

官能不在吏吏巧還殺人今之官長愛深文蒸黎轉  
徙徒紛紛君不見李斯未死陳陟動赫赫秦威竟何  
用

夾河戰

故崇安侯譚淵隨

文廟內靖至夾河御

幄有虎來犯淵引弓射虎死明日大戰淵死  
疑虎為淵元身謂不可射歸諸理作夾河戰

夾河戰事已亟張御幄虎來逼將軍怒目射虎死來  
日沙場身且殪元神之說古亦有將軍之射乃其守  
可使身後殪毋使虎前走君不見軍中壯士空千萬  
倉卒虎至無人見眼底不知報主恩何況明朝夾河  
戰

寧郭尉

寧郭尉勢如虎夜逼人至亭午手持黃紙呼御符前  
村後村尋遞夫遞夫盡逃妻獨存家家背縛轂欲吞  
尉家有母亦有妻人生百事難比齊君不見西山食  
人虎牙爪亦何惡有時不自雄卒為人所縛果然卒



為人所縛舊時牙爪將安作

鴈門太守行

城中起風城外霏雪豈無裋袍胡來則劫嗟嗟奈何  
胡雖劫我袍室猶有粟胡今不來粟則無有嗟嗟奈何  
何負戈出門可以殺虎執皮我役不敢惰吏反捉我  
嗟嗟奈何皇皇車輪皂隸在御聞有太守來也今日  
胡不劫汝吏不捉汝也奈何嗟嗟

古倚歌

樓上喜風樓下苦寒廣衢修路何時還與君酌酒看  
朱顏車馳馬驟各有歡逝者如斯猗長嘆安得此身

雙羽翰飛遊逍遙浮雲端

雉鳴曲

梧絲長井絲短朝出門去夜歸晚妻死無食食樹實  
為我謂妻令之返妻去不我顧兒女牽衣啼入室何  
所見徘徊看故衣看衣不覺卧繞階脩脩鳴雉飛

送楊用之還武功

東風失意悲芳草婦人西出長安道長安道上車馬  
多空使韶華望中老君不見舊時同遊者紛紛曳縞  
向長安嗟君尚尔誤儒冠袖中龍劍應如昔何得愁  
入白眼看



涇野子與余居既數日陟降原隰臨眺川陸二  
美具集百情咸暢辛丑之夜宴歸學宮風雨  
忽作因秉燭相對慨然興懷擊筑長歌悲婉  
激壯之聲古之志士未之能或先也因倚而  
和之如此固已媿涇野子之所陳矣

噫嘻嗟乎子之來縷縷兮遐不能遘覲而將復吾誰  
與兮鳴泉湔湔愁人心嗟尔歸旦夜苦長吾心獨悲  
兮誓將羽翼摩天飛懷子以好音已而已而東方離  
與呂子發許西

蒼雲爛白日長並轡遊駢曲房君去不來我心傷山

寂寂聞無侶愁檢故詩歷孤嶼孤嶼亭亭當大河下  
有萬尺之洪波洪波萬尺有時盡此意悠悠君若何

同仲木往許西別業

春日遲兮景芳鳥鳴喈喈孔揚與君握手相將前度  
飛坂後岡同心之音自長矢中夜兮未央

相逢行

汝從雍州至我自華山來秋風木葉落相見含元臺  
管絃簫瑟不可聞子奏伊州何壯哉半月不飲長安  
酒因爾立空三萬杯繁華自古易衰歇歎尔風流倚  
旄才



歎息歌

歎息復歎息歎息如何及伏雌抱鴨誠有然螺贏祝子  
真堪泣渠顧為鴨君為雞那憶行年已三十撫育豈  
因薪水勞紛拏及使肝腸繫畜犬解尋主畜猶可禦  
鼠老大還無寸舛心此輩成人在何許世事悠悠着  
力難憑君不必苦憂嘆早携藜杖過蓬華同去東山  
訪謝安

楊白花

人生須遣家富豪黃金不多名不高韓信乞市丐人  
侮世間誰肯為爾曹前年脚夫王仲深今年處處種

官人權家貴客滿戶入舊時行輩何足論君不見楊  
白花一朝風起滿天王世上榮華誰是足

古別離

君不見見邊西戎子夜走馬釋轡直前人盡下又不見  
洛陽少婦夜深哭丈夫十載龍荒宿古來緝邊如緝  
網願得將軍如李廣

古邊城曲

胡人騎馬來邊城滿城痛哭無寸兵眼前不可保旦  
夕春深况敢思深耕黑頭將軍徒自雄旗竿半偃城  
半空天王日日修武備閨中夜夜傷夫壻



對山集卷之三

康對山先生集卷之四

五言古詩

漢武爾不畧天廡育駑駘  
俳視東方朔却築望海臺  
士抱千里姿不得凌九垓  
仙人王方平往往笑其駭  
讀書窮巷中志閉履難諧  
不如屠沽子乘時際風雷  
丈夫各有遇胡為卑州萊  
君看吳王門亦能老鄒枚

三年

三年不相見相見轉愁絕  
來自庭中門掩淚聲哽咽  
羅衣如輕絲盤縈止堦側  
初言睽違長次言懷想切



君為天上鴻安如風中葉影泊無定所素體待淪滅  
後會難再期茲已生離別欲語聲復吞裏腸死如結  
願為雙燕子營巢傍君宅朝飛看君出暮飛望君歸  
滄海有窮日此心終不違

枚壺聯句

仲秋天氣佳秩秩萃賓友康東風漫拂簾花影重節  
牖堂前列犧尊堂下歌狸首馬獻酬良足歡成禮非  
獨酒主人思序賓投壺為賓誘康三讓尊典常一發  
嗟群醜馬或褊釋筦中或連於雙紐康或韻如佩環  
或拽如科斗馬倚頤跋獼猴揭注倒泉溜康橫斜林逋

梅貫穿養叔柳馬偶同匹雁飛隻比阜駟走康卦書  
伏羲心字製蒼頡手馬蓮花聖青荷蘭莖炷綠斗康銅  
壺恨偏長金鐸愁風颺惟驅敵面頰不薄衆掩口馬  
鼓響弗勝司馬益赳赳馬居然豐上觴盡為負者有  
勝氣凌天雲群英若推帚歡敵匝四筵賓主具單厚  
康已而睠庭除明日照尊俎馬

病已二日又作皆視舊作增劇醒後再成

生死一何易直當反掌間氣散收鬼錄安問跣與顏  
百歲無遠期瞬息如轉圜所貴良士心積芬不崇姦  
遭值忽如此天道實難攀側聞老母淚撫膺方潛潛



十月十一日病中示婦

逝水無回波氣散我當歿與子同衾稠相期至白髮  
痴女即長成佳嗣已天伐粵惟大數來今古誰能越  
哀我垂白親誰與慰時月兒在鮮安康兒死將傾蹶  
感子柔順姿凡百已力竭黽勉温飽間母令宿心歇  
九原雖弗知英靈自旁達期子以來世同生更同穴

贈萬斛

我病苦經歲往來無故人感君時問訊涕淚滿衣巾  
丈夫處人世何異水中蘋所以古狂士各自重其身結  
不事明主詎為卿里珍去住各努力不在要路津

謁綠野書院

吾道本昭晰誰為岐路漫攬衣拜祠下悠悠起長歎  
先生起郿塢挺然障頽瀾講道綠野亭學人得大觀  
遺址沒兵燹興復亦屢難別茲忽三載踪跡絆微官  
去國但今夕登拜宴茲壇歲華奄已暮朱光眇難扳  
努力徇徃訓諒能趨所安

長寧留別餞送親友

悽悽去鄉國悠悠天一  
方感君遠相餞此情安可忘  
長寧有美酒願言酌千觴  
心悲氣自結顏醉志彌傷  
父要如不棄慰我以周行



咸陽谷濟元家宴集

昔病卧床褥感子獨憂思咸陽對君酒劇飲欲千卮  
猗猗園下蘭霏霏雨中絲相值不相樂君看園中葵

華州書懷

欲去不可去欲歸何以歸悽涼岐路下事事與心違  
九月出門戶仲冬仍依依時命苟不逮百念轉首非  
山凍萬石齒風雪千里飛半世逐萍梗何時能息機

華州對少華山

凍林夕陽下山色轉來翠田峯歛若飛曲磴矗將墜  
灝氣發山足泉聲響堂庑別此何日來展轉起長喟

華州寧山寺作

我來華州城羈縻已彌月百憂結我腸展轉那能歇  
徒聞少華峯安得至其樾今日忽言邁良友咸趨謁  
指點寧山寺竒瑰實超越下道百步遠怒石如標揭  
前趨路愈難轉深轉如鉗中立俯來處泉石亂如趙  
突碑及沆浼似欲作齧齧山底方見山真與上帝訐  
回壑出松濤怒吼后土既曲徑轉蒙翳我行已力竭  
入門曠益寬韓衛若倏忽相富太華巔應是盡溟渤  
往時驛道松看看細如菱山僧陳寺始自古氣不伐  
鎮茲少華山百脉如扣軋地盛物自豐願爾安能撻



升堂接廣筵，蓮豆紛以烈。能優列絲竹，音聲何清發。  
感我山林思，苦茲千里越。朋友具執手，慇懃欲空醜。  
追維在州時，懷抱日以輓。愁多病益侵，佇立空餘骨。  
歲月去不回，人事如飛鶻。今者不相歡，柰此逝者汨。  
日暮分手時，撫膺有餘咄。

潼關早發

早發潼關道，微風動林木。長峽百里去，我行正僕僕。  
大風變頃刻，萬里慘以逐。樹杪聞過沙，何須問平陸。  
我口不可開，我身只欲匍匐。輓車兩少年，行行亦長哭。  
云是閩鄉人，先世有官祿。縣官急邊糧，十戶九逃伏。

篇法有根據  
不嫌質勝

至長利賂錢，我故苦獨速。太平作男兒，庸調天亦福。  
所恨身不長，筋力易羸蹙。感母寡已十年，蕭條但空櫝。  
有田不得耕，有事在忽倏。近歲嚴轉輸，使者日三復。  
迢迢百里途，如歷經緯軸。我嘆亢如火，我行迅如翻。  
吏來督我行，躍馬恨不驚。使者討押錢，鞭鞋褫我服。  
我冤向孰陳，我淚向天瀑。語終心益傷，敲吞色猶惡。  
我感少年語，涕泪泣如漉。皇明百年來，萬姓各康。  
育州木亦有滋，少年爾曷顧。匈奴二三載，驕氣如鸚。  
鷗主將小兒行，焉能辦鏃鏃。尔居見尔難，不見九邊。  
族一夫八人，從剝削盡膏肉。往者禁軍出，人家無完。



蓄督力代出後瘁敵內供穀土坑亦見奪何况妻與  
僕此本亡賴子亡命入軍饋三帥皆詭隨安知有鈴  
束少年尔莫苦主上正恭穆行當致雍熙邊庭永  
安肅尔身當不勞尔家亦永復少年感我言再拜向  
天祝願主萬年壽保我有饘粥願民如春艸長養  
無踐殯輓車向西去氣色稍睦睦

峽石逢正夫武選

日暮駐硤石故人欣在驛我手猶鞍痕君堂已開席  
佳殺芬以繁旨酒清且碧地僻山更深几百豈易索  
岐路倦客心相逢念疇昔鄉關君日親風塵我方劇

依依忽夜分頽然起巾幘

馬三丈於懷慶晏子

堂下鳴絲竹堂上泛壺觴依依千里情燦燦燈燭光  
盛時易徂謝佳會安可常北風起晨夕行子感故鄉  
旨酒旣清苾蘩豆復芬芳願言共今夕期以莫相忘  
劉安陽克紹畫錦堂宴集同敬夫翰長聯句

三冬盡行旅萬里黯愁色鄴城歲除日康虛堂燭明  
夕相顧意轉親王相憐路還亥魏公真子師康歐子  
豈公敵宿志凌臯夔王平生本沙礫敢擬此飲歡康  
獨切親闈憶驚心雁北歸王承顏意西極文名重三



檢康時敏夫與景城石邦彥內江劉德夫俱為翰林檢討有文名世稱翰林三檢云云交情媿聯翼雕蟲藝何

貴王積玉光豈能逝波嗟不回康寸陰良可惜宴言

重微陳王同君永明德康

鄴城同諸公於趙王府宴集

新春淑氣回賢王開邸宴金石懸前楹賓客萃別殿

歡樂難具陳日夕意彌善嗟彼七子遊萬世猶欣羨

朝退避雨沈澄甫逆旅就酌

冒雨過君舍君當為予沽問君今幾月不與人提壺

昔酒不在遠但與相親娛百歲若一瞬可為塵事拘

公非王子喬不飲胡為乎

夢故鄉親友

遊子苦萬里感歎志彌傷齋坐日方午幽思積中腸

凌逸出戶牖委曲仍登堂親友坐相與斟酌倏十觴志

意甚淡冷笑言復悠悠揚覺來意忽忽不知棲帝卿朱

顏既難駐後會未可量隔窓撫園葵零淚霑衣裳

即事

錯錯復錯錯與子寧相薄投我以網羅嗟嗟今則那

似今日猶可非今將若何

樓上曲

秦女鳴秦箏絃悲調復清今日風雪至即在涼州城



本色

雖是涼州苦還家那得寧

同段德光夜酌

白日西南馳人生直如寄芳林春風發百物暢以萃  
君心諧金石良晤成斯醉于焉罪歡洽倏忽老將至  
孔跖今安存勞辨真偽

雜興二首

故鄉杳無際山川亦悠哉既非遁世徒而豈濟川才  
竊食避耕織對客倦襟懷曲枕日當午悠然南風來  
耿耿孚所願何必凌雲臺

其二

許西亦嘉勝日日有襟期田漁俯川陸葵藿滿堦墀  
野叟遺濁醪嘉樹過涼颺微醺上崇巘遐眺引東菑  
牧笛風外來園禽鳴別枝曉足發新懷此心誰得知

觀漁梁

直西漳川水水暖有魚遊僮僕值農隙揭梁漳川頭  
壓石作深溜刺目避湍流欲辭餌鉤厄反為曲簿留  
願為梁上死不作餌中收梁上死何惜所畏餌中羞

辛未元日

昔構許西宅今此遂閒居崇原羅縣牖交河帶蟠墟  
徘徊增襟槩眺望引樵漁歲首馱人後駕言暫紆徐

近雅

餘



悠然歌考槃茲樂誰可如

觀刈麥

五月麥已黃宵征許西曲婦子借我行共欣土膏沃  
一畝穫滿車刈丁訝相矚削藉及田野此外更何欲  
糠粃所不馱嘉穰况已足笑着場上積何不引醅醪

窮居

窮居鮮人事田叟過相於歡息稼穡好酌酒復嘗魚  
醉坐碧草間偶然念園蔬斬竹架瓜瓠疊石堰沉瀝  
清風拂面來襟懷遂清舒徘徊夕陽下中情誰復如

懷呂仲木胡孝思兩君子

兩生皆特彥並鳴絕萬人悉以兄事我何異骨肉親  
呂也卧不出胡亦遠辭秦間關蜀道惡棲遲清渭濱  
盛世需豪俊此物惟尔真不謬被罔逐憂國慨餘屯  
心壯義自激道厚履彌珍同惡我不誣足譽人所嗔  
徒有經濟策安能及斯民甘為螾螳賤不嫌直土塵  
傅生在墻堵尚父住磻津孤懷有誰竟念尔益霑巾

離詩二首答東岡先生

中道值嶮巖積歲橫昏霧淹留各有因慷慨懷往度  
蔡生奪九錫皇先抱孤素隱顯迹固殊芳芬理誰誣  
弔景增遠悲捫袂益深懼意氣精靈施馳騫瞬息故



春言謝茲役啣杯玩芳樹

其二

賈生際昌運獻納鮮不摠志士具鴻達要之有所如  
斷羽無騫翔決水無廣渚雖富萬人俊棄擲同土首  
衆女自為妍獨樹終見屠時徂急奔箭裹結鬱膠淤  
君門萬里隔安用苦躊躇

聞王敬夫消息

敬夫當世俊高義人所知運徂被罔逐光謝蒙厚疑  
未飽壽州飭尚蒙妖豎嗤抱芳竟長歇悲彼團扇詩  
西城冬十月與子並轡行宛轉護主意鑒者天上星

天星永不滅君懷豈復停濯濯白縠裳矧矧當白文  
顏如春花鮮音如青鸞語解舞燕代稀能歌齊趙絕  
自謂可君心君心一朝別空房悲獨知百年祗長咽

有所思

晨起望歡來日午歡不至薄懷雖自動遊情君已異  
擲此玳瑁簪脩被雲霄翼高飛摩蒼天低飛盡溟渤  
或底仙人丘或止王母闕食玉求長生乘風討幽歌  
芥藁非所佳安可使中竭

暮春與張朝聘雨中夜坐

膏雨秀時麥蒸雲迷遠村冲抱本濟物虛襟久含温



彌勝見長蔓侵幌喜交痕天地自廣育朝廷原獨尊  
寇盜枉壘粉虎臣如蜂屯明日首夏節開霽見暘暉  
君况留侯齋僊蹇待高騫宿管應弧矢今志畧鯨鯢  
馮唐終上論甘茂仍有孫憑君拭碓劍早晚清玉門  
歸自長寧道中懷子衡

飛飛麗高蓋望望指榮木蒼岫迴遲光嶮原帶交陸  
翩翩獨歸翼堂堂君子轂昔瞻眷已深今款心具服  
彌節欣旦奭微言薄虞穆丹鳳鳴高岡駑馬飽首宿  
枉訊漸久要遠別強新漉再晤安可知遐往每中熟  
羨爾心迹并嗟予岐路鞠抱歎煩廣宣劃穢冀長劄

胥此相思憂我曹志有奇

在潞西別業聞呂子仲木見訪

絕世閉丘壑故人天上來喜劇跨驢出還以夢寐猜  
昔遊背鄉邑出入唯子陪金閨白虎闥紫陌燕雲臺  
繁華瞬息邁會晤轉首乖君才超且逸遠追周孔匹  
緝學曠代稀陳猷萬夫傑國步茲艱微君在良弼  
龍臥空兩春梟鳴已終日何不疾命駘今此星運謚  
瓜瓠豈宿心齷齪本故質甘為市井羞敢匿君子恤  
今夕復何夕子來問蓬華方深和寡悲安知酒漓絀  
呼童捉雛雞喚婦修品食但得沾笑言午夜詎終極

樓承具古名  
長洪雅素  
異人



同仲木謁后稷祠

凌晨並造謁履和想延休徂勲超鼻代功績啓成周  
道厚往自迥本盛芳故流秉文美清頌編德欽雅謳  
遐景詎有邁鴻烈曾未劉遺封藹餘化闕殿錯端旒  
報享既敦穆瞻仰益虔修食德乃不淑涕言愧茲疇

同仲木謁橫渠先生祠

賢眺陟雄壘欽訪降周原蒼松翳廣殿碧岫當崇門  
氣暢百形麗跡勝千古尊繫昔此夫子壯志等崑崙  
折衷既罔謬為道久彌尊微言亦屢示至德要獨存  
悲哉跡日遠邈矣述者繁精英顧莫逮糠粃寧可殮

講嚴理益晦源涸流豈奔幽懷每長喟景穢言復不

二月二十八日同呂子過武水聯句

東行陟崇阪言念許西曲仲木萃律先後圍盤紆古今

矚層波滉灑景德瀾迴瀾薄山足川柳柔以颺仲木岩松

蹇而撲白鷗亂浮汀德瀾黃鳥矯出谷歡來千日輕仲木

事徃瞬息局勗哉詰精理行矣慎選躅德瀾尊酒春山

中何時復相屬仲木

雨中獨坐三首

微窻博群口理棹返柴荆迹在徒自厚譽寡誰見明  
接纓歎沮溺種瓠笑東陵旭日陟臯陸因之眺園英



雖非素心賞聊寄千里情  
秋雲澹空碧細雨濛高堦  
茅茨苦蒸濕百川復騰沸  
蕩漾既有時昏墊豈無謂  
撫景傷故思環堵發蒼卉  
酌酒鮮同侶岑寂何以慰  
昔往愛驚翮今逝惟垂翼  
豈圖礪上遊固畏雲間弋  
事謝形自休光淪體應匿  
賈生赴長沙張騫問西域  
情好良有因百尔係所值

扶風道中

削籍喜康歲薄游嘉盛年  
過車詣岐縣訪舊嘆古賢  
下亭當秋樹渥漉鳴澗泉  
序清景茲倩節返理誰憐

感物意彌劇極已情益煎  
弱齡糾王後拙宦謝膏田  
束縛豈人力蹉跎信時褰  
已深隱者志寧負遊子篇  
迹遠心自寂道厚行乃安  
初發既超豁恒往諒難攀  
迤迤阮生路鬱鬱謝公山  
彈琴寫幽曲撰杖凌紫煙  
固窮倘身畢慷慨為世傳

新寨佛堂東楊子

仲秋霽潦歇天宇含清明  
伸抱得孤邁覽景遂閒征  
亘原連蒼岫交巘映迴岬  
轍因懷賢軼情以眺古  
并義深賤尺璧芳似薄兼  
程日夕客當至晤言揖君  
庭明明天上月熒熒庭中  
鐙昔遊猷紛擾今會喜澄  
清



時萬迅流矢，款協媿。聯纓開尊豈，須滄感序激。深傾  
王喬竟虛妄，彭祖亦空名。至願苟勿輟，炯節孰能櫻。

過馬援廟

騰轂仰三輔，遨遊欽兩君。散殖見昭義，辭賦寧泥文。  
超思隗竟矜，厚枉孰與陳。徒欽語種事，未測戒子云。  
秋風歷茲色，古廟鬱叢榛。遙拜愴未入，高芬遠彌新。  
事繁久誰誣，迹勝光豈淪。懷風寔有素，酌土塹後塵。  
慨彼際明后，亦被群口紛。嗟此踈遠士，嗷嗷空殺身。

扶風詠懷古蹟

正元應赫秦，謬日以狂。不墜抵窮海，兼併况要荒。

昌德茂不作，詐力遂縱橫。幸來旦與火，事去根蒂亡。  
本乏建國理，安用傳緒長。迢迢茂陵道，習習谷風涼。  
川原慨往迹，堞址愴遺疆。拒胡豈勞遠，覆宗良在強。  
磷磷太白石，歷歷頌聲揚。再傳已莫守，世萬誠可傷。

步出城西門

步出城西門，冠蓋何纍纍。鈴鼓震天關，旌幢溢街市。  
千官若聯雲，群貴如聚蟻。觀者肩相摩，唯恐趣不駛。  
借問趨何為，勅送名妃梓。梓宮發東府，靈伏已玄里。  
憶昔景帝朝，妃侍深宮裏。繁華人豈如，富貴世莫比。  
白日陪燕遊，良霄奉御几。親戚俱豪華，瓜葛亦稱倚。



今日歸山丘徒羨盛儀軹至親誰復存繁華難再齒  
玉珮重泉封悲風白日起松楸任後長未訣愴今始  
苦寒行  
朔風披六衢霏雪帶周廓栗栗墜素膚嘖嘖悲鳥雀  
我行尚千里長此將焉托

至終南

衝泥抵終南迷濛失山色遙望大平空崔嵬白雲極  
憑高矚村落嘉樹森森植此地素靈異氣候曷可測  
旦日雲氣消嫩碧競環域綠草彌望浮波光與山逼  
雙雙白鳥來滌盪千慮息宿性喜丘壑躋攀易筋力

深秋事佳遊長歌厭輕默早晚期卜築終以臥斯側

望神林寺

流潦浩無盡溥塗安所窮驟輿捷若羽鳴泉倏千重  
招提靄曠陸炬火鬱修籠停驂慨將覽鞞掌那可終  
何能載玄雀道遥隨園公

西巖村

已達西巖村忽見邾村樹矇矓日未中慘澹昏雨布  
積潦迷古泉白楊愴新墓華落不再揚景謝豈仍駐  
所以遊賞思遥遥橫窳窳龜勉甘水坊彷彿空翠墅  
笑語計宵軼瞻眺待朝曙心惊苟終愜何須怨遲莫



風

春來久不雨，欲雨仍多風。我自武功發，天地俱塵蒙。  
行次少華麓，冠號若山崩。頓踏那可道，歷歷辛苦同。  
胡不摧珍氣，令此雨暢通。倘彌萬夫望，方欽鼓盪功。  
泛舟至終南

黑水既瀾漫，撰舟浮渭東。新霽水波足，告若御天風。  
方權榜歌作，忽見終南宮。遭迴三十里，轉盼即已通。  
陸邁豈不適，舟行實從容。安流解驅迫，履險審有終。  
既辭震輶役，仍奏瞬息功。因思駕赤鯉，直叩蓬萊峯。

東原瞻眺

積晦乏佳况，瀕行欣霽天。川原鬱含翠，村落迴浮煙。  
流潦漸已盡，徐風澹相牽。雖無惠連詠，尚意明遠篇。  
撫景生遠思，覽曠感遐年。志念未殊昔，憂否忽成煎。  
悔迷廣成技，空羨伯陽仙。于焉恣遊眺，庶以慰迍邐。  
敢循會稽僻，異嗣鹿門賢。大道本茫昧，吾意單草玄。  
同諸君於良璧園亭集答時濟

客行乏良思，賦此逸興生。雖無管絃奏，顧多慷慨情。  
烟蘿翳明月，沼荷枯翠莖。于焉感宿昔，美酒為君傾。  
今日五陵下，誰識田實名。

壬辰元日



節序孟春屆子年欣已長無躬耿不作行樂或已荒  
昔壯志四海今憊愧五羊因心苟不鍾率履常益強  
陶生柴桑里龐公鹿門場但使所息適百年安可妨  
十月一日書懷  
老去人事疎非謂惟棕寡有時忽小吟坐對南山下  
今既不如昔後豈勝今者節物自相紹少壯安能傲  
頗思鍊雲英共結白蓮袪

對山集卷之四

康對山先生集卷之五

五言古詩

同承裕升之過澣西別業

還耕愜初願揖世迈空林雖非志士理已獲靜者心  
嘉賓青雲客枉駕忽相臨携酒共斟酌張絃揚妙音  
義厚情自叶道合契滋深漪漪漳川水幽幽南山岑  
相值不相樂柰此逝者侵

元日同諸弟宴東序

自我登科來倏已十三載芳臭吾所知堅白世仍改  
感嘆謝  
明世徜徉迹陸海本是葵藿姿敢塵



廟堂采旭日照西堂歲初幸和緩與爾共斟酌歡歌  
益瀟灑果叶滄浪心安為塵氛免

朱升之祖德詩

玄馭往難返厚澤遠彌新因觀後人孝愈信逝者仁  
琴聲宛在席鶴唳如有聞徒勤翠枝想誰傳素空陳  
名章一為耀千古詎應泯

四月七日雨中同文浮山坐酌

初夏草木長鳴雨更相逼來年生意佳枝煥望如織  
陽日不下臨此物終且蝕往者已已夏頗為旱乾戚  
徂春苦無雨田疇生意息因懷老農語徃徃未差忒

窮居繁生齒所恃耕耨力明日更如此與君當惻惻

子卿泣別圖

廿年繫異國感別會仍艱置酒話夙管詎終千萬端  
嘆息淚沾臆徒令摧肺肝昔為雙飛龍今為孤翼鸞  
丈夫耻微諒况爾烈士顏躍馬窖上別欲歸中台難  
徒切報主恨安悔軍吏言勝負有微數奮勵心所安  
所以君子人不處嫌疑間

贈用昭

宿志苟如此何足言棄指賦性本迂薄長遊適茲年  
雖被群口絀尚慕夷惠賢秉耕事場禾同俗謹方圓



杯酌取適意紆肆無音愆當階植葵榴穠艷亦堪憐  
賓客時屢至行樂鼓危絃擊牛旣不易烹飪有時鮮  
微醺步幽隩清歌凌晚川念子有佳興影然詣吾阡  
並坐話茲事古今誰比有皓首不努力世萬安可傳  
近山尚書莊上

春風纈芳林虛堂翳脩竹苟愜靜者心寧慙世人目  
昔予懷此遊悠悠幾更宿豈期聯輿來沉醉卧茲曲  
高歌嘆往蹤遐眺覽前躅主人古司徒雅興薄裴陸  
但能永今夕何憂乏醅醪

哀王朝列

先人寓南都朝列實所厚素欽清淨懷豈但通家舊  
博才與世違高風實難囿挂冠國東門饁稼灑西墅  
仰憤望天雲扶筇步孤嶼自謂羲皇人豈但貪可吐  
隱居四十年仙輿竟長輿松栢翳窀穸叙述徧寰宇  
微辭陳久要匪直慰儔侶雖乏桂酒陳或擬吳陵藉  
哀王中憲

中憲有俊才我自童子知詞源鴻三峽豪氣凌九涯  
少年取高第倏致清要司糾謬竄群枉問俗正皇  
規秦越及幽冀至今常見思驚風無寧翼喬木有樛枝  
外臺早見擢長意浩無期勁節挺不改直道耿難馳



遊屈萬里翻名遂千古竒往哲俱如此於君何復疑  
敬讀復齋稿惻愴有餘悲

悲哉行

拭淚坐未夜角聲一何悲羅敷有心事欲語復思惟  
徘徊掩鸞鏡逸邈卷羅衣初為君家婦貞潔有容姿  
今年二十五不意被君唾娶妻以嗣續豈如陌上兒  
問君後房妾詎不知令儀熙陽萬芳啓嚴寒忽凌漸  
節物尚改革人事奚見疑微辭陳君前寒暖君自知  
願言欽令德毋為後人疵

短歌行

擊鼓會佳客秩秩滿中堂齊娥揚妙音越女奉微觴  
良時不重至此樂亦豈常倉庚枝上鳴鼠婦來我牀  
節物日以感人事安可量感慨立前楹說月步周廊  
昨日一何壯今日一何厄展轉意彌劇惻惻遂心傷  
探壺取青酒斟酌夜未央嗟我同懷人戒之慎勿忘  
思歌行

易歌行

樂事弗重至好會難更常當杯不歡飲其如後者妨  
有田不種粟有園不種桑坐待飢寒迫空令聞者傷  
良時苦易失好花不重芳襄首待富貴白日忽無光



有酒即斟酌尚恐臨事妨如何市井徒心志不廣長  
儲金望成埒積粟望成岡志願雖償恆歲月安得常  
力瘁神乃去忽然斃中堂有粟不可握有金不可將  
平生豆羹較况肯厚死喪肉為螻蟻噉妻子無憂腸  
結交邪枉客志意各飛揚馳馬復聞鷄絃歌夜行觴  
百事比先健行步如雲翔景屬此曹好事留居者愴

寄伯循

秋風西北來偃蹇坐茅屋四壁無纖塵當牕有書讀  
不問坐者誰啓牕再三讀一讀意已駭三讀見衷曲  
憶昔年少時心志各有蓄不意謬通籍先君被薄祿

朝夕望君起如彼饑者穀我已罷節職君方縻官祿  
味苦不可人旋車亦何促

主上堯舜姿舊章理當復平生稷契心豈為世情覆  
尚期謹藥石慰此百姓慰予也素寒劣茲志每中熟  
以乏涵遜懷幾構邪罔獄顧影苟不虧於道果奚辱  
山水性所嗜喧恢豈吾欲屈指君歸來三年但忽倏  
人生不滿百激勵在初服可似山中人忘機泛醅醪

示昭胤兒子胤讀書學文駿可上達然頗事遊  
冶玩愒歲月乃以此示之

勵志貴青春登途謹康歲箕土可為山所戒在紛疾



努力不自茲老大竟何濟

有感

曾參不殺人魯連蹈東海志士各有懷肯為塵氛浼  
細吟獨漉篇長歌楊之水采薇首陽山吹簫洞庭匯  
但使心意舒何憂世瑰磊

讀史二首

鴻雁不老越蛟龍不潛岡平生志嘉遁佐儲抑何狂  
因嘆務光輩惻惻令心傷傳記尚溢美其言或荒唐  
嗟彼高帝業赫赫繼三王孺子安所見胡為遽辭商  
契會視豪傑出處聖所詳感嘆擲其策願為史臣俚

其二

天邊有黃鵠高飛一千里烈士耻庸節世事特敝屣  
朝辭上東門莫從赤松子感慨風雲期超悟往還理  
進既有所因退亦何所倚獵犬貪兔狐不免灶傍死  
富貴多嶮巇英雄如螻蟻所以明哲入窮達重狗已  
寄溫民懷

幼小擅文墨老大轉崎嶇相逢金臺下飄飄神仙質  
當時各輕忽領會未周悉但為語咲喧未究風雅實  
竭來坐幽壑默默思往日始知逸興多允哉予所匹  
去年季春初君來過蓬蓽情異千里先會以頃刻失



雖承枉書札心竊負羞慙時我在羨陂嘆息使心慙  
繫茲十年別朝夕宛如一秋雨賓客踈翻書檢名筆  
緬惟君子義不語但首疾丈夫蔑小嫌英雄重身畢  
憶管京華秋慷慨難具述鴻毛視富貴萬類若捫虱  
唯君知此心往往談道術戊辰抵丁丑倏忽周歲律  
狂歌窮谷間可為形影恤譬如籠中鳥得放返巢窟  
豈有依世心更為稻粱出寄君聊共嘆世故風馬逸

用昭東歸華山率爾有懷二首

鳴鞭指華麓欵駕越涇川逸興旣瀟蕩麗景忽見遷  
翳翳南山齋遲遲西堂月絲竹滿我前清商與誰發

十日忽言別良晤何時再握手坐君堂如飲雲中滈  
披意唱新語頌夜理微辭開帙動成趣何時忘令儀

首山行

我從華陰來逢君長安陌長安車馬多客心苦逼迫  
感君夜沽酒翩翩話疇昔倏然若翔鳳萬里寧可撻  
世儒正齷齪從誰覓風格首山連華嵩古謂黃帝宅  
君固首山人結廬值其昧佳宦縮銀黃素心羞烜赫  
恨不策杖遊憑高倒巾幘激泉引綠水微歌坐玄石  
但使幽思成肯令芳意隔昔在京華日羨君神氣適



頗似仙人儔邈與世氛革魂志終塵違烟操竟難躐  
因君起永嘆豈是山水僻聖化波流沙萬彙具豐溢  
均彼適性歡敢念別群惜歲月同逝波生理異驚翻  
碧樹茲已長蒼苔疊如繹會當詣嵩麓因君訪周易  
贈彭尚書濟物比上三十韻  
明興十三紀述德唐虞速歷世具徽美奉天無罪尤  
孝皇昔在御四海有餘休深仁被遐邇厚德孰與侔  
暨我 毅皇帝聖智天所祚雖有群孽仰尚匪新  
政羞諸公大乏理怒目如電過遂使寒讓福我宗  
社憂瑾永流澎湃寧彬遂紛浮骨鯁日踈遠昌言誰

凡收功德反摧挫屠沽皆列侯大起疆圉事巡幸經  
五秋豈但轉輸苦尚多羅織愁速繫盡九族勘覈無  
一讐天下若鼎沸誰能善身謀仕宦自相好山林皆  
寄囚未可保朝夕况復尋昧遊我 聖起南服巍

巍舜禹儔立斷四凶死倏建萬世猷勤渠覓元老奮  
迅康八州詔書許更始生靈免虔劊夫子臯夔徒素  
心景伊周窮居志萬古勘定凡幾陬青史不輟紀  
先皇仍見優勲康塞人字簡在蓋天誨感公過相訪  
愧予隳瞽流安能達大雅聊以序民幽縻婦不恤緯  
君子宜有求肇遊旣感慨莫節應曠脩吾非兒女子



安用歌別謳

詠懷

窮居無別悰掃徑揖清霄濁醪自斟酌幽花復芬馥  
雖微恣性歡亦鮮迷津慨寒虫相續鳴潦水參互沛  
節物漸以更人事紛相代倚彼巢由徒曠音昭物外  
德克第至

飄飄神仙姿悠悠燕秦道飭車纔幾時倏來慰孤抱  
烹羊醺新酒朗吟對穹昊苟遂酬勸歡安知詆叱懊  
烈火鑠良金光燦久彌耀南園松菊長東泝蒹葭老  
且將終日遊續我蘇門嘯

清溪老人歌

托廬楚山下復愛楚水清因為清溪人常歌清溪行  
激波滉朝霽玄湍澄夕泓理靜百穢徹道在千載貞  
前流遠彌匯後派長且榮採花服初始沂澗欽晚生  
願申得一勸永保世萬盟

長寧望先塋示諸弟

逝哉世德烈遐矣徽音暢反予蓋九葉遵道敢孤曠  
雖微宋臣述豈肖馬生誑冠裳西冠雍文采遠慙向  
松楸麗茲原芳馨載宿宅事以父方白德顧遠彌亮  
鼻祖履何長遭時實翫麟雖抱風雲姿聿敦畝艱



洎我西原公造詣益高尚蘊博陋邕泰光霽跨籍場  
裔視鄒魯直德校務隨妄再世具敦穆流慶殊豐盛  
明初生達人康濟古無讓旣樹宏遠規復慎豐亨嚮  
勛業動神后名德懾虢將囚心謝茅土遜志抑浮浪  
逶迤及茲辰瑰瑋未凋喪食粟思天功曳履念哲匠  
昆弟各有懷簪組匪吾上惟能樹德音斯可副玄貺  
翼以寧乃狎波以激斯宕國之千祝延宗鮮百年亢  
譬如西頽陽轉忽見悽愴猗想平陵侯傳世一何壯  
封拜歷累代烜赫據光望荏苒至皇明誰能辨後壙  
盛衰本天道昭格良有狀拔木不再榮熄炬鮮重炕

慇懃告來裔黽勉責昆行頌言諦茲篇用述吾宗侶  
得弟德克書

憐爾萋斐人遠滯巴子國素心仍起羞遜志果安得  
此曹父麾霍睚眦動成厖何若返南川同予醉秋色  
徃盤屋訪王子明叔

駕言詣春衢南徃遂良觀嶺雪旣消散惠風復披揚  
羲陽啓朝輝垆野喧牧笛豪遊意益暢嘉賞事方述  
撰杖陟崇原載酒望迴壁懷人志丘壑夷險久經歷  
豈卑平子吟聊假毛生檄隆念困靡革德音近愈怒  
采苓南山陞弭節聽泉激期君畢莫春庶以慰孤僻



燕明叔東亭子

嗣歲集高陵良晤傾古昔今晨燕整屋逸興更超奕  
雖無絲竹陳幸對風雅客酒酣幽興發至論光綺席  
子本素心人抗志陋鄒嶧蠲潔物莫染磊落俗豈格  
頌言念久要百歲以為適

整屋喜太微至

此日復何日眷言會君子方擬策馬尋忽焉具來止  
來止將何為握手論古史春城沾酒佳斟酌一何喜  
普緣古仙遊山水嘉無比若賦南山篇請君自茲始

馬融洞

昔賢托茲室討擇故高尚清臬室外淙紫淵壁中漾  
徘徊坐石側殷勤發幽唱白雲忽苦飛青巒益脩亢  
何能棄塵氛卜築西巖上

石上小酌

泂流歷層壑攀蘿下迴磴雖有芳草心未博遠遊興  
沆瀣愕中涌巖壑坦旋徑酌酒坐石上夕陽更輝映  
薄言呼兩君音響動相應始信空谷散果叶靜者聽  
酒酣連袂歸悠悠心靡定

許西喜明叔孟獨二君子過訪

我本支謾人嘯歌許西曲心喜談道術性憎傍塵俗



二君英俊才世事豈拘束同遊終南山文采奪人目  
數日返墟里此意常在腹因念蘇與黃轂臭一何屬  
我有輞川吟齋近不可讀請君勉和之永為此行馥  
漆川西游別張子太微

送君濟上水忽見太微峯勝遊苟如此佳期難重逢  
君今入盤屋且坐五老峯待予明日至同與玩仙蹤  
發車

飭駕詣修陸乘和訪幽徼匪答阮氏招將追碧山靖  
積歲苦囂紛芳春忽登眺志意旣參叶心賞故俱妙  
雖微盤谷吟聊嗣澧陽嘯

下經臺書土地祠柱

昔同王子來坐此眺林谷今同王子來探杯坐撲藪  
良覲無所乖佳興益飄條悠悠西日沉倉翠奪人目  
於土地祠廻磴望太微峯

陟巘下廻磴夕陽試拭日逝矣發幽思翩然媿巖谷  
激泉暗松濤惠風襲春服因嘆支謾人世事安可瀆  
上善池碑陰走筆

一登老子臺佳思忽萬里降觀上善池野坐彌可喜  
同懷旣靡愆橫飛安得止東谷古仲雍太微近乎子  
慙慙遞瑠璋磊落動幽思勉事追逐倉皇媿迂鄙



感此冲抱清益令虛襟起旭日鳴煩禽春風發芳芷  
中情何所櫻遯景尚堪倚繁彼逍遙篇慙爾柱下史  
寄題高德章微齋

達人志玄闕所蘊故高尚發腴見烟迹耀靈覩幽巖  
往訓從古然近思匪今諒昔遊懷德音邇會服佳量  
安得坐君齋惠言削浮妄

同楊宗文張用昭南齋小酌

幾年滯憂否嘉賓事彌薄覽君芳草篇益想雲安作  
旭日發青昊遊蜂拾花萼張絃動微吟含杯總堪樂  
願言盡今夕且示浙西畧

遊觀田園

嘉木蔭高墉邀賞適茲辰覽景意如挾矚物思彌珍  
雨時群植茂氣爽萬慮新瓜瓠溢畎畝葵藿滿庭闈  
飯糗願豈革伏櫛志先馴苟無采薪厄尚勗脩更論  
天命於高陵壽明叔初度

為薦呂夫子因之涇渭川中道遇來使慙慙出素編  
久知滯王後不謂會此塵晴春懸明月惠風乘遠天  
本末雙輿至迎我城西阡握手但相咲恐是夢寐然  
宴我旅人舍坐我紫榆壘童子出名酒飲如鯨吸川  
請君好自慰聽予南山篇



長安卧病

積歲乏愉情中道值新疾省運誠有愆撫躬良未密  
親友念久睽相覲肯輕畢開燕集妖冶揚絃奏瑤瑟  
淑音旣織柔醇酒復洋溢中性欲蠲飲難可遽揮叱  
陶生止酒篇稽康養生術徒切恟恚憂未究裁省實  
天命倘不乖吾去小酉室

病起

攝生乏精理沈宴櫻厚屯親交幸相對稍稍就盤飧  
少日志夷曠中歲辭帝闈自謂富筋力足以責丘園  
擷英浥流瀨登巘望朝暾聿覽九嶷魂兼躡崑崙根

河華晏經涉韋杜時板援薄綠竟終患邁思往無鞅  
緩步庭除下麗日照西原蟄虫相續飛客亦造重門  
咲語雖可挹拍塞竟還吞明發具春服庶幾試匏尊  
志願果不抑留滯何足言

晴

此雨已經月積陰數難悉况及仲春初沉沉若冥窟  
天道黯莫曉人事適堪栗展轉思古人憂來卧蓬蓽  
泐隙發微暉過午見烟質喜已憂復生雲氣倘再失  
神鳥不自翔陰翳遂驕逸願帝命風伯掃蕩耀茲日

答仲木



適性卽為樂處安寧然貧客來遺我書乃在涇水濱  
再拜讀此書道意何慙勲昔為鸞與鳳今為參與辰  
相思千萬端綫綫難具陳浮雲蔽白日遊于殊苦辛  
道遠行不易戚惻傷我心

送承裕

雞鳴日未旦君子欲遠征徘徊執我手慷慨有餘情  
逝水咽不返後會安可營行人盼前路斯須聊逢迎  
良晤既靡易壯志當見明秋花各自好噲室誰與楨  
憂來夜不寐揮去怒如橫希聲已寡和芳意安所傾  
願秉清忠節與世傳令名

十四夜見月

城上流清輝照我清桂窟坐久忽思眠柰此筵前月  
秋風吹我衣依依幽思發客散坐中庭彷彿見珠闕  
惕然感故懷達旦意未歇蟋蟀相續鳴蒼苔白露滑  
素光千里同佳人隔秦越豈無琉璃杯心腸為誰竭

初雪有懷

寒風翻雲氣雪片漸細微忽忽抵簾幕冉冉近人衣  
已深博山想更念剡溪歸安得孟夫子同眺碧山磯

贈石泉中尉

我本山海人宿志愛泉石繫自逢此泉坐嘯忽日夕



清淨物不緇，涵蘊靈所藉。發源本天潢，引注故澄碧。  
泠泠帶紫房，浩浩湫今昔。靜處苟中愜，逝往益輝燁。  
送袁解夫還盤屋

吾愛袁解夫，飄飄古狂客。勁風凌千人，高情協金石。  
雖爲羣小排，豈繫丈夫厄。自古浮天雲，焉能蔽白日。  
酌酒發浩歌，憑君永今夕。

對山集卷之五

康對山先生集卷之六

五言古詩

與仲木夜坐二首

我前抵華原，訪子雲槐舍。偶值何仲默，清談忘晨夜。  
冲懷世寡知，繁文俗方化。芳臭不同科，辨別每未暇。  
群口雖見珍，私心竊常訝。後會王敬夫，飄然契茲話。  
濟西春酒熟，南山翠欲射。明日會同君，細看盤谷畫。

其二

濟西勝鄆谷，山水多佳氣。清渭自西來，秦雍實經緯。  
參差太白峯，精靈日騰沸。以吾鮮儔侶，無能悉充尉。



西南跨橫渠崎瑰千萬彙碧樹翳丹日流水夾高墀  
仙遊說經臺神物所藏懋紆迴若龍蟠彷彿擬虬蟄  
名山不避人肯為賢哲諱子猷雪夜歸適意以為貴

世爵堂燕仲木

先人昔匡濟古帝重其勲因心謝茅土遜志遵典墳  
懿扁比鍾鼎宸章幾天文輪奐豈無自輝燦聊有云  
感君再相過致意甚慇懃坐君此堂上高燕日將曛  
彈箏復擊鼓賓主有餘欣所欣道義合不在俎豆芬  
日月如逝波聚散等浮雲青春不努力後世何以聞

同仲木園林瞻眺二首

古意世方疾太音人和稀豈不逐群好恐與賢違違  
朝遊三時原暮宿唐山磯感此榮悴異已悲馳騫非  
所以素心者見之心每希灼灼園中花撫膺南山薇  
及茲不努力老大將焉歸

其二

膏雨旣周徹田工粗可期黽勉命童僕籃輿詣東菑  
欣此薶麥遂坐令芳意彌樂歲望豐衍行樂值晴熙  
况與良士同更愜山水思擊筑發古調倚絃奮新詞  
夜以繼白日瀟灑孰可追

湯泉道中二首



客欲趨湯泉東過橫渠里嘉樹蔭碧流山色鬱蒼綺  
昔賢桑梓區靈異故如此循原陟西南地脉益豐美  
瑰岩與天接風庭湔鳴水始誇渡渭懽詎當覽山喜  
烟雲迷太白竒奧若天秘行行發浩歌山靈定頃耳  
其二  
呂君遺我書今日定晨發直趨槐芽渡乃至湯池樾  
當行復西望羶輿過倉卒策馬恨不前人影更出沒  
尋芳酬素志登山試仙骨相期載酒遊可令後至汨  
覽勝襟自開源窮意未歇共君吹鳳笙山頭弄明月

謁橫渠先生祠

春遊及名里齋沐升閔宮瓣香拜祠下披塵想儀容  
嗟嗟此祠宇赫然在關中滿謂有修飭豈知翳蒿蓬  
殿古瓦半落臺圯甃全空迴轉三戶牖斷騰沸虫鳥哄  
先帝昔在御孳孳欽正蒙手書西銘篇所在各一通  
相距五百載此意誰契同康世縉紳重片言摧華嵩  
安見體聖意稍稍事尊崇我曹黍末裔脩為寡其工  
曲學滿天下無以障頽風明發謝祠去太息傷予衷

雨中懷仲木

蓋屋忽言別中道各阻雨我醉野人家思君宛如覩  
意君渡黑河波濤涉亦苦茅次苦覆踈處處為漏侮



不知雨中輿何以作仰俯黑雲屯不流奄忽勢如哺  
比至祖庵宮僕夫等囚虜素愛山水佳翩翩出涇澣  
驅車歷武功亦僅至郿塢黃氛翳白日何曾覩青姑  
滿謂抵終南遊將宿玄圃又客供給疎所至數市賈  
徒有村酒來天道可逆數泥滑水沒膝自諒心已懶  
一別倏五日雨勢益熾武跬步未可前况能至古鄠  
展轉為子憂道遠那能顧懊此潭泥途幸值笑談伍  
但取杯酌歡且勿問譚府

楊子寶穡堂

中丞返田里所寶但稼穡構堂顏令名欲自食其力

此意甚玄遠世人那能識登山呈再拜君服爾有孤特  
昔宦侍承明累官盡樞闕誠字神鬼欽語出姦貪慝  
今日桑梓間竭力事溝洫甘耦沮溺徒耻並王貢惑  
邀見超古今炯節邁典則君子愛初服烈士貌穹職  
所以豳風詩務陳周祖德

有懷于鵬

于鵬念吾哀涉遠事臨慰愛子倏夫札百情實騰沸  
賴爾三日留始能辨酒味境逆心已傷形悴志奚謂  
君固江海人樸素昔所貴坐癯見微懷吐吞有奇氣  
乍別忽相思迢遙隔清渭



張甥之槩自華西來省予與之開尊夜坐辭以  
辟酒數月之槩少年英妙勵志若此誠已罕  
矣因賦詩贈焉

勵志古猶鮮嗟爾英妙人超然契神理謝此麩米春  
盛時富遊燕昌齡當令辰但恐樂不滿安知中足嗔  
所以賢達士寸陰日以珍張甥出名裔磊落吾所親  
奮迅異往哲慷慨懷先民述此止酒事言辭皆絕倫  
彭澤雖有作徒以愠同塵豈若慕宏達精詣吾道津  
事以久乃定節懼中路屯願言永初服白首以為真

答都人

還車許西曲半山含暝色朔風刺我衣欲止不可得  
入城逢都人白馬啣金勒下馬揖車前被服甚奇特  
授我一緘書題識頗脩敕展書讀其辭耿耿亂胸臆  
一別十三年安知如頃刻勞君遠問訊况此常相憶  
習靜厭世喧冠冕志頗息秦馬不嘶越南鳥豈棲北  
野人各有懷所務在稼穡慇懃謝都人去去慎登陟

送羅山人

羅浮有仙人觀子無乃是雙瞳炯如電骨相絕凡鄙  
坐我茅茨間慇懃話玄理相晤纔幾時策杖還吳峙  
遙望白雲邊仙鳥速如駛



誄懷二首

悠悠不能寐惻惻與心違  
百歲若一瞬恣言長分飛  
結髮邇伊如奉帷念餘輝  
紉蘭坐崇阿調絃拂金徽  
志願各相許寔窅幸同歸  
豈期中道別空餘衾與衣  
臨風想德音當慰拭殘機  
往者旣莫諒嗣者安可希

其二

弱冠偶君子垂老被凋喪  
歲序非不長憂來若傾跣  
皎皎燕趙女靡曼色堪尚  
雜坐發素歌當筵奉清唱  
餘音流太虛宛轉復脩亮  
顧此胡不懽中情彌慘愴  
涉舟慕邛友劉輪憶哲匠  
猗猗同柯鳥誰能免惆悵

客自滄西發下抵終南道  
崔嵬太白峯依稀挿晴昊  
雨過山色佳彌動遊者眺  
浮渭悞不疾悰歡每忘耗  
涼颼拂襟懷輕鷗謝鳴棹  
翠篠夾岸垂脩篁隔垣掉  
昔慕武夷遊今縱普緣造  
恣性誠所希達素理非奧  
清秋灑氣橫節物自相劬  
幸陪君子驂益想登臨妙  
誰賦遠遊篇予當嗣其操

從象峯北崦下望普緣

陔山披叢薄覽景愜幽素  
降觀萬壑奔平臨千嶂赴  
宿愛彌見欣新賞豁相聚  
未想赤城遊彷彿與宗賦



許西同明叔小酌二首

君縣若杯水豈能久留君孟軻尚淹魏仲連仍拒秦  
黃豎小兒行赤口噴臙葷倚托要美利世異心每勤  
往者喬吳徒尊信如典賈白手獲斗粟咋咋夸四隣  
值君動相阻狂猷遂如焚曾毋信投行曾參豈殺人  
所以丈夫志飄颻凌白雲匪但脫泥滓還欲契前聞  
嗟嗟當途于此理遽難分

其二

君從盤屋來會予在鄉縣目斷許西曲阻雨那能見  
風烟亂人日歷歷晴如宵同懷三四君契濶歲相荐

或趨金閨役或從野人佃我歌世罕聽况問疵與善  
碌碌章句徒遥遥空對面鳳兮咲仲尼齷齪羨江掾  
薰猶旣莫知理亂故須眩酒酣拔劍舞宛轉疾飛電  
今日胡不樂贈子心百鍊

送灤江中丞西勘

秋雨復如注旌旗仍赴西僕馬不能立杯酒那可携  
公歸定十月山莊事粗沒新釀旣已成嘉穀有薇蕨  
卽今構小亭亭成竚公坐雖無絲竹陳可試風雅課  
南山秋莫佳氣色清且翠眺覽旣中愜嘯歌或幽邃  
此役干國經天下由重輕古哲務成事今人唯釀名



往在十年邇邊陲太乏理輿皂皆所親毀譽出憎喜  
雖悉延訪心紛亂若絲枲積今日益滋君子復輕信  
自謂根蒂獲豈有纖細近治邊如治鮮要在審其勢  
剖斷貴神速宰制厭牽係近聞甘泉城皇皇盡危懼  
主者諭不開倉卒何以計遠人遵訛言其情易搖曳  
片言崑崙摧轉擬萬夫斃公固豈第人弛張有程具  
向旣失緩急今且湏砥礪同事六七公休休皆偉器  
當事必安舒臨機戒輕驀嗟嗟千里心顛此豈能白  
亦知芻蕘微贈公翼公擇鳳何知竹木豈知美玉  
奕戲呈明叔公在入時非獨許罕鄭氏問我與

袖手挈巨鍾瞋目視<sub>張</sub>色徒為口舌語終作千古惑  
君本霄漢才歛翼向茲域禿鶯常見譏鷦鷯復相慝  
西山有神鳳聞之心屢惻苦口謂鷦鷯于汝豈相逼

喜姜君錫往過

君家篆江側秀屏當戶開知是神仙人胡為塵世來  
黃氛緇素車皂蓋昂朱埃以茲謝民役返耕白雲隈  
少小稽古昔中年得此階亦知慎官服柰與寸心違  
欲往昧前筭欲止遞成哀繫予丘壑士諦此良用駭  
因陳接浙義頗究蓬矢懷我固互相發君心耿難回  
丈夫志四海好念濟川才嗟彼長沮徒泛泛豈根荄



予治生乏理遘歲弗調積雨滂溢墻柵畢隕曦  
光不臨凜淖如故板杵未謝傾圯應手雖時  
澤使然而覽事增清懷抱彌惡間有微吟旨  
不稱律當楮長息而已乙夜與兒桌靜居歎  
子長之博遊傷仲宣之遐眺復占一章錄付  
存壁爰釋我憂匪直省玩

季夏百穀否園芳盡枯歇徒憶片雲生依稀逐風沒  
孟秋間復雨鬚凌若毫髮豈意八月內淋漓恣長發  
漫漫無少衰冥冥動彌月墻宇具傾頽繕治力屢伐  
萬室如坦途何嘗羞騫越謁勉峙棚箔隨時亦隨蹶

版鍾徒自勞爾汝分實闕撫情良用繁循已亦已竭  
重陰旻天閉積晦金氣汨禾稼咸傾摧百口歲焉卒  
遭運一何蹇值此大澎渤龍門不可望荆楚更寥泝  
杯酌亦久忘盈虧理應咄太息問真宰還還使心滑

寶穡堂二首

明農謝昌宦良覲羨予征敦義昔所重况此骨肉情  
嗣歲節物改朱陽喜聞晴感今歎伊昔發車臨廣庭  
所期德音邁永脩三徑盟

平生尚超曠結廬武亭川本非青雲姿竟作金閨愆  
托交三十載孤抱亦何淵邈觀古昔事彌想梁甫篇



感此發深省誓以俟餘年

與駱生談玄

陽中蘊陰精其質本柔脆孤脩旣可疵兼養義尤遠  
我昔讀陰符了焉有深契接歲逢馬君頗能窺涯際  
古書世罕知叅同亦玄閱獨羨平叔言真鼓狂瀾世  
汝欲謝塵氛吾當示其例

寬用昭用昭喪內子與同戚賦此寬之

悽悽意何極悠悠心獨傷共坐草堂下哀痛結中腸  
昔予罹茲戚困拂實相當命數誠有定遭值果誰殃  
歷思古人事足啓昧者行君今復如此我故遠相望

逝者聞莫返存者且相將幽冥一以隔含思徒自戕

同用昭自華州南郭往西谿

愛爾草堂靜驅車同討尋南郊更崎嶇春溪多綠陰  
蒲荇漸將徧松竹已成林感慨宿昔意相對靜塵心  
悠悠日西邁渚禽揚妙音即此興已極何必東山岑

夜發

首夏即煩熱客心欣夜涼美人隔鄉縣音想常見妨  
東發遂西征皓月正流光豈直覽眺適兼滋吟思長  
籃輿去如駛川陸鬱相望惠連有佳句往往播清芳  
顧此棠棣樂邈矣誰能方



洪川柳浦斜眺

烟塢翼層壑巖陰生暝色柳際斜陽來徘徊望安極  
披襟浥清風舉木值嘉息坐久山月升情景具相得  
稽康非養生謝安有高識歌嘯振空林歸驂苦催逼  
眷言期重來何必雲間翼

將往彭麓德充携酒餞之許西

初秋駕言邁眺彼終南山忽承草堂宴復作林中間  
盧女奏妙曲高人浮雲間尊酒再三舉戢戢已敦顏  
敦彼友于志欲發情復慳結盧倘成遂同汝弄潺湲

示王劉二君

我將入南山感君苦留酌對酒念昔人茲已半淪寔  
日仄歡乍深道遠身屢作君有林巒情共飲雲中酌

彭麓夜酌

露坐架棚箔鄰翁高興多轉觴話農事絕勝陳綺羅  
西村二三子携酒復相過忽忽至更盡悠悠柰樂何  
觀禾

我來彭麓下坐愛青山色雨過送新涼蒼巒望無極  
秋禾半欲成豈畏驕陽逼壠畝綠如屯原隰少螟螣  
同欣有年樂詎知伊誰力

中夜二首



中夜不能寐攬衣起徬徨出戶仰庭宇但見玄雲翔  
微寥下空闊天道難遽量浹旬陸成海百穀良已傷  
我滯滂川役念子鬱相望徘徊不能去慄慄述此章  
其二  
西風堂外來大雨還飄濛旅人憂思長感之亦悽愴  
滂水不殺湍積潦清波漲舉室若楚囚展轉意彌快  
賓客雖見臨笑語何能暢豈無尊俎陳慨然不成况

悼張之桀三首

粵予遠承訃遂來華山根哀痛徹五內欲哭聲還吞  
入門見丹旒慄慄何以言憐尔孝弟人氣結鬱難掀

淚下多如縷聞者咸憂煩中懼自開釋擲哀尋所存  
幸覩東與郭勉慰千萬友援理肆微論憂懷亦稍奔  
入室視吾女瑩瑩在山軒尚恐極痛斃救淚強為殮  
慰以後事遠首呼光孝孫逝者莫既返存者宜討論  
修短各有數陰騭在後昆努力慎飡食庶以延德門  
其二

吾甥蓋人傑篤孝死不渝結廬迨三載哀毀骨立枯  
平生膏粱子藜藿寧所舖雖有親故語乖戾非我圖  
畏客強蔬果獨居終遠酷凌晨詣墓側號泣五內劬  
三時謹陳饌每陳輒如屠鬼神且為痛况尔妻與孥



炎蒸鑠金石流汗被肌膚塵簑且  
不御詎肯游舞雩  
鬻發指欲墮恬然守蔽廬既以  
拒薑桂仍復遠洪爐  
積思損榮衛六氣遂銷輪沴極  
神乃去奄忽返虛無  
其三  
昔愛合歡布上繡雙鴛鴦裁為  
合歡被拂拭納君床  
豈意長別離令我涕以滂憂來  
神思迷恍惚若徃狂  
星言詣君宅胸臆如刺芒逝者  
去不返生者徒悲傷  
生男喜身手生女要柔祥不願  
千鍾粟願得好夫郎  
繫自結縞後聿為門楣光豈意  
忽丁此百憂結我腸  
衰境度情歇步履多見妨乃復  
冒風日匍匐赴汝喪

數定物莫改汝志世豈常天荒未  
為極收淚述此章

宿渭源里

歲序泊中夏予征當雨餘炎溽既  
不騁清風時惠如  
葉葉終南山潏潏豐鄠渠雲霞氣  
綿結佳樹蔭交舒  
斜日清翠明百志一何摠方啓泐  
懋想忽至田父居  
展慰出名酒下榻坐前除徘徊月  
東出欲罷復趨趨  
浩歌遲明發予乃蒞征車

郭廟答餞送諸公

芳春豈不惜駕言趨華山兒女事  
如此詎許聖老問  
感君遠相餞搦杯淚如潛雖有絲  
竹奏那能開苦顏



握手重猶豫，悵望綠草間。節物不相待，流年逝潺湲。  
欲行復中止，臨駕忽心摧。澣西花無數，予歸當漸開。  
君若有高興，予亦富新醅。或擢漳川波，或眺泝東臺。  
不取竟月醉，昔人安在哉。

靈寶縣北渡解州訓錢送諸君子

春遊過名里，覽眺窮幽暱。將邁苦匆促，振袂惟太息。  
執手河梁間，徘徊意安極。衰年多酒癡，綠興輒強食。  
節物乖素心，親故難屢值。因之趣解梁，不謂路只咫。  
佳辰造熙陽，良晤悲古昔。疾舟若轉焱，相望忽相失。

行至曲里見杏花

春中渡河陽，倏忽到曲里。滿村開杏花，參差亦堪喜。  
關吏自北來，云承呂夫子遣之。迎野翁，謹愿頗謙禮。  
述答俱有章，稽援或通理。感歎君子居，端能化凡鄙。  
隔歲慕良覲，不謂邇若此。芳春解人意，夾路疊紅紫。  
宿醒方苦人，畢覽興彌起。

登山

悠悠歷山麓，獵獵颭回風。籃輿上仍却，浚壑卑亦重。  
東矚指王屋，西眺揖崆峒。伊昔絆王役，俯仰愧孤衷。  
徒抱茂陵渴，未愜天姥逢。嗣歲念君子，駕言辭泝東。  
龜勉涉清渭，從容問高嵩。同懷旣終鮮，予遊無迭從。



凌巔忽三歎佳勝安有窮何當跨鶴去直上崑崙峯  
於條山絕頂下觀解梁

升嶠觀群岫烟雲互明滅直北看解梁但見池水列  
憶當弱冠時茲川已三閱其南望中條蒼翠萬重竭  
徒動登覽懷未遂討探契緊自敎函來不謂遽超絕  
河山傷魏谷欽明想堯烈昌代皇化隆遺風尚昭晰  
耕鑿古未渝勤儉今豈輟悠悠興永歎最茲在時哲

解梁書院四首

層峯拱堂宇蒼翠何嶮嶮盈盈青衿子絃誦夜不輟  
斯文今在茲感嘆懷往哲繫予值乖蹇望道日遼絕

衣冠羞壯遊踈懶愧先烈結交君子徒努力崇明德  
變故身屢輕涵養意恒切歲序不待人君子慎其節

其二

諸君青雲姿宿志各高尚奮迅良有期優游每中諒  
修禮慎逸居稽古却支宕得帥忻折衷遵道決趨向  
我來坐茲堂誦習惟覩創始信豪傑人履歷不虛妄  
科條從昔云謙恭見今讓文采雖所珍躬行以為上

其三

近世尚夸毗造詣實終鮮徒以言語微遂謂道昏顯  
推行跬步艱况此繼墳典狂瀾及明興愈覺伎粗淺



徒有析理名竟為粉飾免天錫涇野君特被人文選  
篤行遵誠明因時表舒卷吾道果不絕覲此脉如綫  
其四

猗猗青衿子勵志各有圖逸思凌天雲麗作驚九區  
或為廟廊器或為章句徒華要實乃畚枝榮幹還枯  
豈若剗雕琢迭作君子儒所需出所養而為世教扶  
莛穀諦嘉種種木審良株我詩揭堂左百爾慎所趨

贈寒泉中尉

澄瑩絕纖繁一泓瀉千里寒月搥輕波山光徹波底  
鱗不敢遊虬龍得倚捥轉眄清素心滄飲滌凡鄙

平生畏炎蒸見之輒中喜願言保真寂勿以塵氛浼  
贈灤江公十首

灤江公巡撫關陝三年矣政通而人和道貞  
而履固不隱謗不易行有仲尼在魯子產相  
鄭之風焉予自壬午春遇公於長安時予卧  
疾敝廬公特枉臨握手論心疊疊不倦雖丁  
陶孟韓何以過也後公訪予於潁西山房適  
北山楊宗文漢陂王敬夫東谷張用昭有言  
於予於是數人者同會公於武功行臺公咨  
詢之餘則賡倡連宵琦瑰之氣爾雅之作揆



之近覩或已鮮矣今年秋公擢南京卿戒行  
有日公以書別余昔予與公約公東歸當錢  
公華山之陰聞公行止信宿而予有子桌婚  
娶之事因成小詩十首先以寄公十三日桌  
事當畢即擬來日躍馬循驪山而東然後坐  
希夷之洞嚼河華之雄酌桑落之酒歌白雲  
之章與公傾倒數日則亦人生之至願也夷  
嘗讀公之文與詩有風雅之遺思而駟車復  
在於冬中於是取少陵北風隨爽氣南斗避  
文星為韻苟傳之將來斯亦當時之實錄爾

輜車戒晨發循此東南域握手立斯須徘徊意安極  
念子有幽思別言心如織昔為同生蘭今為特飛翼  
人生易悲樂良晤昔所恤黃塵暗清渭對殮安可食  
嗟嗟君子心遐眺在燕北

昔並少陵騎長眺望夷宮故都多景象近蹟迷徃雄  
感慨發孤詠宛若思悲翁粵惟霸上垓已昧天所窮  
自非大雅操詎識卑與崇浥泉漱寒碧酌醴揖群公  
志直意不忝巍然君子風

關輔比多事欽公能自綏養寇蓋徃昔弭亂豈今訛  
崇貨狎卑吏節貌忘遠規公來屏笑色事至任安危



素裹物莫免逸駕古所窺雖有麀裘謗倏動赤鳥悲  
所以丈夫行不與流俗隨

逍遙奮孤邁歲華愜淵想北眺崆峒津南矚孟諸塊  
麾塵靖疆場撫劔清罔象黔庶丁溢恩牧宰獲嘉賞  
中原久瘡痍西州獨豐稔感歎乖崖心詎俟益州榜  
夷誦南山章令人發森爽

道以無垢尊蹟超誠所貴皇皇廊廟姿世運實經緯  
翩翩翊鴻業皎皎分萬彙嗟自丁卯來海宇日騰沸  
群公徒憫艱虛恢果奚謂薄俗慕驩虞君子念龍蹟  
巍巍城邊畧足回萬夫氣

披叢憇軒下撫卷輒中慚笑我伎微薄無能續高駘  
緬思雄詠侈一發連數函咀嚼味逾雋詠歎誠所耽  
贈瑤似劉傳酬德悵盧參清風溢將遠鄙志揆豈堪  
那知邂逅際復送旌旆南

公歸止信宿予餞苦淹後耿耿徒憂傷役役定誰咎  
憶昔承明直相企亦已厚公念薄綺紉予質等蒲柳  
雖能慎初服終恐易衰朽樂遊觀五陵氣候稍非舊  
歎息君子陳宵興望南斗

徂歲始炎鬱岩洞與公萃趣若陶公琴興越滁守醉  
旁眺牛頭原橫坐竹林邃微風浹煩襟冲抱溫靈秘



偶聞林鳥鳴遽動舞雩喟公度比莘父予志豈荷蕢  
嘉章滿筥來欲和復中避  
悠悠長安道車騎紛如雲父老泣相謂童穉嚴欲吞  
借問道傍士述答甚慙慙三秦失慈母黔首懷使君  
扳留意彌切昊天安肯聞徘徊玩此語感慨異前云  
不覩澤門誦焉契章甫文  
予懷繫莫即公訓安可聆矢詩雖不多聊以宣德馨  
高駕既難挽孤忠益屏營北風嗣玄序節物改仙真  
追送理應及鬱陶浩豈平華山有崎嶇髮髯出青冥  
煩公待予至同訪少微星

秋夜宴符園十四首

有序

符上玉宅後有園方二三畝中有亭左右設花竹  
竹木不可勝紀予獨愛纏松數十叢生柏次遠  
寒菊每欲效太白桃李園之遊不可得也丙辰之  
秋予與榆次金可卿携壺訪焉則上玉先已滑我  
酒三行河章出而靈籟閒天宇澄而月明上爽思  
逼人清興交心因謂可卿曰於戲速去者歲月速  
朽者人生佳辰不再美景弗常昔人秉燭夜遊良  
以此也今日之會時遇景遇趣遇人遇舍而不樂  
歲月其除於是脫巾放懷投壺賦詩不知桃李園之



樂如是否也可卿曰來子美不云明年此會知誰  
健醉把茱萸仔細看明年予當東歸故鄉尚安能  
與諸君相從於此此可謂明年此會知誰在也予  
曰何不遂以是為韻各賦之二子踴躍拊掌曰遠  
哉君之思也操筆點紙一麾而既予先之可卿上  
玉繼之相與徧觀則二子皆豪吟鉅作也說而樂  
樂而狂既而又曰若事必令遠傳把筆來可卿記  
之予當序始末也各留上玉許他日或有考焉則  
予言足以覆瓿而已予固不以嫌也

零露下天宇而無塵垢嬰今夕何夕列宴會友生

衷情既舒散美酒芳且清相對不相樂應負秋月明  
其一

浮海豈誠邁彈冠良有緣猗彼高尚士懷抱若秋淵  
澄徹物不逸流行日涓涓所好適如此狂歌慚少年  
其三

夸父不知耻謬談自稱是日月不可留况乃追逐死  
賓客集庭除無酒還須涕請看來年秋兩地還憶此  
其四

南山有長松北山有蒼檜丈夫處人世所貴得其大  
今夕胡不樂荏苒歲將艾微吟雖不長聊嗣蘭亭會



其五

流水去不返，萬里分千支。蟋蟀在我床，感此歲莫悲。  
明蟾既燦爛，秋花復陸離。與子共斟酌，此歡誰更知。

其六

鷓鴣不舉翮，誰能識雄雌。志士伏溝壑，反為市井嗤。  
君子有遊好，細人安可知。相聚不相樂，日月當私誰。

其七

折英饌雕胡，馮高望秋塞。澄月照醜盤，清風發沆瀣。  
佳會不可常，客心多感慨。明年此夜月，爭照阿誰在。

其八

桃李耀春輝，松柏含晚翠。覽物動幽思，撫景起長喟。  
浩歌滌中懷，涼風爽清寐。慙慙擊玉壺，會遣主賓醉。

其九

李杜旣云歿，何以問大雅。我生適其時，諸君具瀟灑。  
遊偃清渭濱，樓遲太白下。所希思久要，豈惜杯重把。

其十

逸興久逾劇，幽情渙且紆。感爾兩君詠，遺我雙明珠。  
交道古所篤，別離但斯須。珍重戒嗣歲，尚宜懷折筮。

其十一

叢菊燦踈薄，凋梧下轆轤。冉冉微烟生，霏霏香霧舒。



秋園萃賓友盛會藹碩儒霜尊映孤月徘徊弄新更  
其十二

舞雩美曾皙商於欽綺里真義敦薄俗至情物難徒  
嗟彼由與求區區詎知此亮節苟毋懈日用亦堪仔  
其十三

同俗滋我憂崇德感君惠徂齡難復來君子慎所詣  
高宴良可歡嘉言理應契嗟彼履霜戒豈不在微細  
其十四

酒盡月明下袂怯霜露寒朗吟已激岩閒步復踟蹰  
眷言同懷者倏忽成永嘆後期苟不失勉哉為世看

康對山先生集卷之七

五言古詩

飲酒二首

獨居意靡暢行吟心更傷晨發望原際佳氣鬱相望  
恨無同懷人躍馬陟嶽岡徘徊日忽暮感嘆琴屢張  
山妻出美酒斟酌為君嘗三觴起孤抱百憂忽若忘  
丈夫生世間磊落斯所臧何須久鬱鬱自如陌上桑

其二

猗猗陌上桑托根在沃野蕃枝接崇崖布葉蔭溽夏  
雖無摩雲姿亦可駐車馬婆娑衢道側凝望頗瀟灑



秋來樵採頰踈枝不盈把自擬經春和發榮且修雅  
斬伐及根株萌芽亦已寡君子慎心意紛紛為誰者

東原晚歸

斜陽下平林予駕及巘嶂落花夾路飛蒼流復蕩漾  
孤往多曠情逖覽起高唱入城生暝色登堂尚微亮  
兒童喜我歸道遙壽家釀

卷翠樓聽歌

積翠翼雄塤微風入小樓嘉賓具來止侍兒復能謳  
開窓軋瑤瑟逸梁遞鶯喉既愜莫春賞仍遂梓里求  
調絕聽自異聲希人詎忤何必廣陵散始知盧莫愁

答德充

吾弟江海士夷居多素心潛形稽徃牒操翰播瓊音  
結廬武亭北四圍花柳深坐嘯百念寂世慮安可侵  
老我日相過細歌梁甫吟

臨潼逢孟舉人

遇客臨潼道云是望之姪文采已驚人談論多古昔  
握手不能去斜陽空竚立

長安病瘍荅郭侍御

長安苦蒸熱客遊多倦心攝養一違理乖沴隨見侵  
雖喜藥物具尚多憂否尋慙慙感君意抱苦徒悲吟



明發定西邁唯君遺德音

白石樓

我聞白石樓乃在太行下丹梯凌紫霄朱堯接巖罅  
盤鬱橫汾曲崔巍紫金文斜煙蕩洄瀟朝暉耀磨厓  
兩溪互縈帶千峯隨晦冥嶂屏萬翠列花柳四時明  
平生喜遊眺詎可如孫登春中過函谷遂有渤澥行  
徒懷南莊老安能愜初盟人事苦促迫三日滯虞卿  
雖有泛舟趣却無曾點狂回想王官谷新詩滿素墻  
不識仲南姓徒懷詩思長便思與握手於時共徜徉  
同遊誦其名知是南莊子故家有若人私為李公喜

翱翔翰墨場倏忽逾四紀不謂英俊姿尚在秦晉里  
何當登此樓醉汝賢橋梓三嘆發朝邑彌月興猶起  
感君寄書至展轉愛君才欲見不可得空望白雲隈  
吾有雙黃鶴飛自天來因逢王子晉借之遊蓬萊  
一去竟千載寥寥猶未迴迴時坐鶴背挈子臨高臺  
先過崑崙頂後矚弱水匯徐訪紫華君持其雙玉藍  
吾意竟不歇君心幸勿改寄君白石吟惟君為予待

送呂幼通入京師

幼通終喪北上以乃伯兄九川子之義訪予  
潞西別業器重識遠予切愛之方今之士所



貴在識而所難在器識則往無遺履器則守  
不易操此二者雖伊說且與未可後也予昔  
占位籍嘗以此睹望當世君子矣顧每有遺  
恨未嘗不嘆古道之罕臻而士行之不遂也  
是日中秋已邁光魄尚圓因與坐邊月升傍  
午而罷情極興飛忽思賦此詞調雖貶感慨  
具焉所異幻通益重且遠以為吾關中之光  
而巳夫識本於學才力諸量又吾幼通之所  
宜念也

明月何皎皎團圓照中堂感君遠相過影影共壺觴

對酌忽亭午此意難遽忘贈君太山什投君雙玉珩  
豈但結情好還欲振微行盛年不常駐嘉木不重榮  
節物互推易奄忽成老蒼予齒日以邁君途日以長  
握手對明月心爽神飛揚願君慎明德慰我以休光

飲酒

枯陽歷春夏萬木具摧折禾稼不成植疑是雷雨竭  
黎庶悉奔走忍作故鄉別爺孃鎖空房妻子中道絕  
哭聲動九天僵仆滿前轍官吏約束衰處處憂草竊  
斗粟多見奪憑陵况閑閱七月得時雨誼和萬口悅  
匍匐耘晚田寧知畏炎熱方誇底事佳遽信浚澤輟



迤及八月初天聽忽畢徹霖霖既雨騰天喬各挺節  
乘潤播來年舉世相拮据生意雖可觀尚恐恒陽譎  
九月始滂沛劃與煩憂訣道路問訟聲問閭回氣色  
把酒坐華門野叟共行列自謂轉溝壑寧知有鋪餽  
大酌脩三斗野歌亦再闕食哉古帝欽稼穡哲后說  
保茲竢災珍有位慎貪殮

整藉

三年困人事何曾理書帙鳥鼠白晝遊入門忽首疾  
架閣具傾覆點檢切中怵凌晨起灑掃整頓條終日  
種類既品題編簡復齊一不但几案清幸靡萬一宏

焚香坐望餘儼然成靜室平生風雅情殊以乖蹇室  
追惟感歎生端坐還羞懼何如谿上翁翩翩獨閒逸

正月二日謁唐山塔

逖德行千祀恢猷歷無疆世抱既觸紫嗣履益貞昌  
歲序倏已改皇運正隆康結茅遠城市眺景陟嶽岡  
微吟苟云可博賞寧見妨野鳥赴幽壑歸馬履夷莊  
固陋分茲逐齷齪愧高翔心靜百物冗事邁一瞬長  
冲澹苟成性玼珣隨彼狂兄弟喜咸至祖考儼如望  
昭族豈高爵緒業視攸行繫虞倘未別亮徃安可傷  
謁長寧先塋和德克



陟言詣東麓俛首念先流驅車各組麗蒙佑獨光休  
本物仗神祖循派緣彼周耀未有前烈照丹無後侔  
春陽何葱鬱同爾為遠儺世情薄敦穆古道獨清修  
努力期令德瑰迹賴長籌

植樹

此日春氣和萬木具含秀况我山林居園列頗成就  
客自整屋來驅車扣圭竇白楊二百株緋纚載其後  
根繁生意多幹潤理宜茂倩人遠植之行列未差謬  
雖愜靜者心尚祈后土祐澆灌分所勤盤踞晚應覲  
結廬謝王役懷恩負時謬糊口聊秉耕舒形得佳岫

即非松菊場已還榆柳舊但資歌嘯心絕勝笙等奏  
望拜掃者效宣城

驅車出南郊極目瑩兆滿楮錢相間飛哭聲天際斷  
重淵白日迷笑言難更返生者徒悲心安知亡者怛

同諸公過潁西

春陽婉以和佳遊得名里柳絲嫋嫋柔重山夾明水  
嘯歌夜未休况與衆君子芳園百卉熙弟子繁音起  
感歎少年場坐令佳興已行年同逝波心事比苦李  
徒使觀者憂安知居者喜來日苟不多行樂自今始

九日潁西集



弭駕得茲曲徵聲永良宴賞心眺高陸馳情撫吟卷  
會以天親集酌以懽悰徧俱希具醉歸不惜明蟾現  
澣西贈別明叔三首

三月詣茲曲八月今始復結轡送君歸投壺泛醪醕  
風清懷抱優暑退涼氣淑我歌苦不長聊以詠幽獨  
荒徑殘草多空堂蛛網覆豈無灑掃資紛糾在塵俗

其二

時日得君來開豁極心目夜坐對明月清談倒筐腹  
方儼千日歡詎忍後期促餞于卓午天徘徊日西沒  
眷戀勿復言去去保餘馥

其三

詩人古不易流靡及茲俗片言務剽竊侃侃遂驕足  
還耕十三載安能愜吾欲覽子中秋篇翩然接華轂  
大雅當在茲斯文有歸宿麗藻雖可珍雄渾久未復  
願言泝其源開彼漢魏毒

步過澣西與諸弟宴

夕客亟歸思還山餘斜陽却訪遲明發徒步過南莊  
林木旣葱蒨花卉復芬芳天親具來止高宴列中堂  
悠悠動絲竹秩秩捧瑤觴風和萬物暢旨酒如可嘗  
東海有仙丘可聞不可望但願及時日骨肉自相將



吟水向清冷弄月下榆桑一醉杳然卧始知行樂長  
許西遊覽

堂厦具傾圮我來心惘然園木亂蒼霧澗花紛開妍  
掃徑坐庭下感昔意彌煎童僕鮮工力修滌竟誰先  
把酒獨成醉因之歌此篇

與孟獨承之飲世爵堂

佳氣翊良會秩秩欽禮成絲竹動四座妖豔集重楹  
舉觴對明月雙壘為君傾諸君英邁士逸曠負高情  
落拓辭世役遠慕壺丘名今日忽相遇誼如瑾與瓊  
相遇不相樂年歲汨以征醉者且莫去歌者請重賡

試舉一杯酒詎能陪質卿

再宴世爵堂

服食鍊金鈞效遠難遽成夾輔謚皇運時命或相停  
因揖謝人世閑戶理園榮苟遂偃息願詎勝逸豫情  
芳春列萬寶淑陽啓朱明諸君惠然至今予感慨生  
雖微蒲城美桑落常滿罌斟酌盡消滴嘯歌西日傾  
逝水無返期壯夫慙令名但願樂相樂九鼎咸所輕

對山草堂宴張太微胡蒙溪徐洞仙諸君子

好花不重榮嘉節已瀕夏但能恒對花何計冗與暇  
美酒鬱金香麗曲杜常娘投汝雙車轄飲我三足觥



醉舞臨芳樹，白日徘徊莫不珍。金谷吟特羨南山步，  
雲霞映碧池，疑是武陵谿。掀髯一長嘯，花外亂鶯啼。  
泝東眺望

層崖若長函，靈異特中秘。迴合上泝岐，噴薄下臨渭。  
泝沃草木榮，氣滋苔蘚翠。蒼煙縈紫房，白鷺眠芳遂。  
木杪見南山，翠嶺若天墜。時復生白雲，觀之使心忤。  
山居三十年，筋力半銷瘁。徒羨古人遊，孰契來日事。  
所以慕良覲，冀欲畢微志。後會如可諧，謂續城南記。

登菴翠樓眺望川原

我登菴翠樓，川原鬱迴合。方喜風霧開，倏見煙雲匝。

直東看黃山，三秦如堵圍。興亡理堪惜，念之凋朱顏。  
同把一尊酒，勸君為君壽。莫負當春遊，人生若芻狗。  
經漆村覽有郃古蹟

我聞昔人言，此即漢漆縣。其東故有郃，草木殊葱蒨。  
終南當面朝，清渭過如練。直北倚黃山，逶迤控周甸。  
前望松檜場，知是何王殿。王蹟日以微，氣色或隱見。  
西南慶善宮，鬱當漆村面。勝地遷變多，往躅審彌眩。  
繫自虞夏來，百祥具茲奠。地靈昔所庇，諦此竊中羨。  
渭河泛舟

及渭日將午，遙見終南峯。挂帆若流電，颯颯聞風松。



別茲已三載逸思如酒釀倘遇山中人願言襲高蹤  
宴彭麓山房

南原雙白楊直上數千尺彷彿齊彭山不為后土搯  
山房當其陰瀟灑殊曩昔置酒勸君飲慷慨盡三石  
歲月不肯留人生豈常適試問華岡子誰見王維宅

同蒙溪眺仙遊潭

我愛此潭水澄徹涵灑靈往在正德莫始與楊子經  
于時雨初霽如列蒼翠屏旣偕隱逸侶復有絲竹聆  
或坐潭心石或滄漭上冷白雲半崖出竒觀空八溟  
野叟投濁醪何嘗杯少停一聽激湍響身醉意靡醒

至今在心意矢將營小亭今辰同子來芳思浩難局  
共眺發孤詠嗟彼塔陰銘

丁亥春與王孟桑三君子同德克宴集

夜坐秉燭飲逍遙如阮公我本江海客憐子有長風  
醉後卧聽曲逸興浩無窮明發我西邁何時還見同

贈唐明府二首

悠悠子行邁惻惻勞我思敦義稽古昔從容辱微辭  
四境已絃誦度彙何歲蕤非君揭高義顧予豈鍾期  
咲言忽五禩睽別長此基握手暫言駐君子慎其儀



客行謹程限握手滋繁憂相對不覺午語盡意難周  
徒勤方寸懷安能久遲留君才過諸謝巖廊須見收  
良驥不留景至珍當別酬好為報明主令世識大猷

雷雨

雷雨一何厲達旦響未息屋漏注如淙階除忽淪匿  
三伏膏澤稀赤日苦我穡方抱丘壑憂遽辱天地力  
大田具沾足枝樛咸挺直喜極登高望猷畝相匝逼  
既覩大勢成且無蝗蝻蝕歸來酌酒歌遠近動喜色  
却憶去年事悠悠感胸臆

十月十日

此日是兒生今年兒已死往特具酒筵歡慶羨閭里  
素帷當中庭淒風蕩旌軹我淚倏若推兒音恍在耳  
彷彿六旬人何意復丁此莊生逍遙篇亦具死生理  
哀哉橋梓心千古詎能毀含痛卧茅茨不知晝移晷  
五月二十二日桌死踰旬僮子以其所為詩三  
卷及雜集回文稿呈覽悲悼之餘令之繕寫  
成帙用寄羨陂先生為桌較定將圖入梓漫  
成二詩以寫予懷

生兒望長成兒長吾已老自謂百事足詎知天橫早  
兒童搜故書頗獲見遺稿文思顧歲幾曲折未探討



豈羨長吉名仍並酈炎好造物忌瓌竒成性返靈灑  
一讀既一悲千讀則千悞倘假十年齡尚齊聖哲造  
玄理杳莫測吾欲問穹昊

其二

兒氣甚宏達少有丈夫容博識物豈眩逸思若風從  
俯仰鮮中詘奮迅有孤蹤苟能假天命鬱為今詞宗  
顧我忝明德神理奪所鍾英物且凋喪况云痴與庸  
豈無子夏戚尚虞用昭凶緒餘今似君煩將附秦雍  
寄胡承之

我持桑落酒逢君黃山傍黃山有任氣東逐海雲翔

抱竒不可售不如縱壺觴窮通細天事安可嘗

行年

行年五十五百憂咸見臨堯舜負盛德子孫誰在今  
縱酒謝時輩要知君子心人生行樂爾何得使愁侵

寄太微

太微神仙人佳思逐雲上揮洒乾坤珍飄飄出塵鞅  
遊宦建章宮才名藉方仰萋菲及南山閉門却交往  
我東遊華峯每過時臨訪塵塵話羲皇拂劍悲魍魎  
或詣少微原歌嘯歷蒼莽倚坐看雲生策杖聽泉響  
遐矚遠不隔幽抱近彌想新霽起微涼何不謝紛攘



示孫逸人

音遇王子喬謂君有仙骨遨遊三島中萬里一超忽  
朝餐石門霞莫吸海陵月朱顏滄瑤輝長樂安可歇  
天上降玄鶴白日昇玉闕懶答麻姑書况肯事干謁  
我雖不適意逢君欲飛越

再浴郾塘

凌晨復臨泉浹旦滌豈息玄靈理難測爽邃屢堪即  
仙源自鳴濛那許后土蝕蕩漾含炎精滴洄印天色  
游泳愜性情修飾鮮工力尚計輸夏租稍具十夫食

和六甥石室納涼二首

乘鶴遊弱水媿予乏仙骨策杖凌崑崙却恐中道蹶  
夜夢九華君邀予至貝闕于非塵鞅徒有志胡不竭  
日抱炎蒸憂歲月去如突大還可服食聞子已綜核  
果能愜素心長往孰能闕覺來遊西巖洞室亦清越  
方切恚幽獨得君玩新月

其二

老境百慮息所好在山林况此洞室閔塵氛安可侵  
開簾見芳碧迤邐聞鳴禽因之感宿好笑歌梁甫吟  
丈夫志四海何人識此心所以夷與惠曠世懷高襟  
日夕涼風發逸興拂西岑沽酒共斟酌慚無絲竹音



掃石卧煙霧聽子廣陵琴

石室漫興示六甥

鍊藥坐巖下蟬鳴已驚秋鄭公倡神洵後世焉能儔  
我昔逢方平授訣至三洲始笑鄙俗事期君恣冥搜  
長嘯還五嶽落落那可求

巖坂小酌

宿志愛山水竭來尋澗源旭日照蒼翠恍惚遊石門  
激濤齧怒石終日聞雷誼策杖坐巖坂芳草鬱且蕃  
長嘯震天宇小酌興彌煩醉憇聽樵唱悠悠不可言

贈羅員外

子從京國來坐我白雲舍手出華嶽篇而殊有蘊  
展讀三四過清新如鮑謝磊落數語間知君胸次大  
呼僮饌雕胡粢落蒲卮瀉握手笑謂君我非武陵人  
但許樂相樂富貴如浮雲今日醉我酒明日送君去  
後會若可期但覓白榆樹

贈任主事少海

山居二十年未嘗見賓客秋莫邂逅君文彩甚彪赫  
因讀治安書頗有古人畫西遊遇中道探囊出素冊  
瓊瑰射人目殊會杳今昔再拜覩瑤章炳燦照光宅  
歎君英妙時沐此滂沛澤宛如聞都俞依稀見金石



握手私謂君丈夫志已獲尚宜踐所陳與世為表格  
尹之先畫竹

虛堂挂翠筠玉濤滿壁起知君徹骨清志意特欣此  
興劇須我題予好亦若爾回視桃李姿穠芳胡足齒  
長安別熊侍御子脩

我東遊華山逢子長安陌喜見楊柳青共坐寒芳碧  
桑落出名家斟酌香今昔道合幾難情親欲千石  
夕煙生遠林前旌指豐壁握手難久留知君有佳適  
明年報

八子再赴仙掌席

送尹貞外之先

昔逢華陽君云為五帝使檢錄下九州為予泄玄秘  
指點峨嵋傍謂有仙人氣仙人尹之先卓犖萬夫賢  
吐氣成五色為世鼓朱絃絕調人莫知徒見春江篇  
予亦遁世者聞之心灑然恨不遂一見相與定艸玄  
天風自楚下吹落岐周前相見即相信今昔誠罕焉  
款洽苦不久俄赴

天子宣餞酒華門下逸興浩難傳

夢中麓子

積雨晦臯陸我車不可前徘徊望北墅迤邐橫雲煙



退坐草堂下籬菊燦且妍節物忽將改引杯吟太玄  
微醉體亦倦夢謁九華天仙人中麓子揖予出素編  
云是廣成撰孰能叩真筌憶昔魏伯陽謂我骨當仙  
苦逐世人好落魄武亭川緣業殆將滿數命或有然  
始思飲刀圭却老覓長年語既執我手歡笑極周旋  
振袖出兩藥光如朝日鮮迤彼松下露同吞各一圓  
五內倏清爽神采非昔焉我居太白下君廬太山巔  
采芝拾瑤草食玉茹并蓮欲會但瞬息跨鶴何翩翩  
赤松作參伍玉女侍儿筵翛然萬物表世網安可牽

聞涇野先生轉祭酒

皇明第八葉篤生堯舜君恭默啓元化臣鄰若龍雲  
辟雍宋季後寥寥無所聞帝監獨旁徹乃及涇野濱  
彝倫煥朝日奎壁懸至文作人貴身率舉世徒紛紜  
蘇湖悉口耳安得望高芬得報喜如躍此官惟爾真  
遥遥千載後重聞歌放勳



針  
山  
樂



康對山先生集卷之十二

五言律詩

送熊彥卿使大同

車馬赴雲中，旌旗颭朔風。  
沙來宣府白，山過易州雄。  
右轄虛喉舌，東廳有異同。  
歸來如有奏，不待納言封。

效賦觀妓

燭影襟檀炆，人歡玳瑁筵。  
蛾眉羞寶黛，香頰稱金鈿。  
舞按梁州曲，歌依越國絃。  
十年滯王役，含愧彩雲邊。

三月十日書懷

歸來方兩月，多病日深居。  
詎可登原麓，聊能問室廬。





知交非舊約冠帶異新除  
慷慨漸崔湜常時醉里問  
送人從軍

陰雨暗山城長亭有客行  
好花隨處發劣馬逐群鳴  
世愛文章士人輕俠少名  
莫須誇劍術西北久無征  
六月三日聞 大行皇帝訃二首

楓陛初辭日威儀萬國瞻  
幾時違暇豫遽爾棄間閭  
天道雖憎秦皇心實履謙  
山陵知不遠東望淚沾沾

其二

遺詔頒何亟摧號萬國哀  
意勤章甫士春滿鳳凰臺  
表妖氛絕三天龍馭回深  
仁超古昔儲座有惟才

三原道中望秦世觀莊

霏霏雨沾蓋望望暮臨河  
村落行將徧牛羊下已多  
素雲低漢樹彩鷁泛涇波  
却憶秦師道前年送我過  
沔池逢友人

歲序催華髮相逢欲愴然  
故人俱得意吾子尚窮年  
靜夜傳杯淺山城見臘先  
平生輕世者切莫歎迤邐  
孟津樓子看河

畫棟接雲霄危樓依浪遙  
朔風千里黯殘雪幾時消  
戎馬停邊檄憂勤極聖朝  
向來過渡處朋輩漸蕭條  
鄴城逢敬夫



梓里君歸去，相逢羨此行。睽違將四月，談笑欲三更。  
沾酒銅臺市，長歌漳水城。莫辭今夜醉，辜負月華明。  
趙州道中見任敬之  
玉勒紫驂，騶青衫，孤白裘。遠從長坂過，喜見朔雲收。  
勝地瞻玄度，明時遂壯游。期君同一醉，含笑拭吳鉤。  
藥城逆旅  
野寺春雲合，遙岑雨欲翻。泉飛高拂樹，石古遠依村。  
牧笛歸猶響，蛙聲夜更喧。世無常范久，此意向誰論。  
涿郡早發  
星燦屋鷄鳴，衝風出曉城。霜華林外見，曙色馬頭生。

整

家國三千里，王畿十五程。楓宸明日見，無限泰陵情。

良鄉望

闕

樓閣倚雲霄，河山萬國朝。百靈扶寶曆，九葉仰神堯。  
侍從皆夔契，鈞衡陋管蕭。太平原有象，吾欲被簫韶。  
勸段王二子飲酒

把酒對君飲，深杯君莫辭。人生雙過鳥，世事一遊絲。  
蕭相今無宅，藥公謾有祠。欲將沉醉意，日日與君期。  
贈王水部

一別忽三載，風流似爾稀。書同王逸少，句擬謝元暉。  
亭院微雲散，簾籠皓月輝。何當拔逸興，相和杳志歸。



九日

去歲當茲日佳人玳瑁筵織歌傳玉竿幽調襍冰絃  
故國秋聲裡窮愁曉色前近聞饑饉事西望獨漣漣

送別

秋深君欲去相別憶年時濁酒臨星墅清歌近露池  
英雄雙鬢改憔悴一心知珍重相如賦休為楚客悲

雨中簡王獻可

雨過西樓晚風來小院幽懷人空萬里撫景欲三秋  
戎馬疆圉急租庸闐闐愁卧聞新詔寵真可答民憂

六月五日乘雨出許西因邀用之觀山

雨中懷隱地郭外看青山但覺峰巒好因慚沮溺閒  
烟川帶雄壘翠篠覆柴關為報揚夫子長歌共爾還

課耕

雨足禾苗秀秋場行可盈綠雲隨處合蒼穗望中成  
稗子過傳盃山妻漫煮菁何須向幽壑方是古先生

立冬

詔許還鄉里翩然羸遠思况逢○立○冬○日○是○我○服○耕○期○  
望氣風雲好占年稼穡宜便教○輸○醉○飽○遶○莫○似○前○時○

飲酒

自從歸隱後日日有佳期白閣看雲坐清尊邀客持

字、移、為、後  
尤、篤、味、見、生  
藝、者、深



已拚醒還醉那論醇與醜呼童語隣叟更向柳西陵  
寄德克

許國心恒在含息意獨哀空叨金殿賞無補玉關顏  
入骨慙知已終天負絕才都将香漢志聊以寄尊壘

懷李獻吉二首

獨坐看山色長歌上夕臺秋空鴻鴈過露冷菊花開  
汴水情人去茅山道士來明年遊五嶽爾共御杯

其二

不作雲車吏甘從漳汭遊看花開曲檻近水狎浮鷗  
南國嚴夫子青門召隱侯棲身先有計長醉復何求

法老而脫

見霜

肅氣傳時令玄風來華門霜花一夜下木葉萬山翻  
莫恠凋傷亟還應節序存誰將冰雪志持以報君恩

中夜獨坐有懷王大敬夫四首

中夜懷人遠蕭條獨爾思讜言能悟主長計是憂時  
水國音書滯關河鴻鴈遲朔風樹雲意詎得使君知

其二

日暮西城下同君意亦悲何曾憂鼎鑊只欲計安危  
蹇碩雖遭醢洪恭尚未夷四方兵火急誰可在戡綏

其三



默默思先帝英明絕代無志惟驅虎豹心不計燒燔  
李廣居難托屠公去亦紆何當祛穢自先奔照乘珠  
其四

漢中連楚蜀處處逐紅巾主將俱文士先鋒只武人  
淺謀延鑛賊多馘盡山民辛苦輸糧子囂囂萬里塵

有懷楊三北山

北山有逸興別送三秋漫對艸堂月閒群沙渚鷗  
千峰黃葉下萬壑積雲流讀易聞餘暇何時放雪舟

喜聞何大粹夫抗疏論事因感述鄙懷

國步安危日群僚暇豫初忠臣能抗疏聖主亦停車

少 以長連句絕

夜宴觀妓

拍頤摧餘孽淒涼感謫居泰陵思未報念此獨躊躇  
歌舞舊名家新聲為客誇亭中初縱酒座上欲烘霞  
翡翠雙珠綴芙蓉七寶花歸時春月小含笑拂巾紗

將入城訪呂子

策馬赴孤城奔濤入瀨清夕陽雙樹豁佳氣半山橫  
晚市慚供給新醪足款迎未瞻王子烏已勝鮑君情

和呂子韓店道中之作

芳林黃鳥碎歸路柳風長並轡過村寺經春聞妙香  
宵歌猶在耳晝別歌難忘願醉長寧驛同君賦海棠



孟夏十六日符上王吳慎之朱君樹三君子見  
過因置酒坐亭上

亭上逢君晚花間憶昔遊粉香凝綺席歌吹入山樓  
事往浮雲盡年過赴景收歡歌同此夕不羨習池秋  
晚坐有懷王大敬夫

暝雲千里合夜色滿長簷微雨斜還密寒風乍復尖  
秋花沾水濕夜鼓入更厭獨坐悲王粲荆州未可淹  
有懷胡嘉定季思二首

不見胡生久清秋獨爾思幾年遷別駕何日上經帷  
添合題詩館花深洗硯池相携應有數不止慰吾私

其二

世路淒涼久嗟予已暮年干戈齊魯急鉦鼓薊并懸  
逖德無三益容身幸一廛知君搏勁翮飛動九秋天  
逢楊咸陽云過鄆曾見王敬夫已至

求友及物

美人聞已至傳報尚依違忽聽咸陽語真為梓里歸  
行藏關世運歡笑溢庭闈與爾如連翼雲霄誰獨飛  
將至岐山逢田父指楊子別業所在喜而有作  
望裏揚雲宅相過及素秋問奇予不謬抱玉爾何求  
山似輞川小花於金谷稠濁醪良夜永不必計更籌  
揚子席上



十載賓朋盡影零，獨有君酣歌。惟我意解綬，更誰群  
第與園黃接名，因雅頌聞幽林。松桂發，莫負北山文。  
自岐山還至扶風十里亭，子為顯庸所邀。

升車辭故好，結幔望鄉關。復值中林飲，其如歸路艱。  
黃金鎖白髮，綠綬損朱顏。自有長生訣，何勞問九山。  
夜夢王大敬夫

五年無復見，今夕夢中親。總論文章士，那知萋菲身。  
山林吾已熟，風月尔何親。不是偕耕者，誰憐抱玉人。  
再和東岡子席上二首

空堂相對夜已可，慙幽尋漫興千卮酒。雄談萬古心

朔雲簾外白，寒漏月中深。却笑東山子，影影無此襟。  
京國相逢日，世君抱逸姿。姦諛雖齒切，神鬼却心知。  
露柳扶枝早，寒花出葉遲。馮君修健翮，早上鳳凰池。  
送謝以中

才子出皇州，青春恣壯遊。一經承闕閱，萬里見驂騑。  
水冷蒹葭浦，天寒鵙鵲樓。獨憐雙雁影，含思入湖秋。  
慎之宅同諸公集

不到羅含宅，今開濁酒卮。醉忘風露下，坐待月華移。  
花朶明春檻，山光接晝楣。何須訪幽壑，已可足襟期。  
詠松



千年成勁節萬壑抱幽情  
偃蹇傲霜雪崢嶸隨晦明  
欣留雙鶴影怒作九濤聲  
苑李隨春艷何能及尔清  
同慎之季醇及德清弟過故人陳三宅集率爾感懷二首

自笑山翁僻携琴到處遊  
徵朋及夜飲選妓發新謳  
列饌無佳味還耕有令謀  
共君不盡醉何處是汾州

其二

愛客涕新醅狂歌醉益開  
星河低綺戶綉堯發春臺  
二仲同清暇雙娥博笑杯  
桃花不相待明日許重來

雪中二首

生愛此軒寂天風巧送寒  
圍爐憐稚子漉酒笑儒冠  
慷慨終成幻影零若可安  
丈夫輕九鼎詎肯繫微官

其二

昔往真兒戲今歸勝蚓蟠  
一生尊酒足千古寸心難  
著水冰花細當階雲氣漫  
新詩諸弟在博得老夫歡

除夕

承平久矣

三十此時盡四句明日來  
行藏惟自保心事待誰開  
望海鯨鯢滅瞻天星斗迴  
丈夫有奇骨不可賤蒿萊

送牛允升訓導黔江

幽居無客到念尔莫何之  
長鋏果無效高才誰更知



黔江巴子國劍閣五丁祠未可辭漂泊窮通自有時  
寄朱升之

朱君南國彥清節近人稀欲作韓公事翻來賈豎譏  
新詩窮自好公道晚應歸何日長沙去明時莫拂衣  
送何子奇

邂逅長安後於今十六年風流常在念書札動難傳  
往事浮雲盡行年逝景遷相逢君欲去無那莫春天  
仁夫至得升之書率然興懷二首

雨中聞客至云是沈西津兩月空聞信三秋倏有神  
門銷酷暑下榻為高人頗釀長罌酒當令共入唇

其二

維揚書札至展玩慰吾思為別既如此於人誰不悲  
文章還自誤邪正有天知解紋尋高尙何勞泣路歧  
贈少華隱者

宿性喜丘壑覽藉感前賢况當少華嶽復值清秋天  
孤松向雲直歸翼入林便微君有佳思誰能閒盛年  
晴

十月猶飛雨淒淒久未休浮雲依岫急野水抱村流  
照檻明殘菊當軒豁醉眸逢人問場藿何可更淹留  
聞箏



寶靨西隣女鳴箏傍玉臺秋風孤鶴唳落日百泉洄  
座客皆驚引行雲欲下來不知絃上曲清切為誰哀  
此夜

此夜西堂靜哀吟燭半明間關懷令弟迢遞入山城  
守為奸諛出名因坦率傾百年超忽是何似亟還耕

東渠

聞說東渠水魚龍伏上流但看推白浪長使沒滄洲  
豈有風雲意應為偃蹇遊早知慚尺蠖何必嘆高秋

八月十二日夜見月

萬里秋雲淨遙瞻玉魄懸常時憂宿雨此夜見長天

近席光逾白當空影未圓明宵應更好誰賦峽江篇

十四夜奉長洲公翫月懷德克

開尊臨皓月選伎發清歌午夜豈足盡百杯仍未多  
明蟾光燦爛瑋樹影婆娑獨憶彭城使今宵誰與過

十五夜不見月

佳會忽如此當軒空自憐浮雲亦何意皓月故應圓  
待景夜將曙鳴絲心更煎不知百年裏幾度見高懸

寄李宗易六首

為別動經歲相思無畢時情綜書札見憔悴憂魂知  
泉石意常好風雲數或奇壯懷俱潦倒聞來四愁詩



其二

每見岐陽守於君問訊頗午風常醉客秋雨動傷神  
林鳥翼已倦山麋性不馴從來踈禮法豈是欲逃人

其三

許西多逸興日日白鷗來種竹忽遮屋看山何用臺  
有時調舞鶴終日醉春醅何為蘇門客招邀不可迴

其四

往事人俱白貧若心亦安常時携角吏尚肯戀微官  
脫鳥死依壑沐猴非愛冠不知棲~~枝~~轉覺畏風湍

其五

憶昔同遊日踈狂欲上天心將清瀚海志欲勒燕然  
事去即長逝情乖難更遷十年耕隴畝慷慨讓誰先

其六

此意包藏久因君偶誦之禰衡原有託房瑄豈無知  
遂我山林樂從他具錦詩那思宵漢下仍有丈夫奇

午坐對雨

鳴雨夜不歇積陰秋正寒此時當孤枕何日對層巒  
鬼課鄒陽賦妻供枚乘餐山城天又晚遮莫到更闌  
得德克書有感四首

早聞前月莫尔駕欲西歸今日重開牘連宵夢不違



風流自吾事偃蹇又誰非但有牀頭酒何憂未拂衣  
其二

新來殊愛靜逖與太初遊吾弟能如此汝兄何更求  
秋山紅葉細寒澗紫雲流共爾相斟酌還當到白頭  
其三

用舍隨吾道行藏係彼蒼老夫渾不染時輩亦何狂  
翠袖巴渝舞金杯蘭桂漿幾曾虞毀譽特恐太荒唐  
其四

汝謫嘉州守峨嵋揖郡樓公餘饒作賦興起合乘  
且愜追遊志休為萋菲憂前途天意遠身外即何

八月二十二日明叔至訪予與舍弟德克東堂  
宴集

故人遙問訊愛弟近來京共醉東堂酒還吹南華笙  
親交俱落莫鹿豕豈逢迎不覺踈簾白蟾光下曉成

送慎之澤官荆門

知君惟我舊售玉嘆何遲自有長楊賦何勞湘瑟詩  
老鯢須日化霖雨待春滋祖餞河橋上非為岐路悲

送曹二慎之赴寧夏二首

卿家良將子影泊已多年寃狀人皆白勲名天或憐  
琯弓趨上郡寶馬過靈川莫羨黃金印宜陳度虜篇



其二

昨逢張給事新自夏城來細數推移力深知樞轄才  
仇生猶列土曹仲况含瓌盛世無私曲憑君急早回  
四月八日雷雨大作蓋自正月到此始聞雷聲  
歲輿趨孟夏此日始聞雷乍起聲猶咽方張勢忽迴  
濃雲開更合微雨過還來真宰應無意吾心自百哀

對山集卷之十二

康對山先生集卷之十三

五言律詩

普緣寺夜坐待月

夜宿普緣寺探杯聞妙詞兩君俱善賦一醉我何辭  
澗夕漁來晚山高月到遲上方鍾磬發瀟洒勝年時  
同諸君塔下看吳道子畫

塔下看名画天龍倏欲飛神工應獨契絕筆自通微

靈護魚龍窟雲含巖負衣亦知經世代惆悵立餘暉  
答汝溫中丞承之大叅虞佐憲副三君子經予

彭麓山房見懷之作



此地幽棲久非關物外心中丞仍有作畫省况遙臨  
偶尔歸城市何能報雅音幾時重握手坐詠碧山岑  
贈聶東之

兩宿華山下見君文采新聰明能應物豪爽豈同人  
更聽艸堂語益清煙市塵影影楊叔子宜爾獨為隣

書懷

兄弟皆英俊斯文應在茲如何背鄉邑安足慰支離  
心冷蒹葭影吟乖棠棣詩憂來渾不寐安得使君知

正偶書

載謝明鏡今知白髮饒無能乘海鶴有分灌園苗

酒向籬邊醉風從柳外飄百年如一瞬朋故漸蕭

寄介夫

酷暑與君別悠悠忽仲秋南山將問圃黃谷可臨流  
稻惜沙雞飯杯憐稚子謳遙聞多暇日好放戴逵舟

郭以方鳳谷別業

羨君丹鳳質卜築鳳凰巖此谷無凡鳥前峯有巨杉  
泉濤落短壑竹杖引長鏡莫訝將鷄操朝陽待阿咸

雲

無能消暑酷有意結陰愆萬里澹無色三秋黯自懸  
既難迴舜日不可障堯天望裏迷巖穴何時淨百川



聞警夜者

夜禁冬來密風塵雨後清樓頭傳鼓角原上極喧聲  
盜賊尋常事關防郡邑名早能輕賦歛何必畏孤城

夢伯循

此夜谿田子層樓與我同避人看寶劍貫酒坐長松  
笑語宛如昔文章新更雄晨蒼有鳴鵲應過艸堂東  
聞用昭消息

已促華山騎猶憐小玉詞半旬無鴈字何日到龍池  
節序葵榴發風雲圭竇迤尚期歌白苧早為掣青

夢用昭

夏初饒曉睡夢到水西莊酌酒同調鶴乘風或據牀  
兩旬消息斷幾月去留長想見新豐旆搖搖向夕陽

邀虞卿

居人猶苦雨行客意何如奈可憂能老還須酒共除  
虛堂仍舊客小圃尚餘蔬擬作通宵飲無辭復過予  
三月初用昭見訪東齋小集同賦

青尊拔客醉深夜落燈花艷曲依絃好纖腰逐舞斜  
風流思杜牧落魄愛劉叉尚有千壺綠醪不用賒  
東齋答張子

却憶遊山日山花開滿枝紅英俱爛熳綠萼未參差



歌向筵前度風從沂上吹十年纔爾爾老至亦堪悲  
再夢用昭

不作相思夢春來為子頻歡遊纔幾日傷別又經旬  
萬里關山道長年鹿豕隣應知詩卷裏漸比杜陵新  
雨中有懷呂大仲木

為別動如此相思空自傷遙憐孤鴈影常落五楸莊  
積雨音書滯經秋夢寐長豈無千石酒不可慰愁腸  
是夜對月遲明叔不至

可憐今夜月獨坐欲三更清影自不寐佳人空復情  
御盃呼稚子泛渚羨袁生乘興同誰賦孤城河漢橫

十八與長州叔宴後還內有感步月仍疊前韻  
定遠昧前筭嵇康非養身百年同一敝千歲役何人  
有酒應拚醉逢歡莫厭頻夜闌明月上感慨意彌新

文彥彬過予

訪戴嗟予懶衝泥羨尔行漾波千嶂黑涵照一庭明  
颯颯頻催夢鏘鏘屢着聲愁來厭杯酌喚婦煮香秔

命妓

命妓同君飲能歌豈必多但令開逸思莫問夜如何  
八表歸堯曆千秋息漢戈新來有佳釀不厭數相過  
明叔晚至許西適大雨如注予無雨具不得奉

清例



陪寄此二詩

大地長昏雨旻天無寸青側聞臨華戶安得候虛庭  
世態悲飄瓦人生類泛萍蛩聲復凄切今夕若為聽

其二

早起扳高駕遙遙立泝東客來仍急雨夜去復迴風  
館穀無兼味逢迎賴小童不堪心緒惡愁極轉怱怱  
二十三日夜同明叔東齋小酌二首

永夜復鳴雨與君惟短吟孤燈照無寐新月望猶沉  
籬菊猶堪折園蔬太不禁秋郊黍黍盡轉使百憂深

其二

薄酒聊斟酌因君暫息愁他時歎離索此文且淹留  
萬石陶家粟千金相國棗不堪人事惡悵望朔雲浮

問粹卿

笑問蔣夫子何時入始平秋霖尚如此羸馬若為行  
禾黍心俱變閭閻力已傾平生不灑淚慟哭為蒼生

八月二十四日雪東明叔二首

積雨更成雪玄冥稷素秋已諳有生苦詎識無衣愁  
使轆復旁午丁夫盡逐流報言振纓者暫為此人留

其二

天雨苦不止官程何太忙郊原漫若海水雪積如岡



願惜丁夫苦休云道踞妨諸公亦人子念念莫相忘  
別明叔三首

握手未云極分携良苦心遙令遞杯酌何及弄鳴琴  
愁緒雨中斷美人天上臨平生離別恨今夜更還深  
其二

睇此檻中菊歲華將著花本期同作賦何意復鳴笳  
虹啣涯東水雲開嶺北霞習知天欲霽喑喑聽飛鴉  
其三

累日開書卷同君坐艸堂可憐今夕興不似夜來長  
歸去非遲莫詩成覺慘傷何當生羽翰時過白雲房

夜坐憶南川五首

極日許西亭秋深山更青驚風林葉墮帶露野花零  
何處拚高興吾家聚德星新詩饒卷帙端合老夫聽

其二

華髮當明鏡紛紛非昔年慚無同輩客聊有夕陽川  
往事真徒爾當歌或泛然所親俱落寞群弟幸多賢

其三

黯淡天初霽尖風巧送寒春令須急難風雨太無端  
目斷巴渝月心驚岷漢湍歸來羨無限不是薄微官

其四



丈夫輕萬石况此一官微  
萋菲既時命風流從俗譏  
自能崇雅操幸不殫輕肥  
便作還耕計應知世所稀  
其五

日日東齋坐思君君不來  
艱難憂積雨徒倚望層臺  
世道須英物林間愛濁杯  
與渠常學醉何必步兵才  
喜虞佐過二首

不覩唐夫子勞勞又復秋  
丁寬原少儷劉向自難傳  
對月懷高論臨風想勝遊  
轡車何日到日斷滄西丘  
其二

教法久傾廢惟君得坦塗  
向來中夏試真是數年無

駕馭非吾道逢迎笑腐儒  
早聞溟海論直欲媿潛夫  
寄伯循

近聞開講席綿蕞授諸生  
古道慚章句時聞何重輕  
致知原有法格物本緣精  
今日章縫士勞勞唯釀名  
醉書示臬等二首

日日醉如泥臨池自索題  
百年今已半九日賞應齊  
玉粟晨猶密金糝夜復低  
何當乘鶴去高臥鹿門西  
其二

弱冠已希隱中年欣謫居  
未能遵五典聊可續三餘  
靜愛希夷榻閒臨逸少書  
所懷真不忝俯仰益舒徐



採藥

採藥南山下因過北渚邊  
偶宜盤谷杖何必岳陽船  
靈灼安期訣丹霞王屋天  
不須跨笙鶴便是子喬仙

送客

郵亭黃葉下遊子暮何之  
龍劍慵開匣煙蓑常挂籬  
風雲千古意捭闔萬年思  
何日歸王屋逢人托素辭

哭劉漢英

憶昔同遊日惟君有素心  
行多長者意動合古人襟  
歛翼趨川邑思歸返漢岑  
九原先不作令我惜知音

郊行

曠野空山翠晴溪細水橫  
艸花初見濕香霧乍看輕  
才屋人過少危巒鳥入驚  
遙遙太白峽真可學無生

暮歸

泝上人歸晚深秋花木稠  
蒼苔侵館閣綠柳暗城樓  
禾黍村村急人家日日憂  
入門燈火夜獨坐不勝愁

聽歌

夜坐靜無寐聞歌心更清  
山林客我醉廊廟任誰醒  
且度梁州曲聊從洛社盟  
二毛催暮色於汝特關情

寄敬夫

往日終南下無能罄宿歡  
泊還西堂後益重北風歎



人事自旁午君心莫棄拚空思華陽吹已似石門彈  
鳴岐宅集

訪舊過華邑傳杯列夜筵良宵吾欲醉佳節汝當憐  
小妓歌金縷奚奴拂綵箋明知鳳泉下疑是洛陽川  
夜坐聞歌

靜夜聽歌聲絃危調轉清寒泉晴瀑玉春柳晚啼鶯  
宛轉傷予意悠悠揚感客情白頭誰料理聊且慰愁生

戲北山子三首

掌上莫須飛庭前謝舞衣君腸先已結妾意竟何歸  
且作當筵燭休為去婦機辛酸君自識姑勿問容暉

其二

少小畫蛾眉君心知不知承歡開錦帳拜月問佳期  
莫以韋娘妬空含越女悲薄言如可薦不敢辱恩私

其三

一自當君夕芳心更不移欲調秦女瑟恐負晉娥詩  
帶喜鴛鴦刺心嫌鶯燕窺憂來尋碧艸沾臆淚如絲

望乾陵

乾陵直北是遙望逼天齊開物羨群策危邦傷艷妻  
履霜懷昔戒遵祖豈今迷千古經遊客空餘感慨題  
經秦莊襄王墓

三首  
白  
調  
喚



碧州秦王塚青藜吏部莊霸圖潛易呂水德竟終襄  
松閣春吟好花闌晝倚長古今同一畫遮莫負年芳  
過愛松宅看花

別院好花枝移尊看舞衣彩雲聲不斷紅拂對偏宜  
倚檻迷新辨侵階落舊蕤春來終日醉不數習家池

到家示南川

遊山君亦倦探勝我猶狂祇欲從吾意焉能似俗忙  
阮生非避蔣繆襲已慚楊城北園亭好嘉期幸莫忘  
渡渭

秋波仍未闊上地雨湏稀鳥自雙淹度人從二曲歸

野僧空戀客蒸露已沾衣頗憶東厓險慙無鶴背飛

懷李二獻吉

李生當代傑文賦似班揚有志摧奸宄無能立廟廊  
影零依汴水落魄問衡陽空抱靈均意誰人草薦章  
再讀漢陂之作

此曲今希有予歌怪底長直堪追雅頌不但覩文章  
水調慙蘇子魚殮笑孟嘗勞勞塵坱客誰識老夫狂  
夜入旅次

巖城初夜入一片角聲傳婦踏晴逾滑飛雲濕自懸  
中堂無四壁右序有三椽何似揚雲宅蕭條演太玄



別女

欲去百愁生，嗟予別汝行。  
肝腸千折痛，荼苦一身丁。  
徒有關心淚，誰為切骨情。  
所期嚴節物，聊以慰吞聲。

贈無涯子二首

為別忽如此，相逢今若何。  
且沽桑落酒，休唱郢中歌。  
白髮經春變，衰顏倚醉酡。  
歎君風力好，籍籍動關河。

其二

逐客三年臥幽人，萬里心世方同。  
日月吾敢薄，山林大義猶飛動。  
虛名故陸沉，成兩都賦傳示莫因尋。  
雨霽望少華山簡公望。

孤坐艸堂靜，雨晴山更佳。  
曉烟開嶽麓，夕日照泉涯。  
疊嶂皆疑翠，連峯盡放霞。  
使君高興發，誰與泛靈槎。

贈歌湖子

繫自華山發，龍池興不窮。  
豈惟觀妙句，尚欲醉高叢。  
大藥終期熟，靈筌半已通。  
幾時重握手，遊眺極空同。

說經臺

曉轡衝雲上天香，滿路聞五年三眺。  
此百歲幾同君，玉峒風烟渺丹臺。  
羽節分憑高無限，意何用北山文。  
普緣寺塔下。

拂石看名題，探杯坐瑤溪。  
岩花嬌欲發，山鳥聒爭啼。

乃多表  
非筆  
初也



樵徑穿雲入危樓倚巘齊若非端騎但直過象峯西  
華陰道中望嶽見南岡使

東行經華嶽拂霧望危峯斜日明巖雪微陰薄澗松  
隔年情尚繫今夕興空濃不意南岡使遙遙又此逢  
嶺底鋪

西嶮夕日下始達太行陰才喜羊腸盡仍愁蜃壑深  
愛竒情半慊愴昔意逾深回首函關道鄉心太不禁  
桃花洞同呂子暨蘇解州三王上舍立舉人集  
二月二十五日也

客至桃花洞桃花半已飛感時方命駕乘興忽忘歸

引水臨花塢看漁坐石磯不知人代裏何事苦依違

靜林寺同呂子及王立四子集

蘭若倚天開晴山萬壑迴我來拚一醉共子坐層臺  
鶯燕窺歌吹風煙拂炒菜即非王子晉瀟灑亦雄哉  
王官谷簡王立四子

聞道王官谷林巒足勝遊偶然同一覽真已陋三洲  
天柱風烟斷仙源日月浮重來詠磐谷應是待高秋

答客

用舍非人意行藏吾道存生成俱是德放逐詎非恩  
屈子懷沙賦淮南招隱文明時無棄客莫帶敬亭雲



平生

平生期畎畝及壯入烟霞難繼達人獲聊依處士家  
虛名同逝水薄宦等搏沙事業群英在何勞放海槎  
南川自整屋歸以詩問之

尔向南山返予方華岳歸勝遊俱不忝幽興未全違  
雲裏仙人館沙邊漁父磯此行如有作好為老夫揮  
再經德充園林

前日追遊地佳期予復來道經玄宴圃思遶碧雲臺  
蕤首方擎雨林阜未試雷詎能遊五嶽且自擣千杯  
園亭夜歸聞諸君餘興不已謾成

火路鳴珪聒藍輿及夜歸仰天欣見月浥露畏沾衣  
首夏園林好良霄燕賞稀諸君高興發若可遲朝暉  
送侯應乾還山居

送尔還山去匆匆未盡歡大都為學好莫謂濟時難  
隱見非人意從違任自安鹿門芳艸綠休薄鷓鴣冠  
贈別德敷參戎往肅州

君向瑜關去秋風待鶚飛白鞮清部落青海豎旌旂  
貢賦從來久隄防近事微班超亦男子莫使寸心違  
贈惟裕二首

一自京華別匆匆十七年相逢頭似雪坐論思如泉



笑我山林僻羨君廊廟賢西巡有民瘼或可一安全  
其二

春來仍苦旱萬室鬱如焚不意隨車雨潛通伏岫雲  
閭闔回氣色卉木動芳芬尚欲聞餘論東堂夕待君  
八月三日雨至初六猶雨因緘南川

雨中連日滯頗覺見君難定有秋懷作應留午坐看  
芙蓉新自好菡萏久仍殘巖洞西南澗同誰聽激湍

八月五日夜坐

秋雨夜逾急燒燈聊自吟階蛩聲不斷簷籟氣仍侵  
無寐誰傳酌多情獨撫琴歲時奄忽裡回首見蕭森

贈甘公才還內江

問弟來仙郡探竒眺畢原行吟非效屈高臥謾同袁  
此日三巴路何時五柳軒朔風催去馬好盡白雲尊

送呂九川

潁西一尊酒送子赴滇南地與蠶叢接山當桂口丞  
平生金馬賦此日玉門談佇立看恢闊秋深待北驂

寄題西軒

賢王開邸舍日日對琴書客有鄒枚榻門餘黃綺車  
朝暉明別殿夕照護文除看取優游興東平更不如



此集卷之十三

對山集卷之十三

康對山先生集卷之十四

五言律詩

元宵與德一夜話

今夕值三五嗟予年已長  
無能遂良觀空自坐虛堂  
世論紛紛異閒情日日忘  
中春俗事畢南去覓雲房  
十九南川携酒見過

天心或如此吾意徒憂傷  
酌酒情逾好吟詩興自長  
伯陽原習靜夷甫故成狂  
行樂從今始同君日萬觴  
三日遇雨

南眺杏花塢詎令微雨妨  
烟亭空有色霧壁謾浮香



枝迥玻璃濕，豨歌琥珀光。隔年期此醉，風雨莫深狂。  
符氏崖峒小酌

勝地宜攀賞，重來興益長。巖花當座落，徑草隔籬芳。  
皂蓋乘春出，青尊及晚香。君非彭澤宰，何事滯柴桑。  
及符氏泝園觀望

極目花如繡，當筵酒似油。共來佳麗地，始識林塘幽。  
露徑穿芳艸，河洲狎野鷗。丹霞崦外出，何羨武陵遊。  
送許廷美方伯赴浙

子向弘農去，何時到越城。萱闈春自末，墳館和仍清。  
兩載已渝諾，三朝廊廟情。憑君看寶劍，好為靜挽槍。

贈趙惟誠二首 惟誠名敕內江先生子也

紫子方弱冠，委質事尊商。愚以詩書啓，非將禮樂攻。  
依歸逾二紀，感激切孤童。竟汝雲霄上，依然有父風。  
其二

少小憐瓌異，風標壯愈成。豈惟吟五字，倏見出群英。  
談吐皆豪論，周旋切素情。行藏須長厚，遠莫似諸生。  
出東原

端居嘆逝景，節序忽清明。整作晴原眺，兼聆春鳥鳴。  
松楸滋世澤，禮樂發休聲。逖德今吾事，傳家賴晚生。  
答德克



汝遂還山願應知慰我私開軒同看月對酒共持盃  
欲擬梅花賦先呈棗萼詩詎言畢吾志形迹愧昌時  
送丁原德往河南二首

之子憐同調別予來竹溪義深石大傳情重庾安西  
遺愛關南誦高名北斗題素心常不染真與古人齊

其二

客向河南去臨岐意惘然春風催去鷁和氣表新年  
綠鬢今俱變青尊好共延漸臺如有賦莫惜玉華箋

寄李仲南

絨觀珍翰高義欲凌空秀奪乾坤秘才當秦晉雄

清秋過不謬高會約還同倘並張平子令予見古風

贈端侍御還京二首

服義應吾道探玄坐不辭神交何用昔顏脫在逢時  
遺惠千夫口清風五字詩臨岐意無限不是愛君私

其二

此日關河事封章定幾篇豈惟凋敝極直與死生連  
幸覩安危論如窺寥泲天丈夫千古意好為世人傳

答熊子修侍御

共坐草堂下清歌鳴綠絃百年身易老千古事空憐  
命子沾春酒同君眺遠天便無雙鶴舞亦是地行仙



宿聖壽寺有懷子紳

野徑通蘭若新詩凌庾卿長槐千樹直斜月半窓明  
緩步人俱寂微吟鳥不驚何當同坐此聊復慰閒情

九日懷王大敬夫

秋深與子別此日又重陽日斷終南曲心懸衍慶堂

芳園松桂碧艸閣艾蕭黃不得同君語空回九曲腸

賞花遇雨

好雨及花時花開雨若滋翻風分朶朶映水故枝枝  
膩蕊歆朱露天香點綠蕤花神須有意痛飲莫相疑

二十五日時濟法曹明叔整屋二公見訪雖賦

肥極周一旦解携悵惘何限因賦小詩見懷

美人相續去獨我坐空林笑語幾時再相思今更深

遙遙大微坂寂寂武陵陰不見同懷者誰知塵外心

許西山房同東谷夜坐七首

今夕復何夕高人過許西笑予垂露翼憐子蹶霜蹄

宿雨波濤激空林煙霧低不堪君欲去含恨托詩題

其二

雲開月半蒼精晦匿朱陽誰復思民瘼人皆炫色莊

妖氛千里闇禾黍萬家傷君若還京邑煩將達聖王

其三



踈嬾類君知非  
溷跡樵漁社

其四

才棄盛時已看齒半落莫問鬢全絲  
身雁鷺池若詠真偽辨唯幸蓋棺遲

君昔宦海瀆  
萬仞龍潭水

其五

修幸早聞氣凌吳太傅詩似鮑參軍  
秋華嶽雲壯懷全不忝安用惜微醺

秋老橘初黃  
車馬辭山邑

其六

肥酒復香已拚成酩酊且莫問行藏  
旂指太行平生持正論詎肯信灾祥

二年滯雍州

去復當秋宦况悲燕市歸心折庾樓

抱奇羞魯割濟溺賴商舟莫似長桑子勞勞臥一丘

其七

此去承明殿風霜屬身冠務令豺虎避休遣鵲鷓寒  
遠道還休問深杯且共歡倘來逢驛使先與寄平安

九日同長洲叔及諸弟游西登高二首

許西晴自好况復酒筵開微醉聽哀壑長歌坐曲臺  
三秋愁欲盡九日喜還來興劇催歌舞同期酩酊迴

其二

諸弟俱英物名園復絕倫都能吟五字何止冠千人  
明爽真無敵風流似有神醉歸扶杖履情意轉堪親



同王尊師過許西

避人棲此地庭檻盡宜花  
豈意停仙駕同來託物華  
芳菲回首歇氣骨逐年差  
徒羨長生法蓬萊詎有涯

醉後

花前坐綠蔭微吟復放歌  
三春行欲暮一醉莫辭多  
白髮賓朋盡青雲鷹隼多  
亦知慚角里且共學唐佗

亭上作呈客

雨過夕陽下幽亭風色清  
群公皆發興野客正含情  
翠篠當軒茂蒼苔匝砌生  
直南瞻太白不醉若為情

八月十八日雨後過艸堂二首

一雨雨後漸涼生  
我坐草堂不憐茲山水清  
嘯歌看柳泚徙倚過松坪  
但得灌園四趣何勞處士名

其二

繫自中秋到何曾見月華  
濃陰蔽霄漢積雨損桑麻  
夕霽標林影晨興及水涯  
柳邊清意發若坐列仙家

答太微夜坐之作

良晤寧辭飲君才近所稀  
乞將春後興好向坐間揮  
小院風生竹閒庭月到扉  
都能觸吟思豈可詎言歸

許西賞花杏花亭小坐

不作中林宴匆匆已二年  
堦低殘艸上花密野藤牽

有佗何人系  
不能曉



樂處移歌席歡時辨舞筵杯來若辭醉應負酒如泉  
謁后稷祠

翠栢籠香殿蒼雲蔭石苔春深迷古砌日夕暗層臺  
文德通時夏蒸嘗尚有邨萬年瞻廟貌茅土亦悠哉  
謁唐太宗皇帝祠堂

宇宙思真主乾坤屬盛唐發祥遙類禹戡亂遠承湯  
日表千年頌龍章百世光故鄉餘廟宇伏臘見馨香  
次韻襄陽澗南即事

深秋動成恨遣興過田園木落驚林曠川迴聞瀨喧  
結茅編小榻負日坐空軒嬾誦封書藁呼僮課五言

山谷口亂石小坐

此石何年墮疑從太始來崢嶸礙雲日犄角似樓臺  
定徒蛟龍窟非嚴虎豹垓山濤驚客枕夜夜若風雷  
一壺春幽齋醉旅人既能麾藥物即可悅心神  
僮子青精飯微君烏角巾看君逸興發不羨李栖筠  
立春日臨鏡戲成三首

十年再臨鏡兩鬢素霜盈不意神光側依稀玄黓生  
災祥空衍北倚伏竟難明吾豈長沙相傷心有賦成



昔遇王公濟言予骨相窮官當六品上筭約五旬終  
生死通人理窮通係化工果能返元始吾意益從容  
其三

舊識參同事頻年未得謀乘除原有數喪亂實吾憂  
所遺渾如此遙思豈自由引杯忽成醉冲抱隘三洲

八月十四日往泚西遊覽

中秋喜新霽予來幽思深誰將三釜意慰此百年心  
撫杖憐孤影開簾見遠岑直須沾一醉高卧聽蛩吟  
馬嵬道中逢許由之

一向岷山去予為華嶽行相逢歎岐踞微語見平生

秋色霽方好夕雲風乍輕無能共延佇落落媿予情

渭南邸舍夢亡妻二首

死別已十載夢魂才一逢尚能携胤子仍與慰衰容  
有恨何曾斷無由詎可從九華吾果就挈汝躡仙蹤

其二

老境忽如此後圖當與誰空將萬行淚灑作一生悲  
宗祧雖先訓生成實命為疇疇不能寐微月上宵帷  
榕兒豆痊

有兒新出痘及醫幸無虞全藉神明力聊為衰老娛  
悟玄非向秀殖產愧陶朱更得看婚娶吾生何復拘



送劉遠夫往蜀

君向巴州去何時入劍門  
隴雲低拂旆秦雨細當軒  
馬首空相望秋初幸討論  
關河凋弊久黎庶憶劉琨  
十三日同雲夢南至漳川  
及二甥於浙東集  
緝園乘雨霽散步玩溪  
清何事烟波叟常為禮法縈  
岩花幽自發林鳥靜爭鳴  
坐有長沙客新詩若可成

送尹長史

送君雍原上春色最宜人  
握手意難盡還家興轉新  
地官仍偃蹇玉傅屈經綸  
可似峨嵋下消遙折角巾

贈馮文旭秀才

君豈馮唐後承恩亦暮年  
草堂題處士烏帽仰神  
仙桃李門墻麗桑榆杖履便  
著書如有暇曷與過談  
玄

積雨

積雨春林杳看花興已闌  
空將貰酒意竟作抱株歎  
處士薔薇座先生首着盤  
從違昧前筭大笑鹿皮冠

李臨泚祠

佐郡自何年金城祠祀虔  
清風當日誦美政此時傳  
柱史碑同愈詩人記類遷  
令孫見遺德臺表獨稱賢  
西岩石室與李侍御飲



相對西巖下初秋暑尚繁孤貞時共棄幽操竟誰原  
感子累相問嗟予乏可言竒才當聖世幸以慰元元  
戊戌除夕

除夕傳椒酒呼童舞柘枝孤懷久愈白雙鬢近尤絲  
座有痴兒戲門無櫪馬嘶衰殘須自愛遮莫似年時  
春日贈劉嵩陽二首

忽聞嘉客至載酒遲春郊社鼓川原合中車遠近交  
岸容回淑氣柳色動寒稍即此堪行樂何須火室切  
其二

下文章士年來訪隱居側聞光義久幸覩笑談初

邂逅誠非晚追隨良有餘丈夫康濟事不可愛吾廬

送鳴岐

季夏君趨蜀相看手重携一尊石室下萬里峽天西  
官舍連威茂郊廛雜象犀諸生有司馬丞與寄封題  
別南溪

友道新逾廢奚容一眦微韋弦嗟子去唯諾歎人非  
有論應韜櫝無媒獨擁扉秋深澄夕霽吟覽思依依

送周愚齋

華山聞子至中道忽相違綉嶺君西去交河予北歸  
才華雄楚甸光采照秦畿倘有浯溪訪何妨夜典衣



臨潼逢片山笑齋

又作臨潼會風沙欲語難可憐當砌月不似在臺看  
跋涉侵衰憊回翔柰羽翰空將斗酒意何計報任安

送呂幼誠

冬日長安道匆匆喜見君鳳毛原有彩虎革自生文  
雪凍長河水風開華嶽雲此時君北上不可惜離群

夜坐

坐久吟成劇燈花墜復重紫團烹雀茗香玉煮雲春  
刻燭教兒賦更題且自封始知杜陵老無日不從火

十四日夜谿田涇野至對月有感二首

對夕近  
路亮  
讀

令節仍高興慙二老過蟾光如有意亦向座中皓  
未暇論心事先呼酌叵羅通宵歡不寐言笑轉娑娑

其二

此約先年訂深愁風雨妨積陰當夕歛佳興共秋長  
壯志冲牛斗長歌叶鳳凰關中餘數老垂白未參商

五言排律

送馮二時宜丈還鄉

十載皇飛動年來猶寂寥文章能自誤義氣竟誰超  
生計餘風雪窮途益悴憊故書行不置重榜久還凋  
夜飽三苞飯晨看七貴鑣飛騰慙化日偃蹇愧昌朝



抱霧春當發，羣雲曉更翹。兒寬終帶印，貢禹已聯貂。  
後節如能礪，前程自合遙。臨風看行李，短鬢益蕭蕭。

送澄甫

秋色溼京邑，佳人萬里歸。浩歌今夕共，鄉約寸心違。  
同薦憐君後，先登笑我非。才如蘇季子，句擬謝玄暉。  
蘭省春風失，天涯夜語稀。功名終屬謝，軻坎暫同韋。  
鳳羽晴霄濶，鴻飛露渚微。楚丘看渭水，灞岸問秦圻。  
踈渺悲餘事，家貧典故衣。願君重努力，好以報庭闈。

未如送蘇明府天秀赴榆次

此日同人同醉憐，君却獨醒神。鳥飛曙海丹，鳳翻青冥

氣象俱恢拓，才華况寧馨。詩篇窺杜甫，標格詫嚴青。  
邂逅長安市，追隨大宛亭。文章俱可誦，議論總堪聆。  
且喜趨陪早，仍沾禮數縑。薄書日勞大邑，陶冶發天型。  
解錯施餘力，烹鮮妙獨經。地為唐帝國，治越魯侯庭。  
政貴全三善，仁浪慰萬靈。直當蘇困憊，不可狎鼯鼯。  
理劇輕推轂，剗煩易建瓴。長亭聊駐馬，別渚送揚舲。  
餞酒沾燕肆，離歌徹鷺汀。逢迎今夕盡，想像後時專。  
每笑秦雞伏，寧聞朱犬寧。千夫奔道側，萬室望郊坰。  
地俗連朝邑，王風閱井陘。知君有奇抱，端可報明廷。

秋興



山翠忽如此乃知積雨餘微烟當砌濕涼月度窓虛  
好客趨承倦投簪禮法踈眺原無遠駕習靜得方書但  
取杯中酒聊同津上漁微薰歌白石落拓復誰如

得涇野書兼聞君錫云留都士類尊承之盛感  
而賦此

驟別今三載相思浮九秋偶承書札寄益重草萊憂  
知己飄零盡同心汗漫求蘇門唯獨嘯彭麓未羣謳  
夢寐空相及追隨詎有由所欣人事好更喜客懷優  
踐履原非偽從違亦有由扶搖看鳳翥消灑羨龍游  
昔去方懷憤新來亦笑休乃知修已樂豈似鈞名羞

傳習爭相授西銘弃未收世情尊怪異吾道益沉浮  
朱紫色難辨薰蕕氣不長可能恒覲李尚尔日懷劉  
禮樂新方振疲聾漸亦瘳請纓慚壯志投筆異前儔  
丹灶朱將伏烟霞清可留行當揖人世與子玩羅浮  
送謝給事左遷雲南典史

遠謫滇南去知君報主心 聖恩原自潤天道實難  
忱酷暑陳倉道清秋鶴慶林和熊先已慰鞞棣殆同  
音唐介還徵對千秋亦賜金虎頭煩自重莫羨宓生  
琴

十四日得舍弟德充消息



此日嘉州便傳聲謂汝來道遙將兩月凝望倏千回  
浪指寧羗信空營駐馬杯笑言今始得懷抱遠同開  
李愿非俗客岑參本絕身月明巫峽賦端合為君裁  
奉壽東原老先生

間氣扶鴻化昌時得鉅儒我師關輔亥高義古今渝  
執禮欽程伯言文陋董狐數竒場屋蹇道在性情孚  
未薄常州幕何慚楚澤虞君貧餘豈弟望重極樞趨  
桃李乘春徧芝蘭接歲殊素心原不染美玉詎求沽  
遲日明仙館靈光拂壽圖願食千載藥與世作規模

寄仲木

不見呂夫子三秋倍惘然陶潛杯搥廢徐孺榻空懸  
景邁音逾滯情幽帛未傳曩聞停藥裹今觀富詩篇  
賈誼哀湘水楊雄上太玄群趨方緬緬孤操益巖巖  
道以死思泰才因倚俗偏聖狂同偃蹇條貫異純全  
中尉歸何早司空晤不延憐君滯江國何日是歸年

寄佩玉

與子長安別相思直至今埋輪知孤操持斧見雄心  
愧我踈慵客感君金石音看雲尋碧草習靜卧蒼林  
竟欲徵王粲予當詣漢陰

送王伯聲



澗敞關河劇調亭得異才渥澤方被物重職已遷台  
西楚陽春至中天正氣開旬宣歸且與翰墨陋鄒枚  
不及河梁餞空思使旆迺范公終建節謝傳亦登臺  
聖主元元慮微公孰與開

對山集卷之十四

對山先生集卷之十四

對山先生集卷之十五

六言律詩

與歌湖子過龍潭小坐西望見東谷手方從

道馳下

幸觀龍潭新漲即看驄馬西來佳地豈宜獨賞好懷  
今擬同開歲月去如流駛登臨何似含杯若待弄夷  
花發應憐飛鳥難回

北山庭內望月二首

倚杖閒看明月傳杯漫拂瑤箏檻底風光乍好階前  
咲語忽驚別院晚梅盡發天涯芳草初生任古豪華



如幻方來歲月休輕

其二

昔宦同朝御几今歸共隱雲山人海繁華易歇虞淵  
斜日難扳幸得新來俱健更于莫節微閒一笑宛非  
前度石壺聊慰衰顏  
靈口西堡望見驪山  
行次零口西堡原崦忽見驪山赤日黃塵天際蒼山  
碧樹雲間春暮芳花未覩雨餘濁浪猶湧太息獨思  
往事微吟且慰衰顏

普緣觀眺次仲默

地僻柳條初綻春深小桃未花草房凹口雲散蕎麥  
山頭日斜傍壑數椽僧舍隔谿幾處人家龍窟茫茫  
俱水蒼烟裊裊無涯  
七言律詩

寄李承裕二首

諸葛辛勤無了日三邊凋弊欲何之頃聞洗滌皆殊  
昔頗謂驍騰亦盛茲社稷有靈終伏虜英雄當事必  
匡時金滕玉櫝雖人意婦織夫耕獨我思  
三春數枉故人書厚德年來欲報疎幸有知音堪問  
訊誰能感事不躊躇西亭素壁愁經眼北地安危切



繫予稍待昇平無別警東岡休負葦堂君

寄李孟弼

憶昔交遊子最親如今蕭瑟有誰鄰尺書未盡腸千折一別那堪歲十春用舍豈關丈夫事雌黃休念小兒嗔即看皓齒清歌者可是金閨玉署人

獨坐

梓里逍遙又一年風光何處不堪憐山禽應谷聲逾碎露菊侵堦影自圓策杖有時臨碧水移床終日卧蒼煙斜陽牧笛從吾意漉酒呼隣興灑然

秋意

座裏秋風絕可人回思炎溽尚傷神且看曉色清如洗轉覺寒光翠欲勻松下有時雙鶴舞溪邊無數白鷗馴便酒酌酒酬心事莫謾支吾愧此辰

聞王大敬夫將至

城頭日落雲氣開偶聞故人騎馬來論心酌酒還今夕漫興看山定幾回身事悠悠已堪笑岐路茫茫何必哀我已長歌太白峽世態炎涼奚有哉

行次渭原里遇雨

日中行次渭原里細雨斜風故故來已幸未迷太白峽何愁不冷空翠臺舟人蕩槳順流去估客驅車衝



泥迴咫尺終南休造次魚龍窟穴莫深猜

九日曠聞禹學將至

相逢細論公家事此意蕭條欲語稀五世尚能酬素志此生何敢忘形惟英雄屈指惟公是豪爽於人似我非明日欲行行更好邊夫無數望旌旂

王女洞

當年鶴背誰同去此洞空留王女名勝迹我來徒極目高峯雲去正含情千秋不改龍潭色午夜猶聞玉佩聲惆悵夕陽歸去晚滿溪春浪鬱琮琤

從仙遊行入黑水谷五里草房凹

谷口尋源入漸深回巒相地故晝陰陰嶼禽掠水應愁下野鶴穿雲太不禁慎接早房烟漠漠樹當岩岫綠森森重遊始得名山趣老去翻慚少日心

華州張子梅花亭小酌二首

梅花亭上午陰涼芍藥欄邊春晝長霧鬢雲鬟望處好羅衣金鈿坐來香嬌歌欲遣征鴻下妙舞空疑乳燕狂咲殺西溪能愛客滿缸常釀鬱金漿

羸馬東趨少華山小亭新構白雲間茗溪日麗人猶醉碧樹陰濃鳥自閑漫興詩成天欲曙壯遊心老鬢仍斑東峯聞有登臨客漱漱仙蹤若可攀



留別太微

養生無狀病經旬藥裹扶吾更有身明日將歸休恨  
別他時再見却相親嵇康枉作形神論魏野終非翰  
墨臣早晚南山雲氣發請君天際望綸中

送馬公濟

此日西堂感汝來前年曾憶入金臺含杯不醉真堪  
笑對月無題亦可哀隴右幾人稱鉅臂囊中多難必  
殊才春風躍馬休閒耽早向龍荒靖虎豹

答用昭德光

年來唯與白鷗群春暮誰知兩見君幸有青尊須縱

飲况當明月更論文山房窈窕穠花發水閣迂迴芳  
草芬長句短吟俱大雅朱輪花轂亦浮雲

悼于鵬亡妾

素心不逐彩雲飛香夢空將翠筆違白紵定裁天上  
曲青鸞應伴月中歸此時洛賦悲羅襪何日湘絃拂  
蕙幃荒草孤墳埋玉處夕陽西望苦依依

雨中柬王二拱之二首

暑天不雨秋天雨禾黍總蘇生意傷百室嗷嗷爨薪  
絕千壑洶洶波濤狂龍師自欲乘雲氣真宰何時見  
日光問訊西臺王給事可能蕭散賦滄浪



積雨已增居者憂客心當此若為愁中宵滴瀝何須  
爾累日淹留豈自由獨有酒杯堪漫興况無公事惱  
清遊行當跨蹇携家釀且莫驚秋憶釣舟

十六夜次韻

不見清輝又隔年人生能得幾回圓登樓漫落千山  
雨憶弟空瞻萬里天欲遣倦懷須貰酒為酬佳節強  
登筵亦知潦倒為吾事燭影歌聲入夜偏

憶昔

憶昔承明侍從朝先皇端拱似神堯萬家簫鼓傳雙  
闕三殿風雲護九韶劍佩緩歸青瑣遠蠻夷通欵越

棠遙可憐湖上龍飛後人事官曹漸寂寥

破悶

前年置酒陟唐山兄弟無虞季父閒千里晴原饒極  
目兩川秋色競開顏於今遼邈仍多故何日逍遙得  
好攀積雨轉狂懷轉惡徘徊空望白雲關

二十二日喜雨

經春無雨衆農憂入社看雲銷客愁織貢已悲秦父  
老調停爭望漢王侯西疇沾足殊天意上苑逍遙洽  
帝遊聞道長鄉能作賦應將黍稌頌成周

涇西村見野老邀食



野老支筇咲問予桃花飛處即吾廬尚思漉酒呼村  
妓可暫偷閑駐小車指點杯盤無別饌坐談筐篋有  
農書雙顴豁磊衣衫古爾雅安閑我不如

過渭川草堂

渭川草堂清渭濱無數好花明暮春小牕不受風雨  
逼爛醉豈憂兒女嗔數椽自可藉踈豁百畝誰曾辭  
賤貧憑君分我萬竿竹令我日之東小鄰

看山草堂同聶別駕東之小集

去年首夏及君歡今日春深興未闌瀟洒自宜稱吏  
隱奔馳何必戴儒冠詩篇老去因情得花鳥新來

意看多少舊遊俱不見如相逢二咲古來難

薦福寺答隆吉汝公孟獨三君子宴集

東歸暫宿支公舍車馬翩然問我來上剎杯盤隨爾  
出祇林風物為予開彈碁已盡三龍興草賦還慚兩  
謝才寶塔憑君凌絕頂試將空闊望蓬萊

薦福寺將發值歎湖太微二子來餞

禪堂晨起喜清幽野客西歸興不休二妙過予應恨  
別一時見爾足消憂林花掩映香臺落旭景霏微寶  
殿浮自古城南名勝地何時極意徧追遊

駝峯絕頂眺望

在岐山



駝峯孤眺鬱嵯峨自覺西來樂事多  
千折吟看洪水細雙巖不見白雲過  
周公禮樂空遺廟謝傅風流有浩歌  
太白南瞻真咫尺關中佳氣近如何

第一關次聯句韻上邃菴先生

拂曙披雲到此關喜隨綦履望名山  
芙蓉半出青天外沆瀣中分白石間  
定有神功扶帝力豈須靈藥駐臣顏  
攀蘿未覺行游倦細和新詩及暮還

望希夷峽

名山佳氣鬱嵯峨望裏風烟暗薜蘿  
萬壘春開青錦擘一淙晴下白雲窩  
空將尸解傳茫昧自覺天工廠

孫磨夫子若無驢背吟  
深橋誰識大風謠

華州卧病贈東四侍御二首

功成莫羨五湖遊  
河華山川已自優  
但使孤懷無染着  
不妨薄俗笑淹留  
相如抱病棲塵榻  
子晉吹笙醉玉樓  
三徑月移花影下  
歌聲猶伴彩雲流

小屋粧成貯越娃  
風流那許外人誇  
要將底事歸風馬  
故採新聲托歲華  
白社追遊東谷在  
青春尊俎北山賒  
明朝更欲西歸去  
握手相看及暮笳

夜抵鄠杜

城頭擊柝已深更  
烏鵲不飛河漢明  
入門祇覺意草



草空室無那蟲薨薨郎官愛客意徒厚野老見兒歡  
自生碧山學士燒燈至握手相談鷄亂鳴

趙使君後堂同東谷太微太華諸君子集

使君愛客宴閒堂客醉歌狂殊未央自咲狂言驚四  
座虛疑節序到重陽炎天過雨先銷暑美酒當筵  
論觴旦日東征更踈濶贈予何惜遠遊童

答希宋侍御雨中見懷

空堂雷雨送微寒愛汝修修竹萬竿安得雲霄乘羽  
翼暫過臺榭恣游觀園英帶濕先疑碧壘杵經霜始  
放丹游子悲愁作雲君應化亦不新歡

樓觀二首

仙家樓觀俯層岑春色融融萬木陰檻外歌聲初宛  
轉寰中人事幾銷沉誰能問道尋幽谷我欲脩仙憇  
靜林本是無心名利客悔教髮華到如今

危樓迥對一峯孤哀壑平連萬頃蕪摩詰畫園空掩  
映伯陽道德豈虛無西來澗谷漢馳道北去河山周  
故都風土不殊人事異誰將縣缺問司徒

九日同東侍御閻華州支倅於石橋郵亭集

九日西歸興欲飛黃花着眼尚依稀何須載酒歌清  
渭始是登高賦翠微落帽風流慚孟史揮更詞翰咲



玄暉請看握手同歡處北鴈南鴻喜莫違

郭侍御於移山潭宴王侍御同東侍御集

龍池面面逐山開乘興張筵歷翠臺魚艇暗隨晴靄  
去鯨波巧趁暖風迴欲乘倒影躋危磴謾倚微醺坐  
古苔鮑謝不來風雅絕高吟今見郢中才

靈寶渡河荅餞送諸公

諸公愛我意無盡遠送河梁春未深銀塘初解柳垂  
線蒼燿乍晴鶯弄音野人素性在山水上客高情思  
詠吟後會還於小春定誰擬畫圖開竹林

雨中獨坐邀南川過東堂小酌

二十年來間別深白雲空望太行陰銀臺誰識尚書  
履汾曲人傳翰墨林此日高堂開壽宴何時尊酒聽  
雄吟温公洛社流傳遠不及南庄笙鶴音

庄上獨坐

山中結屋俯崖陰種樹栽花旋作林豈有佳遊供客  
興但將幽賞豁吾襟篇章未領曹劉訣勲勩都非卓  
魯心百斛黃粳一盃酒微醺終日坐長吟

三月初九日過許西看牡丹二首

今日許西開牡丹携兒漉酒坐相看穠花漫識春風  
好密葉休為夜雨殘深院紫泥巢翡翠層樓朱檻宿



鷓鴣衰容任遣韶華逼幽抱常教酪酊寬  
年年高宴賞花天明日花開賞更偏昆弟總能吟五  
字兒童不必報三鱸匡時已獻賈生疏行樂何須盧  
女絃已促行厨烹玉鯉好隨佳節醉瓊筵

西園眺望

五月不來溪上遊溪雲猶自伴溪流雖非給事茱萸  
泝絕勝郎官鸚鵡洲半頃稻花迷浴鷺萬株垂柳隱  
鳴鳩何當更挈同心者小酌微吟盡日留

初八日候諸公不至同岐東南川於浙西賞花  
各賦七言律二首

佳辰每作看花燕老去風流亦可憐黃閣於吾既無  
分清谿同汝且隨綠紅英漫道辭枝下綠醕還期醉  
月邊千古豪華誰更在請將青鏡問韶年

卜築於茲三十春年來忙似宦遊人羞將白髮隨兒  
戲且向青山着此身海內賓朋一旦老林間風月四  
時新長吟何必如張翰短酌從他笑李紳

泝東宴集值風雷大作

遲日穠陰接遠空迴谿花柳益龍從池頭喜見波光  
綠泝上驚看落照紅萬壑冥冥龍送雨雙崖隱隱鶴  
鳴風凭欄自欲生吟思一瞬烟雲更不窮



彭麓山房答太微見候

君從二曲城西去我向雙厓月下歸夕日烟雲迷古  
寺晴天花柳映春暉嬌鶯過嚙娟娟語乳燕衝波故  
故飛對景相思期痛飲憑君莫自惜羅衣

奉天逢錦夫望之汝公三君子

諸君並是風流客殢酒長歌我不如十載飄零渾一  
夢百年問訊祇雙魚詩篇尚憶同趨省組綬空憐共  
直廬白髮青袍吾獨老媿從揚子問潛虛

中秋

十年不見中秋月此夜清光倍可憐便擬開樽拚爛

許何須徙倚待高天癡兒解字仍求賦野老聞歌更  
快絃百歲韶華過已半肯教虛對曲欄邊

十月五日

一放丘園二十年年來筋力益非前敢煩學士徵賢  
疏後刷天官額俊篇嘯傲已知多士鄙文章爭擬衆  
人傳方將服食求生事此意遙聞倍報然

酬郡丞羅子

聞君習靜求山縣却愛山翁遠問予泉石有奇君信  
否風雲多態我何如閒居莫著潛夫論靜坐宜看老  
子書若道齊生是虛語武陵爭得見秦餘



山居

最愛山居幽興深  
竭來終日對芳林  
非關長孺辭優詔  
自是襄陽愛苦吟  
雨霽晚川烟漠漠  
月明春塢翠陰陰  
相將幸有柴桑叟  
漫與何須膝上琴

寄孫岐山

難兄不愧西臺史  
令弟優為赤縣侯  
往日名家無杜曲  
新來文獻有開州  
中丞已上旌賢疏  
百姓空思卧轍留  
後去若逢宣室問  
先將民事報宸旒

許西道中見落花示同遊三子

不信潯西春已深  
落花示同遊三子  
三月風兼

雨那得千壺賞  
更吟此度諸君同  
漫興他時佳節想  
登臨夕陽似識山  
翁意亦放明光出  
翠岑

試筆未與山林賞  
一蹴風塵自不禁

石室棲遲近十年  
老人虛擬洞中仙  
平生畏暑非耽寂  
老去便幽反類禪  
霜紋小桃猶有箇  
風翻細草若生烟  
襟懷落拓原無為  
祇愧當時抱甕賢

即事

夕日登臨雨乍晴  
水光山色益縱橫  
何須梵伎調銀甲  
自有仙人吹玉笙  
萬里相思無雁至  
一年蕭瑟有詩成  
東籬又報黃花發  
悵望空堂蟋蟀鳴



三原拜馬處士文

門前翠竹上干霄  
院內青松色未凋  
種樹年年收棗栗  
看山日日伴漁樵  
明時不作河陽尉  
樂歲聊為汜上謠  
鶴髮青藜真自得  
瞻依寧惜馬蹄遙

華州夜坐

野寺昏鍾隔凍林  
山城欲雪晝陰陰  
客邊命酒愁難破  
夢裏思鄉怨亦深  
錯以詞章違素志  
漫將閒暇悞初心  
誰言未是山林骨  
一觸風塵自不禁

華州逢焦視遠還整屋

客裡相逢雨雪時  
壯遊歸去意俱遲  
看花已負登高

把璞空懷失路悲  
北極風雲應待爾  
西州豪俊更為誰  
青尊無限別離意  
何日書來慰我思

華陰同李侍御望嶽

層樓望嶽翠岩堯  
晴日曛隴雪漸消  
秀麗未為三輔鎮  
巍峩長作四方標  
神光日日扶洪化  
靈氣年年翊聖朝  
欲共高真尋白帝  
冷風何事向人飄

陝州望平陸

隔岸依依見戍樓  
滿天飛雪動鄉愁  
雲山咫尺分三晉  
郡縣蕭條滯一郵  
刺史已非龔渤海  
郎官誰是魯中牟  
朔風日日催行色  
安得從容望遠遊



謝宗易雨中之作

雨過涼生客到稀  
小窓依約有殘暉  
當軒喜見踈簾  
靜遠戶驚看社燕  
飛隊逐喧喧  
兔弄艇遶簷  
匝竹稍靡新詩欲報  
非才思冒雨衝泥  
此願違

李宗易亭子

君家亭子接昆明  
曲檻回簷画不成  
最愛薰風吹座  
入偏宜好鳥向人鳴  
池頭綠樹涵波影  
砌外青藜帶雨聲  
睡起題詩閒視艸  
却疑身在錦官成

二十一日與吳二小集

二十年前曾賴君  
病軀愁忍不堪云  
何當一別看俱

老再涉多虞事  
豈聞樽酒西堂歌  
舊曲藍輿東泝坐  
微醺明朝我欲華  
山去渭水迢迢接  
暮雲

寄蔡承之

十年不見蔡中郎  
空辱音書寄草堂  
累幅總憂嗣續  
事百年那慰別離腸  
還卅有訣無心鍊  
近事多虞祇自傷  
何日同遊滄海上  
却將往事咲荒唐

閩水清玉此無一有二十  
入榮龍志

月



以

自對詞君同遊餘賦土味神赴事知策書

事百半張極保翻翻莊批百精無心較並事多與

十年不具蔡中唯空琴香香寄草堂景帥歸安歸

在佛官成

對山集卷之十五

西堂知游曲蓋與東